



10

1-C

18

10

1 G

21



XVIII 1897

FRANCISCI BALDVINI

J. C. & Philologi celeberrimi,

Perineta Bibliop. De Fran. Arant. Romq. U

INSTITVTIONE HI-

STORIAE VNIVERSÆ, ET EIVS

CVM IVRISPRVDEN-

tia coniunctione,

Ex testamento M. v. i. c. Peni. Acari. Rind.
ΠΡΟΛΕΓΟΜΕΝΩΝ LIB. II.

OMNIBVS OMNIVM SCIEN-

TIARVM, IMPRIMIS VERO HISTO-

riarum & Vera Iurissprudentia studiosis summè
utiles & necessary, denuò editi

Cura

JOACHIMI CLUTEN PARCHI-

mensis Megapolitani.



ARGENTORATI.

Impensis LAZARI ZETZNERI Bibliop.

M. DC. VIII.

NOBILISSIMIS, AMPLIS.
simis & Consultissimis viris,

Dn. HECTORI CARRAI,
Illustrissimi & Celsissimi Principis ac Do-
mini, Dn. FRIDERICI Ducis Wir-
tembergensis & Teccensis, &c. Con-
siliario, & Comitatus Mompelgar-
tensis Procancellario Dignissimo,

ET

Dn. THEODORICO A SENDEN,
J. U. D. celeberrimo, Illustris. & Celsissimo
Principi ac Domino, Dn. JOANNI ALBER-
TO Duci Megapolitano, &c. à consiliis &
studiis.

Dn. patronis & amicis unice colendis,

*Hoc Officij & amoris debiti
monumentum,*

Offert, & consecrat

**JOACHIMUS CLUTEN, Parchi-
mensis Megapolitanus.**

MICHAELI HOSPI-
TALIO GALLIÆ CAN-
CELLARIO,
FR. BALDVINVS
S. D.



ETSI persape tua mihi perspecta
benevolentia atq; comitas sis,
cum de studiis Iuris Civilis,
quod in tua Iurisdictionis Aca-
demia docebam, te consulerem,
amplissime Domine: tamen ego nunc te ap-
pellare nunquam ausus fuisset, nisi si cau-
sam, quam ad te refero, tua cognitione non
indignam esse putassem: & magnam rem a-
gi, magnoq; in ea opus esse iudice, in quo sum-
ma causa intelligentia, auctoritasq; summa
inisset, existimassem. Iuris Civilis ordinariam
in scholis interpretationem fateor rem ta-
lem tantamq; esse, ut qui ei satisfecerit, pra-
clarum quippiam perfecisse videatur: neque
multi, qui id prestare planè possint, doctores
esse dicantur. Sed nescio quid factum sit, ut
Iurisprudentia amore atq; admiratione in-
citatius, semper optauerim altius eam attol-
li: neq; vulgari, & trita, qua humilis atque
exilis esset, tractatione contentus essem: in-
terdumq; etiam in hisce studiis sentirem, quod
ille apud Poëtam audax adolescens ait,
Iamdudum aliquid inuadere magnum
Mens agitat mihi, nec placida contenta
quiesce est.



EPISTOLA.

Ergo me continere nō potui, quin ubi scholam, in qua mei Iuris eram, nactus essem (et si comparatum ad rem tam magnam fortasse auditorium non esset) aggressus sim ad eam Iurisprudentia atque historia coniunctionem, quam necessariam esse duco ad civilium studiorum, & dignitatem tuendam, & explicandam utilitatem. Atque ut Aristotelis, cum ἀρχαῖα καὶ ἰστορικά doceret; audieram olim duplicem fuisse πειπατον, ἑωθινὸν καὶ δειρινόν, ut Veteres loquebantur: sic cum mane in auditorio Ius Civile docuissem, pomeridianam quandam historia universa praelectionem institui. Sic enim conuertendum esse putavi vetus illud,

His mane Edictum, post prandia Callirhoen do.

Nam etsi neque rei magnitudinem, neque conditionis mea mediocritatem ignorarem, tamen voluntatem meam inflammavit res praecleara admiratio: neque hanc alacritatem, quam alebat eius lectionis siue voluptas siue utilitas, aut ullus labor fatigare, aut quorundam iniqua ingrataque iudicia infringere potuerunt. Quam alij Callirhoen pomeridianam dent suis auditoribus, ipsi viderint: ego quam meis dare volui, eam mirabiles amores excitare sui: cumque ea ipsum Edictum matutinum multo amabilius esse sensi: tantoque propterea magis, quam horum studio-

FINIS

EPISTOLA.

rum coniunctionem institueram, et si multa
 me difficultates distraherent, ut persequerer,
 animum obfirmaui. Nam & ex ea nouo;
 veluti spiritus ipsa mihi Iurisperdientia con-
 cipere & isa est. Neque vero, quod semel in hoc
 genere tentauit: tam male successit, quin ad
 id eadem rursus & ia aggredi, etiamnum cu-
 piam: neque desperem absolui non longo tem-
 pore posse talem praelectionem. Quid multis?
 Quid Reipublica causa in hisce studiis & elim,
 vides: quaq; sit huius nostri instituti ratio to-
 ta, ex hisce proemüs, quae ad te mitto (et si hu-
 miliora haec quidem sint, quam ut ad ea co-
 gnoscenda amplitudini tua descendendum
 sit) aestimare poteris. Sed si quod optamus, abs
 Iurisperdientia dignitate non esse alienum
 statueris, ego te appellabo (quem enim, cum
 hanc causam ago, potius appellarem?) ut, li-
 cet facere non possim, quod fieri debere dico,
 tamen, ab alijs, qui possunt, ut id fiat, im-
 perare & elis, praesertim cum iam eò toga-
 ta Gallia studia praeclara ultro propendeant:
 in cuius demum veluti theatro cum aliquo
 splendore explicari res ea possit. Tua modo
 auctoritas necessaria est: quam minimè de-
 futuram esse confido, ut quam olim Athe-
 nis scholam instituerat Mnesiphilus Themis-
 toclis praeceptor, qui & in ea successorem ha-
 buit Solonem, aliquando Gallia instauret:
 quaq; disciplina multum tibi debet, pluri-
 mum etiam debeat: & quae per te salua est,

E P I S T O L A.

sit etiam ornata: illa (inquam) ciuili disciplina, & tuis erga se, & suis erga te meritis atque beneficijs deuinctissima: qua nunc suum in te summum decus tam illustri & excelso positum in loco etiam admiratur: nihilq; iam propterea, quod humile sit, spirat. Scis non esse satis, quod eam abs barbarie liberaueris (etsi maximum hoc quidem beneficium sit.) Altius attollendam eius magnitudinem: cumulandam etiam & exaggerandam eius gloriam esse vides. Denique vide, quid illa postulet, ut ex eius schola deinceps non prodeant oratores noui, stulti, adolescentuli, qui Rempublicam cito perdant, sicut est in veteri carmine. Imò verò ut illa det Senatores, quales nunc Reipublica statui, & deliberationum, consiliorum, iudiciorumq; difficilis hoc tempore conditio requirit: quales (inquam) multos hisce diebus in amplissimo & nobilissimo Senatu, cui praeeras, cum de re omnium rerum maxima quareretur, sententiam abs te rogatos sapientissime ex antiquitatis memoria dixisse, accepimus: cum quidem etiam ijs praeiret pietas & sapientia tua, quae in hac rerum temporumq; perturbatione, quid facto sit opus, exemplo inde repetito rectè monet, & veluti ad clauum sedens in hac tanta tempestate, tale Veterum consilium aduocat, cum operam dat, Ne quid Respublica detrimenti capiat. Itaque & quam tu hac ratione

inmisisti

EPISTOLA.

iniisti Viam moderationis, omnes sapientes,
 qui tuis vestigijs lubenter insistant, ingre-
 dientur: ut pedibus in tuam eant sententiam:
 in qua Iurisprudencia non iam dicam salu-
 rare Sydy: sed diuinum quoddam numen
 agnoscunt & admirantur neque bonos un-
 quam pœnitebit (frema licet quorundam
 intemperies) eodem exemplo recta dedisse
 consilia pacis & consensionis: repetuisse &
 proposuisse Constantini in Niceno, & Theo-
 dosii in Constantinopolitano concilio acquisi-
 tam conditionem: & Vel in vnius Theodo-
 sii aetate atque Imperio ostendisse, quod nostri
 temporis causa cautum & comparatum esse
 Videatur. Denique laudasse bona Antiqui-
 tatis memoriam, & respondisse, ex ea esse
 repetendam quæstionum, quæ orbem nostrum
 concutiant, bene temperatam definitionem,
 errorumq; grassantium iustam, & abs seui-
 tia tamen vel sanguine alienam, coercitio-
 nem. Scio nunquam maiori de re in hoc ma-
 ximo Regno institutam esse deliberationem.
 Sed tantò magis gaudeo, nunc oblatam esse
 occasionem explicandæ utilitatis earum li-
 terarum, quarum studia commendo. Scio
 etiam (quod quidem sæpe aliàs, sed hoc tem-
 pore maxime expertus sum) fieri vix posse,
 quin qui abs factionibus partium alienus, ex
 consilio Antiquitatis temperanter sentiet &
 loquetur ea de re, de qua nunc quaritur,
 sen-

EPISTOLA.

*sensiat intuenda recta sententia plurimum esse negotij, & multis utrinque calumnijs, (quando enim hu obnoxij non fuerunt recte sentientes?) varie vexetur. Sed eadem vera virtus est, quam vel ingratarum hominum malicia infringere, vel perfidiosorum fraus atque iniuria debilitare non potest. Certè viri boni & sapientis animum & conscientiam bonam, multis constantia exemplis historia obfirmabit. Parisiis, Idibus
Iulij.*

DE



DE
INSTITVTIONE
HISTORIÆ VNIVER-
SÆ, ET EIVS CVM JU-
risprudentia coniunctione,

ΠΡΟΛΕΓΟΜΕΝΩΝ LIBER I.

FR. BALDWINI.

I. C.



CONDITI à Deo sumus &
collocati in hoc mundo,
tanquam in amplissimo
quodā amphitheatro, pri-
mum ut spectatores, deinde ut acto-
res, atque etiam ut iudices quodam-
modo simus. Spectatores dico, non
earum modo rerum, quæ in oculos
nostros incurrunt: sed & earum, quas
memoria nostra comprehendit, &
iam olim præteritas nobis tanquam
præsentis sistit. Non possumus, si o-
culos habemus, non spectare res na-
turales: quas & orbium cælestium
assidua conuersio, & hic telluris glo-
bus immobilis quotidie spectandas,
contuendâsque nobis, vel inuitis, of-
fert, admirabili quidē varietate dif-

A

In Phadone

ferentes, sed constanti tamen & perpetua vicissitudine recurrentes: quarum quidem certè considerandarū causa natos etiam homines esse magni olim Philosophi dixerunt. Sed hæc (vt vocatur) *ἱστορία*, quæ & historia naturalis appellatur (vt rerū physicarum scientiam Plato vocat historiam) eius, de quo nunc loquor amphitheatro admirabilem modò structuram, amplitudinem, ornatū, & (vt vno verbo dicam) mundum siue *κόσμος* ostendit. Res vero, quarum causa illud conditum est, & quæ in eo, atque in hac vita, inter homines, aguntur, geruntur, fiunt: res dico humanas, & coniunctas cum humanis diuinas, quæ sunt veluti actiones in illa scæna iam inde ab orbe condito inchoatæ, & ad ætatem usque nostram perductæ, illa demum, de qua loqui instituo, historia, intelligentiæ, memoriæ, animisq; nostris contemplandas, tanquam in tabula pictas, proponit: quo magis (vtar enim Ciceronis

ceronis in Bruto verbis) explicatis ordinibus temporum, vno in conspectu omnia videamus. Duo itaq; genera rerum cum sint, naturalium, quæ semel conditæ sunt, & humanarum, quæ quot vel diebus vel annis sunt actæ; de his potius, quàm de illis, nunc quærimus. Naturalem (vt vocant) historiam fateor dignissimam esse, cui operam demus, vt cœli (si ita loqui licet) œconomiam: Solis, Lunæ, stellarum, planetarumq; motus, & naturam, & eorum, quæ sub Luna in aëre fiunt, conditionem: animalium deinde, quadrupedum, avium, piscium stirpium, metallorum, & aliarum rerum, quas vel terra vel aqua gignit alitue, vim consideremus; postremo quod de animo corporeq; hominis cognoscendum est, non ignoremus. Magna fateor & admirabilia esse illa. Non enim Hortensium audio, qui aliquando apud Ciceronem cum historiam laudare vellet, philosophiam naturalem vituperavit. Sed vt

hanc laudandam esse dico, sic ad illam potius nunc me & aggredi profiteor, & magis incitari maioriq̃ admiratione impelli sentio. Nam & quantum homo excellit quicquid in hoc orbe cōditum est: tantò sunt res humanæ cum suis consilijs, iudicijs, euentibus excellentiores: quantumque ratio & intelligentia res aut brutas aut inanimas superat: tantò sunt humanæ supra naturales. Audio equidem, ecquò Africanus suum Scipionem in illo sapientissimo somnio reuocet: Sentio quanta res sit, contueri maxima illa templa, tot orbibus, globisq̃ connexa, quorum (vt ille ait) cælestis extimus, qui reliquos omnes complectitur, celeritate incredibili voluitur, secumque rapit & rotat alios sibi subiectos. Magna (iterum dico) res est, cum intelligentia spectare vim & cursum Solis, qui versatur retrò contrario motu, atque cælum. Terra, cuius magnitudo, si cum maioribus illis

lis orbibus comparetur , nulla esse dicitur, nullam fortasse talem, si nuda spectetur , admirationem ciet. Sed res, quas in ea Deus, qui supra omnes cælos est, tot iam seculis agit, nonne multò maiorem commovere debent? Quæ supra Lunam toto cælo spectamus, pura omnino & serena & nunquam turbata, statas certasque vices, & admirabilem cum earum conuersionem, tum conuersionis ordinem, atque adeo perpetuam quandam habent suam harmoniam, inanimata licet illa omnia alioqui sint. Quæ infra Lunam in aëre sunt aut fiunt, miscent ventos, nubes, imbres, fulmina, tonitrua, cometas: deinde auium & volucrum veluti motoriam habent fabulam. Tertia & infima vniuersi pars est hic globus terræ. Sed sit licet immobilis, tamen earum, quas dixi in ea geri moueri que, rerum, quàm est admirabilis (ut Polybii verbo utar) ἀνακύλλωσις? Certè vetus est, quòd dixit olim

scripsitque Cornelius Tacitus, rebus cunctis inesse videri quendam veluti orbem: & quemadmodum temporum vices, ita & morum verti. Ac inepti quidem nimium illi fuerunt, qui cælum stare, terram volui finxerunt. Sed ut ridiculum hoc somnium est, sic cum historiam voluimus, non minus terræ varium & volubilem motum, quam cæli stabilem ac constantem (vt ita dicam) statum agnoscere cogimur: verumque esse experimur, quod Plato & Aristoteles dixerunt, naturales quoque esse Rerum publicarum conuersiones. Admirabile itaque (vt dixi iam sæpè) etsi mutum atque vacuum foret, est hoc mundi amphitheatrum, in quo talis tantusque veluti circus est. Sed multò magis illi, qui in eo spectantur (si ita loqui fas est) ludi merapiunt & permouent. Felices animæ (inquit vetus poëta) quibus hæc cognoscere primum, Inque domos superas scandere, cura fuit. Sed sunt & illi tērq; quaterq; beati, qui

descendunt in hanc (vt ita loquar) arenam inferiorem, vt cognoscant quæ hîc gesta sunt vël geruntur ab hominibus, quorum etiam causa superiora illa condita sunt. Magnæ profectò & præclaræ sunt hæ duæ veluti academix. Ac quidẽ cum illa nos superiorum rerum theoria tenet abs hominum colluuiione auocatos atq; secretos, magis nobis versari videmur in vestibulo sempiterni cælestisq; illius domicilii, in quo Dei consuetudine propius aliquando fruemur: vultq; Deus in eo tanquam limine nos maiori quadam expectatione suspensos, interea dum hanc vitam viuimus, hærerere, vt olim populum suum in atrio ante fores templi consistere voluit. Sed quæ aguntur in huius, in quo viuimus, atrij infima cauea, magis atque magis conuenda sunt. Nam & hîc non minus quam illic, rerum diuinarum sensu atque admiratione, si cæci stupidi quæ non sumus, perfunde-

mur. Imò verò Deus hic interest & agit multò magis. Si animalium, auium, quadrupedum, piscium naturam atque historiam consideremus, magna (fateor) miracula nobis occurrunt. Sed nobiliorum animalium hoc est, hominum longè alia, admirabiliórque historia est. Habent & illa bruta, suas veluti Respublicas, suos mores, suum ordinem, suam denique œconomiam. Sed inepti essemus, & illorum prope similes, si iis potius, quàm hominibus cognoscendis affixi simus. Quidam fortasse humanarum confusionum ac fraudum odio mallent ea, quæ in rerum natura minus corrupta videntur, suauiter contueri in aliquo tranquillo secessu: & propterea desertam solitudinem prætulerint ciuitatum societati. Ego verò etsi lubenter quoque fugerò turbulentos hominum cætus, tamen homine indignam esse existimo rerum humanarum ignorantiam. Et verò historia in reducto etiam

tiam secessu nobis earum cognitionem & memoriam placidè sistit. Sūt certè in hominum ut aliorum animalium genere tetra veluti mōstra, & multi eorum vasti confusique cætus occurrent, non iam dico simiarum, sed ferarum agminibus & immanium belluarum gregibus persimiles, qui & maiorem olim orbis partem occuparunt, & adhuc possident. Sed sunt etiam, fueruntque semper vel regna & Respublicæ, vel familiæ, in quibus aliquod literarū, humanitatis, juris & ordinis semper fuit domicilium: neque non omnibus seculis habuit Deus in hoc globo telluris aliquam, regni quoque sui sedem, & suæ cum hominibus consuetudinis testificationem.

Plato aliquando scripsit, quod & poëta Claudianus elaboratis versibus eleganter expressit, ordine quidem motuum cælestium, convinci animos, ut sentiant Deum esse huius Mundi gubernatorem: sed hunc sen-

sum tanquam procellis obrui, cum rerum humanarum confusionem intuemur. Sic cum cælum aspicimus, agnoscere nos facile diuinam prouidentiam. Sed cum ad terram oculos reflectimus: cæco & fortuito casu omnia ferri voluique videri. Non recitabo Claudiani versus, qui sunt magis intemperantes. Sed profecto non minus obstupuit desipuitque alter philosophus, qui ea quidem, quæ supra Lunam sunt, certò Dei consilio regi: quæ verò infrà, temere raptari & fortunæ ludibrio relictæ esse, dixit. Verum bene habet: Nos, ut in media etiam rerum humanarum perturbatione agnoscamus Dei omnia certa ratione regentis admirabilem prouidentiam, literis sacris satis præmoniti sumus. Estque hoc summum ad historiam rectè considerandam lumen. verum, cum id olim alii scriptores non viderent, non potuerunt non sæpe caligare atque obstupescere: & in tenebras quasdam Epicuræas tandem
ruere:

ruere: planéque amittere, quod & in historia imprimis obseruare, & ex ea percipere debebant. Fateor nonnullos in sua ignoratione magis esse religiosos: & quod alii fortunæ adscribunt, Deo, eiusque prouidentia ascribere. quod Diodorum Siculum sæpe facere animaduerti. Sed cæca est ea quæ abs religionis veræ scientia est aliena demonstratio. Atque hîc quidem, ut poëtam poëtæ obii-
ciam, Virgilii versus recitarem, quibus Dea nescio quæ, suum Ænëam in excidio Troiano frementem, iuber acutiùs ἰσορῆν.

*Aspice (nanq; omnem, quæ nunc obducta
ruenti*

*Mortales hebetat visus tibi, & humida
circum*

Caligat, nubem eripiam)

Hic, ubi disiectas moles, aëulsaq; saxis

*Saxa vides, mistoq; undantem puluere
furnum,*

Neptunus muros, magnoq; emota tridenti

*Fundamenta quatit, totamque à sedibus
urbem*

Eruit, &c.

Sed

Sed iniuste facit, quod Paridis atque Helenę adulterium non esse culpandum propterea præfatur: & accusat inclementiam Diuūm, vbi agnoscere debuit iustam Dei prouidentiam. Interea miror profanum poëtam utcunque videre, nostros oculos altius attollendos esse, & aliquod eos lumen diuinum requirere debere, ut, vbi etiam cælum terræ misceri videbitur, cæcam & confusam non esse vim fortunæ, vel, ut Jurisconsulti vocant, *ἡτοῦ βίαι* meminerimus. Nam & cū nubes videmus & tonitrua audimus, tamen cælo superiori suam nihilominus constare serenitatē scimus. Et verò nunquam ea erit, esse quæ debet, maiestas historiæ, neque tam valde nos, quàm debet, afficiet, nisi si in hoc theatro ad summum illum supremūque veluti choragum respiciamus. Equidem soleo dicere, Deum primis seculis, in vnus sui populi Judaici gubernatione familiarem, & expressam

sam & prope aspectabilem edidisse effigiem præsentis suæ atque assiduæ moderationis. Licet autem ille inter eâ hærere in vna Republica, neque prætereâ aut curare aut respicere reliquum genus humanum fortè videatur: tamẽ quod in vna parte cernimus, illud etiam superesse in toto atq; in vniuerso, cogitare debemus. Non enim ille Deus est aliquod Homericum numen. Saltem quod dico, utcumque agnoscemus, si vniuersitatis historiam rectè & sapienter perlustrauerimus, in eâque etiã, ut debemus, perpetuam ecclesiæ atque religionis conditionem eiûsque statum obseruauerimus. Non enim præterire debemus, quam in primis obseruare oportet illam præcipuam ut humanæ societatis, sic & historici corporis partem: ne non caput modo, sed & cor & animam negligere videamur. Ergo cum de historia loquor, de integra & perfecta loquor: in qua dico diuinæ prouidentię rationem

tionem habendam esse, ut rectè spectemus res in orbe terrarum maximas, & quidem diuinas cum humanis admirabili ordine atque ratione commixtas. Quod ut faciamus, danda opera est, ut quā valde olim Christiani Theatro circōque Romano sibi interdictum esse sentiebāt, tam ad illa, de quibus nūc ago, historica spectacula contendendum nobis esse, meminerimus, ut etiam, si fieri possit in quatuordecim ordinibus primis (ut ita dicam) sedeamus, nō enim vlla lex Roscia quenquam submouet: ac ne obstat quidem, quo minus ex ipsa, si libet, cauea spectemus. Neque verò hic mihi aliquis vel somniet vel obiiciat furiosum aliquem Horatianum, qui sibi videatur vacuo in theatro miros audire tragædos, nam spectacula, de quibus loquor, minimè sunt ægri somnia. Oculis quidem ea non cernimus: at certè cernimus animo & memoria: & ita cernimus, ut tam insanum esse aliquem vix putem,

tem, qui iis vilius Theatri ludum vili-
 lum anteponat. Admirabilis fuisse
 dicitur ædilitas Lucullorum fratrum,
 Lucii & Marci, qui scenam, quã Clau-
 dius Pulcher varietate colorum ad-
 umbrauerat, argento C. Antonius,
 auro Petreius, ebore Catulus, versa-
 tilem fecerunt, ut ait Valerius. Ne-
 que dubito quin & admirabiles in ea
 ludos ediderint. Sed sapientes, huius
 L. Luculli bibliothecam & historias
 lubentius versabant. Certè, ut plus-
 quam furiosus fuisset, qui talem
 scenam magis esset admiratus,
 quàm sphæras cœlestes tellurisve
 globum: sic fuisset amentissimus, qui
 quod in illa scena ludendo agebatur,
 pluris æstimasset, quàm quod in or-
 be Romano gestum, seriò esset at-
 que gerebatur. Audio quod Plinius *Lib 36. cap.*
 commemorat, abs C. Curione ali-^{25.}
 quando extractum, fuisse versatile
 mobileque amphitheatrum, admi-
 rabilis cuiusdam insanix speci-
 men magnum. Audioque eum
 pro-

propterea veluti attonitum exclamare, Super omnia populi furor, sedere ausi tam infida, instabilique sede. En hic est ille terrarum victor & totius domitor orbis, in machina pendens & ad periculum suum plaudens. Ecce populus Romanus vniuersus, veluti duobus nauigiis impositus, binis cardinibus sustinetur, periturus momento aliquo luxatis machinis &c. Equidem & ipse cogor admirari eius machinæ, tanquam artificiosi orbis cuiusdam, molem versatilem. Sed quid ad illum orbem, in quo historia voluitur? Populi verò stuporem, multo magis mirabimur, si quàm esset inane spectaculum, quod tanto & labore & periculo redimebat, meminerimus: Fuerint sane multa paria gladiatorum, multæ feræ Africanæ, multi cum iis depugnantes venatores: histriones præterea, & ludiones scænici; adde, si vis, currus, quadrigas, aurigarum factiones: quid tamen ea tota erat fabula?

quid

quid tota pompa Circēsis? Nā etsi in eam quoq; arenam descēderint, ipso populo spectante etiā stultiores imperatores maximi, & currus in Circo agitauerint, & quicquid humana luxuria profusè fingere potuit, ediderint: tamen an fuit aliquid cū historiæ pompa comparandum? Fa-
 teor, non temere olim urbem Romam dictū esse *Επιτομή τῆς οἰκουμενης* quòd in ea summatim concludi diceretur quicquid in orbe terrarum erat magnum & excellens. Sed longè aliam profectò *εἰς οἰκουμένην* epitomen historia includit atque patefacit? Ergo & ludis commissis sapientes Senatores olim vrbe relicta rus secedebant, & eo ipso tempore, quo Curio Romæ voluebat illos suos (vt verbo Victruuij vtar) cardinales scapos, Cicero, Cato & similes, excurrerant in suas villas, vt longè aliis spectaculis vtiliter sese oblectarent, hoc est, toti essent in legendis historiis, quarum vel libros circum-

ferebant, vel instructum fundū ruri habebant, neque vnquam minūs aut solos aut ociosos se esse dicebant, quā cū ita & soli & ociosi essent & in suis bibliothecis, quas quidem omnibus Theatris longē anteponebant, sese incluserant atque abdiderāt. Cato quidē certē aliquādo Theatrū Romanū est ingressus sed egress⁹ tam & citō & lubenter est, vt etiam diceretur, venisse vt exiret. Cæterum Cicero narrat sese eum, ludis commissis, inuenisse in agro, in bibliotheca Luculli multis libris circumfusus, quorum tam insatiabilis heluo & esse dicebatur & erat, vt ab iis vix aliquando abduci posset. Et quis etiamnum amphitheatro Titi non prætulerit Plinianos historiæ naturalis libros Tito inscriptos? Ipse vero Plinius iis alios suos historiarum sui temporis libros, etiam antetulisse videtur. Quid moror: Iurisconsulti aiunt eum edicto Prætoris de seruo corrupto teneri, qui seruo persuaserit,

*Lib. 1. de ser.
cor.*

rit, ut in spectaculis nimius sit. Ego
verò si minus persuadere possum
omnibus, saltem studiosis meis æqua-
libus auctor ero, ut si bene & libera-
liter institui velint, in historiæ ludo
sint φιλοθεωρί, in eoque propterea diu
immorentur: neq; nimium esse pu-
tent, quod nunquam est satis. Fieri
quidem certè non potest, quin & in
hoc Historico (sic enim sæpius loqui
cogor) Circo quidam & impudici
& gladiatorij ludi occurrant, & tra-
gica eius generis dramata nostris siue
oculis siue animis obiiciant multa
persæpe etiam horrenda. Nam &
omnibus seculis hominum monstra
& portenta multa fuerunt, quorum
scelera Deus conspici voluit. Sed ut
olim Lacedæmonij (utitur enim &
hac similitudine, cum idẽ quod vo-
lo, dicere vult Plutarchus in Demet.)
suis etiam pueris spectandos propo-
nebant ecrios helotas, quò magis in-
genui animi abhorrent atque deter-
rerentur à temulentia, cuius turpi-

tudinem conspexissent: sic & nos historiis aliquando vti oportet, vt et si castos oculos à sceleris spectaculo statim auertamus, tamen animos ad cogitationes in eius detestatione bonas atque honestas conuertamus: vt & olim ille Nigrinus sapiens philosophus apud Lucianum dixit, propterea se Romæ viuere, & in ea vrbe tanquam in theatro *μυριαυδεῖν* sedere.

Erit tamen historia tam pudens & sobria, si rectè tractetur, vt sit etiā casta: neq; aut oculos pudicos aut aures offender. Imitabitur enim scænam potius Massiliensem, quàm Romanam. Sed neque temere in Suetonio reprehensa est nimia illa in principum flagitiis exponendis mora: quia quæ vita tam diligenter narrat, etiam docere videatur. Neque verò dissimulo, in hominum actionibus, rebusque gestis, quas exhibet historia, multa semper esse tam miæra & ridicula, vt si in hoc orbe spectator sederet aliquis hinc Democritus,

tus, illinc Heraclitus, nunquã vel illi
q̃ rideret, vel huic quòd defleret, de-
futurum sit. Sed sit licet risu lachry-
misq; digna hominum vanitas, & in
hac sæpe arena degeneres histriones
non solũ tristes ludos, sed & magnas
dēt turbas: tamen elucet in ea rerum
caligine admirabilis Dei gubernatio,
qui & per homines aliud agentes,
agit aliquid, quòd admirari & suspi-
cere & propè adorare debeamus. Un-
dique enim in hoc mundo, atque in
ijs, quæ in eo fiunt, explicat multipli-
cem suam sapientiam, bonitatem,
potentiam: suam (inquam) illam
infinitam diuinitatem in rebus hu-
manis exerit. Hic ego me vocari sen-
tio ad historiam laudandam. Sed ne-
que id facere possum, quantum vel-
lem & debeo, neque tamen planè
possum negligere. Scio & memini
maximos quosque & nobilissimos
historicos primas suorum commẽ-
tariarum paginas in historiæ laudẽ
& commendatione consumere. Sed



dicant illi licet, quod in ea maximū & vtilissimum esse putant, & lectorē sapienter præmoneant, an quod est summum ac præcipuum prædicant satis? Si quis est, qui cordatus inter eos, & sine inani iactatione magnus fuit, fuit Liuius, soletque is esse nostris propter res Romanas & linguam Latinā magis familiaris. Quale verò est eius procœmium? Qualis præmonitio? Ad illa (inquit) mihi pro se quisque acriter intendat animum, quæ vita, qui mores fuerint: per quos viros, quibusq; artibus, domi, militiæq; & partum & auctum imperium sit, labente deinde paulatim disciplina, velut diffidentes primò mores sequatur animo: deinde, vt magis magisque lapsi sint, tum ire cœperint præcipites, donec ad hæc tempora, quibus nec vitia nostra, nec remedia pati possumus, peruentum est. Hoc illud est precipuè in cognitione rerum salubre ac frugiferum, omnis te exempli documenta in illu-

lustri posita monumento intueri; inde tibi, tueque reipublicæ: quod imitare, capias: inde fœdum inceptu, fœdum exitu, quod vites. Grauis profectò est & Romano scriptore digna hæc præfatio: & historiã Romanam lecturo utilis atq; necessaria cautio est. Sed quàm tenuis tamen est hæc historiæ cõmendatio, si quid prætereà illius amplitudo & dignitas mereatur, consideremus? Quid igitur? Feret æquo animo Liuius, si dicam Polybium, quem sequi & imitari solet, magis hoc indicasse silendo. Aiteam omnium historicorum præfationem atq; adeo conclusionẽ esse solere, vt historiæ laudes decantent. Sed quo magis hoc alii fecerũt, tantò minùs sibi necesse videri, vt idem faciat: proptereaq; se laudibus illis, quæ satis peruulgatæ sunt, præteritis, in rem potiùs præsentem venire statim velle. Neq; dissimilis est Salustii, qui alter velut Polybius est, oratio. Cum enim dixisset, ex iis ne-

tionem habendam esse, ut rectè spectemus res in orbe terrarum maximas, & quidem diuinas cum humanis admirabili ordine atque ratione commixtas. Quod ut faciamus, danda opera est, ut quā valde olim Christiani Theatrō circōque Romano sibi interdictum esse sentiebāt, tam ad illa, de quibus nūc ago, historica spectacula contendendum nobis esse, meminerimus, ut etiam, si fieri possit in quatuordecim ordinibus primis (ut ita dicam) fedeamus, nō enim vlla lex Roscia quenquam submouet: ac ne obstat quidem, quo minus ex ipsa, si libet, cauea spectemus. Neque verò hic mihi aliquis vel somniet vel obiiciat furiosum aliquem Horatianum, qui sibi videatur vacuo in theatro miros audire tragædos, nam spectacula, de quibus loquor, minimè sunt ægri somnia. Oculis quidem ea non cernimus: at certè cernimus animo & memoria: & ita cernimus, ut tam insanum esse aliquem vix putem,

tem, qui is vilius Theatri ludum vili-
lum anteponat. Admirabilis fuisse
dicitur ædilitas Lucullorum fratrum,
Lucii & Marci, qui scenam, quã Clau-
dius Pulcher varietate colorum ad-
umbraverat, argento C. Antonius,
auro Petreius, ebore Catulus, versa-
tilem fecerunt, ut ait Valerius. Ne-
que dubito quin & admirabiles in ea
ludos ediderint. Sed sapientes, huius
L. Luculli bibliothecam & historias
lubentius versabant. Certè, ut plus-
quam furiosus fuisset, qui talem
scenam magis esset admiratus,
quàm sphæras cœlestes tellurisve
globum: sic fuisset amentissimus, qui
quod in illa, scena ludendo agebatur,
pluris æstimasset, quàm quod in or-
be Romano gestum seriò esset at-
que gerebatur. Audio quod Plinius *Lib 36. cap.*
commemorat, abs C. Curione ali- *15.*
quando extractum fuisse versatile
mobileque amphitheatrum, admi-
rabilis cuiusdam insanix speci-
men magnum, Audioque eum
pro-

propterea veluti attonitum exclamare, Super omnia populi furor, sedere ausi tam infida, instabilique sede. En hic est ille terrarum victor & totius domitor orbis, in machina pendens & ad periculum suum plaudens. Ecce populus Romanus vniuersus, veluti duobus nauigiis impositus, binis cardinibus sustinetur, periturus momento aliquo luxatis machinis &c. Equidem & ipse cogor admirari eius machinæ, tanquam artificiosi orbis cuiusdam, molem versatilem. Sed quid ad illum orbem, in quo historia voluitur? Populi verò stuporem, multo magis mirabimur, si quàm esset inane spectaculum, quod tanto & labore & periculo redimebat, meminerimus: Fuerint sane multa paria gladiatorum, multæ feræ Africanæ, multi cum iis depugnantes venatores: histriones præterea, & ludiones scænici; adde, si vis, currus, quadrigas, aurigarum factiones: quid tamen ea tota erat fabulæ quid

quid tota pompa Circēsis? Nā etsi in eam quoq; arenam descēderint, ipso populo spectante etiā stultiores imperatores maximi, & currus in Circo agitauerint, & quicquid humana luxuria profusè fingere potuit, ediderint: tamen an fuit aliquid cū historiæ pompa comparandum? Fateor, non temere olim urbem Romam dictū esse *Επιτομὴ τῆς οἰκουμενης* quòd in ea summatim concludi diceretur quicquid in orbe terrarum erat magnum & excellens. Sed longè aliam profectò *οἰκουμένη* epitomen historia includit atque patefacit? Ergo & ludis commissis sapientes Senatores olim vrbe relictā rus secedebant, & eo ipso tempore, quo Curio Romæ voluebat illos suos (vt verbo Victruuij vtar) cardinales scapos, Cicero, Cato & similes, excurrabant in suas villas, vt longè aliis spectaculis vtiliter sese oblectarent, hoc est, toti essent in legendis historiis, quarum vellibros circum-

ferebant, vel instructum fundū ruri habebant, neque vnquam minūs aut solos aut ociosos se esse dicebant, quàm cū ita & soli & ociosi essent & in suis bibliothecis, quas quidem omnibus Theatris longè anteponebant, sese incluserant atque abdiderāt. Cato quidē certē aliquādo Theatrū Romanū est ingressus sed egress⁹ tam & citò & lubenter est, vt etiam diceretur, venisse vt exiret. Cæterum Cicero narrat sese eum, ludis commissis, inuenisse in agro, in bibliotheca Luculli multis libris circumfusus, quorum tam insatiabilis heluo & esse dicebatur & erat, vt ab iis vix aliquando abduci posset. Et quis etiamnum amphitheatro Titi non prætulit Plinianos historiæ naturalis libros Tito inscriptos? Ipse vero Plinius iis alios suos historiarum sui temporis libros, etiam antetulisse videtur. Quid moror: Iurisconsulti aiunt eum edicto Prætoris de seruo corrupto teneri, qui seruo persuaserit,

*Lib. 1. de ser-
uer.*

rit, ut in spectaculis nimius sit. Ego
 verò si minus persuadere possum
 omnibus, saltem studiosis meis æqua-
 libus auctor ero, ut si bene & libera-
 liter institui velint, in historiæ ludo
 sint φιλοθεῶν, in eoque propterea diu
 immorentur: neq; nimium esse pu-
 tent, quod nunquam est satis. Fieri
 quidem certè non potest, quin & in
 hoc Historico (sic enim sæpius loqui
 cogor) Circo quidam & impudici
 & gladiatorij ludi occurrant, & tra-
 gica eius generis dramata nostris siue
 oculis siue animis obiiciant multa
 persæpe etiam horrenda. Nam &
 omnibus seculis hominum monstra
 & portenta multa fuerunt, quorum
 scelera Deus conspici voluit. Sed ut
 olim Lacedæmonij (utitur enim &
 hac similitudine, cum idē quod vo-
 lo, dicere vult Plutarchus in Demet.)
 suis etiam pueris spectandos propo-
 nebant ecrios helotas, quò magis in-
 genui animi abhorrent atque deter-
 rerentur à temulentia, cuius turpi-

tudinem conspexissent: sic & nos historiis aliquando vti oportet, vt et si castos oculos à sceleris spectaculo statim auertamus, tamen animos ad cogitationes in eius detestatione bonas atque honestas conuertamus: vt & olim ille Nigrinus sapiens philosophus apud Lucianum dixit, propterea se Romæ viuere, & in ea vrbe tanquam in theatro *μυριαυδῶς* sedere.

Erit tamen historia tam pudens & sobria, si rectè tractetur, vt sit etiã casta: neq; aut oculos pudicos aut aures offendet. Imitabitur enim scænam potius Massiliensem, quàm Romanam. Sed neque temere in Suetonio reprehensa est nimia illa in principum flagitiis exponendis mora: quia quæ vita tam diligenter narrat, etiam docere videatur. Neque verò dissimulo, in hominum actionibus, rebusque gestis, quas exhibet historia, multa semper esse tam miæra & ridicula, vt si in hoc orbe spectator sederet aliquis hinc Democri-

tus,

tus, illinc Heraclitus, nunquā vel illi
q̄ rideret, vel huic quòd defleret, de-
futurum sit. Sed sit licet risu lachry-
misq; digna hominum vanitas, & in
hac sæpe arena degeneres histriones
non solū tristes ludos, sed & magnas
dēt turbas: tamen elucet in ea rerum
caligine admirabilis Dei gubernatio,
qui & per homines aliud agentes,
agit aliquid, quòd admirari & suspi-
cere & propè adorare debeamus. Un-
dique enim in hoc mundo, atque in
ijs, quæ in eo fiunt, explicat multipli-
cem suam sapientiam, bonitatem,
potentiam: suam (inquam) illam
infinitam diuinitatem in rebus hu-
manis exerit. Hic ego me vocari sen-
tio ad historiam laudandam. Sed ne-
que id facere possum, quantum vel-
lem & debeo, neque tamen planè
possum negligere. Scio & memini
maximos quosque & nobilissimos
historicos primas suorum commē-
tariarum paginas in historiæ laudē
& commendatione consumere. Sed



lustri posita monumento intueri: inde tibi, tueque reipublicæ: quod imitare, capias: inde fœdum inceptu, fœdum exitu, quod vites. Grauis profectò est & Romano scriptore digna hæc præfatio: & historiã Romanam lecturo utilis atq; necessaria cautio est. Sed quàm tenuis tamen est hæc historiæ cõmendatio, si quid prætereà illius amplitudo & dignitas mereatur, consideremus? Quid igitur? Feretæquo animo Liuius, si dicam Polybium, quem sequi & imitari solet, magis hoc indicasse silendo. Aiteam omnium historicorum præfationem atq; adeo conclusionẽ esse solere, vt historiæ laudes decantent. Sed quo magis hoc alii fecerũt, tantò minùs sibi necesse videri, vt idem faciat: proptereaq; se laudibus illis, quæ satis peruulgatæ sunt, præteritis, in rem potius præsentem venire statim velle. Neq; dissimilis est Salustii, qui alter velut Polybius est, oratio. Cum enim dixisset, ex iis ne-

gocis, quæ ingenio exercentur, in primis magno vsui esse memoriam rerum gestarum, Eius (inquit) de virtute, quia multi dixere, prætereundum puto. Equidem etsi laudandæ historiæ causas & plures & maiores & meliores fortasse habeam, quam illi habuerint, tamen non inuitus nunc eadem vterer excusatione. Sed si paucis verbis quod dici de ea maxime potest & vulgò dici solet, nunc dicendum esset, dicerem quod Cicero grauissimè atq; verissimè pronunciat. Historia (inquit) testis temporum, lux veritatis, vita memoriæ, magistra vitæ, nuncia vetustatis, Nihil dici maius, nihil elegantius, nihil verius potest. Vnum tantum verbū adiiciam, sed quo verbo multa complectar: dico hanc vnam demum esse viam & rationem, qua euadere possimus ad illam rerum diuinarū, humanarūque cognitionem, quæ nostros animos altè sublatos in excelsa quadā veluti specula collocare possit,

*Lib. 2. de
Ora.*

possit, ex qua circumspiciamus, quicquid in orbe terrarum iam inde, ex quo ille est conditus, gestum est, quod quidem sit dignum animaduersione, memoriaque nostra. Tales enim Episcopos historia efficit: vt Lucianus scitè describit suos (vt vocat) *Ἐπισκοπεύοντες*, fingens Mercurium Charonti ex altissimo quodam mōte vniuersam rerum humanarum scenam & fabulam ostentare: vt iam mihi in mentem veniat, quod noster Hieronymus ad Heliodorum deplorans sui temporis tragicam faciem, O si possemus (inquit) in talem ascendere speculam, de qua vniuersam terram sub nostris pedibus cerneremus. Iam tibi ostenderem totius orbis ruinas, gētes gentibus, & regnis regna collisa. alios torqueri, alios cœcari, alios absorberi fluctibus, alios ad seruitutem trahi: hīc nuptias, ibi planctum: illos nasci, istos mori, alios affluere delitiis, alios mendicare &c. Atqui historia nō solum nos altius tollit, sed & nobis

multò plura maioraque ostendit, vt non modò, quod ille audit videtque apud Ciceronem in suo Somnio Scipio in lacteum circulum sublatus, & terram infra se positam despiciens, vigilantes audiamus; verum etiam singula longiùs liquidiusque prospiciamus; neque solum præsentia, sed & præterita, atq; adeo quædam futura, quantumuis dissita logissimè sint, teneamus. Et qualem tandem putaremus illum hominè esse, si què Deus ab orbe condito viuere ad hùc vsque diem voluisset, eumque in loco statuisset, ex quo vniuersitatem huius mundi contemplatus esset, ci- que cum visu vim iudicii & memoriam tot tantarumq; rerum capace dedisset? Nonne hominem talem Deum, aliquem propè esse putaremus? Quam beatum Regem esse illum diceremus, qui omnibus illis seculis imperasset ita, vt ad eum in folio suo sedentem quot diebus vndiq; nuncii confluerent, & de omni-
bus

maximis rebus, quæ diuersis in locis
gererentur, bona fide referrent? At-
qui posset historia vtrunque, quod
dixi, præstare, & nos ea ratione mul-
tò beatiore efficere, si ea sit, esse quæ
debet: Vt iam tantò magis illius, nō
dico, vt multi, lumen, sed sicuti Pli-
nius ait, numen colere debeamus.
Quid? Solem, qui ab orbe condito
orbem terrarū ambiendo luce per-
fundit, ~~et c.~~ quidam olim dixerunt.
Quid si iam dicerem, historiam col-
locare homines veluti in globo So-
lis? Non vereor, ne superstitio me
transuersum agat. Dicam itaq;, di-
uam (liceat nunc ita loqui) historiā
templo etiā quodā esse dignā, & ve-
rarerū siue scriptura siue sculptura
esse quoq; colendam: quemadmodū
& primū inuentæ sunt hæ artes, ut
illi subseruirēt. Memini, Pliniū nar-
rare M. Valeriū Maximū Messalā ta-
bulā picturę prælii, quo Carthaginē-
ses & Hieronē in Sicilia vicerat, pro-
posuisse in latere Curia Host. L Scipio.

Lib. 35. c. 4

tabulam victoriæ suæ Asiaticæ in Capitolio posuisse: L. Hostilium Mancinum, qui primus Carthaginem irruperat, situm eius, expugnationesq; depictas proposuisse in foro & ipsum assistentem, populo spectanti, singula enarrasse. Sed & Imperatorē Septimium Seuerum de Parthica sua victoria, non solum literas ad S. P. Q. R. sed & depictas in tabulis suas pugnas atq; triumphos expressos misisse testis est Herodianus. Quid dicam, ipsam picturam, quò magis in historia quoq; ciuili populum retineret, olim etiam occupasse porticus templorū? Certè licet Plinius affirmet, nullam adhuc Iliacis temporibus fuisse picturam, tamen sapientissimus poëta primum illud templum Carthaginense, quod Dido extruebat, fingit & proponit ita fuisse depictum, vt in eo Æneas videat Iliacas ex ordine pugnas, Bellaq; iam fama totum vulgata per orbem. Neq; tamen, vt ille animum pictura pascit inani, multa gemens, nos

nos ex historia vanam aliquam tantum oblectationem captamus: neque eam admiramur, ut pueri Iunonis auem. Verum hanc, ut alius quidam vir magis olim dixit, magistram vitæ, non aures modò nostras circumsonantem, sed etiam in oculos incurrentem, profitemur esse vitam atque lucem animorum nostrorum: & ad eos magis atque magis permouendos expressa cum literis lineamenta rerum maximarum lubenter viderim, si modò fabula, quæ ab historia imprimis abesse debet, absit à pictura: neque pro imaginibus aut iconibus, spectra aut idola obiiciat. Tantò autem magis tale subsidium desideraremur, quod non modò, ut alter poëta dixit, segnius iritent animos demissa per aurem, quam quæ sunt oculis subiecta fidelibus: sed etiã quia sæpè varia & multiplex & diuersa sit eiusdem temporis historia, quæ simul tota exponi deberet, oratione tamen vna simul non possit exprimi atque explicari: & quædam, quæ di-

ci vix possunt, pingi facillè possint: vt & alia dici possunt, quæ non possunt pingi. Itaque & veteres coniunxerunt vtrunque, cum & picturam, si sola sit, mutam esse sentirent, propterea-que obscuram & cæcam esse scirent: & orationem solam, non satis præstare, quod desideratur, vererentur. Saltem audio tres olim fuisse Fabios, scriptores historicos, qui pictores appellabantur. Optarem quidem etia, vt historiæ non modò recitatio, sed & actio, qualis in scena esse posset, esset, Nam & talis actio, qualis in theatro spectaretur, viua esset loquaxq; pictura, & nos magis afficeret, quàm vilius Apellis tabula. Sed nunc inania atque ociosa vota facessant: & quod possumus, hoc & velimus & agamus. Nam neque historiam abiicimus, licet ipsas, de quibus illa agit, regiones obire, & in iis locis pedem vestigiumque ponere non possimus, in quibus factum esse aliquid narramus. Fuerit hoc Imp. Adriano proprium, vt perlustraret omnes prouincias & ciuita-

res, de quibus aliquid legerat. Nobis ne sit necesse, quod non licet, ita peregrinari, historia efficiet: & sine ullo periculo vel molestia nobis domi sedentibus, plus quàm ulla peregrinatio fortasse posset, præstabit. Fateor beatos esse, quibus commodè licet, quod licuit Adriano: neque nescio quid sit duobus illis modis *ἡσυχία*: neq; quantum conferat alterū alteri & ad intelligentiā, & ad iudiciū, & ad memoriā, & ad oblectationē, ignoro. Sed alterum, quod maius est, & multò est tamen minus vel difficile, vel periculosum, commendo. Certè vt Cosmographia in exigua sphaera orbes cælestes nobis indicat, & breuib; tabellis globum terræ regionumq; situm, effigiem, faciemque spectandam exhibet, eamque veluti superficiem totam talis pictura facit aspectabilem: sic & historia rerum in ea superficie gestarū expressam quandā imaginē nobis offert, eamq; comitatur quādā siue *ἡσυχία*

siue *μετανοητικά*, quæ animos tam valde nostros afficiat, vt nobis etiam persuadeamus, quod fingere solem⁹, vbi in scena agi aliquam fabulam videmus, hoc est, vt fingamus iis etiam nos & temporibus esse, & locis versari, de quibus aliquid narratur: & rebus ipsis interesse, easque videre præsentis, quas recitari audimus. Nam & hoc animo legendæ atque audientis historiæ sunt, quæ nos attollere, circumagere, afficere ita debent & possunt, vt modò hac, modò illa ætate viuere nos, & modò hic, illic modò agere nobis planè videamur: neque modò res spectare tanquam presentes, sed & in iis partes veluti nostras agere. Nam & antiquæ leges Panegyricæ iubeant, eos qui in stadio spectandorum athletarum causa confidebant, nudo & aperto esse capite, quasi & in certamine ipsi versarentur quemadmodum narrat noster Basilisus, & eo exemplo admonet, nos, cum res magnas narrari audimus & eas prop-

propterea veluti spectamus, tam valde affici & commoueri debere, quàm si nostra res ageretur. Certè Plutarchus scribit, sese cum vitas illustrium virorum describit, sibi videri cum iis familiariter viuere & versari, domiq; suæ tales hospites audire. Tum verò exclamat, ô Deus, an vlla vel est, vel esse potest voluptas aut delectatio maior? Sed quantò nos magis sæpiusque in hanc exclamationem erumpere cogemur, cum in illa, de qua loquor, historiæ vniuersitate versabimur? Vereor, ne multis molesta hæc mea mōra sit, rogantibus, ecquæ tandem sit illa, de qua loquor, & quam tantoperè prædico, historia. Exponā itaque fusiùs quod & laudo, & præstare, si possem, vellem. Ac vno quidem verbo dicere possem, me agere de historia integra. Sed quàm latè pateat hæc integritas, si tam brevis sim, vix intelligeretur. Possem adiiungere, esse historiam vniuersam, & temporum & regionum & rerum ra-

tione. Sed nihil egero, si tam concisè
 id perstringam. Agam itaq; planius,
 & magnis utar auctoribus. Polybius,
 quem iterum honoris causa nomino,
 & excellentem historiæ scriptorem
 fuisse profiteor, duobus locis, historiã
τῆς καθόλου contexi vult, & vniuersæ
 historiæ vnum esse agnoscit veluti
 corpus: cuius si lacera tantum mem-
 bra, & (vtille vocat) *διεσπόμενα τὰ μέρη*
 sparsim intueamur, minimè, quid aut
 quid illud corpus sit, intelligere pos-
 simus. Habent quidem etiam singu-
 læ partes suum vsum atq; fructū. Sed
 separatæ minimè præstant, quod præ-
 starèt coniunctæ. Itaq; hic solèo Pom-
 ponii nostri verbis abuti, vt dicam ef-
 se corpus ex pluribus inter se cohæ-
 rentibus partibus cõstans, quod *συνήκνουν*,
 propriè dicitur, quodq; propterea in-
 diuiduum, vt est, dici etiam possit. At-
 qui Polybius nō nisi vnius ante suam
 ætatē seculi cõplexus historiã est, neq;
 altius eã est exorsus, quàm ab Olym-
 piadæ centesima vigesima nona. Tan-
 tum abest, vt omnium seculorū inte-

grā, & , vt vocat, catholicā, qualē esse debere statuit, sit persecutus. Equidē non dubito quin optarit, quod præstare non potuit. Sed cū principium ipsum non tenebat, tum verò iudicābat ante Reipublicæ Romanæ amplitudinem, quæ totū prope orbem est complexa, res humanas tam fuisse & diuulsas & dissolutas & disiectas, vt earū historia in vnum corpus coalescere non posset. Diodorus Siculus, quē cū Polybio lubēter laudo, historiam abs rerum humanarum principio repetēdam quoq; esse profitetur, etsi ingenuē inter eā confiteatur illud sibi principiū minimē liquere: accusatque veteres historicos, qui non nisi vnius aut gentis, aut ciuitatis historiam scripserunt, cū ea non tam historia, quā abruptæ historiæ pars quædam sit. Equidem tanti scriptoris non solum iudicio, sed etiam ingenua confessione delector: qui quid requirendum sit, etsi id præstare non possit, astutē non dissimulat.

Certē

Certè quærēdo maluit, vt in tenebris
fit, huc & illuc temerè iactari per va-
rias obscuræ antiquitatis fabulas, quā
ad vniuersæ historię principium non
aspirasse videri, quæ vniuersum dein-
de orbem peruagaretur. Nam & eam
οἰκουμενικὴν, vt Polybius *ἡγετορικὴν*, esse
debere & sensit & scripsit. Et vero
Eusebius ait, eum excussisse omnes
historicas bibliothecas. Quod ve-
rò Græcè agebat, ideodem tempo-
re Latine tentabat alter magni quoq;
nominis scriptor Trogus Pompeius:
quem Iustinus ait aggressum videri
Herculeæ audacia orbem terrarum,
ut omniū seculorum historiam com-
plecteretur, quam alii discerpere &
diuisam concidere videbantur. Verū
& is procul à principio, quod nusquā
videbat, subsistit: quanquam exem-
plo Diodori conatus sit alios in rerū
origine prima repetenda superare. A-
lii non nisi abs temporibus Troianis
ordiuntur, perinde atq; si tunc primū
aut orbis conditus sit, aut homines
exti-

extiterint, aut aliqua rerū humanarū
memoria esse cōperit, & quidem cā
cū ab Homero repetūt, extremam
antiquitatem attingere se putant. Ita-
que & ipse Lucretius, homo alioqui
Epicurus. propterea coactus etiam
inuitus est, agnoscere mundum non
esse vel æternum vel ingentū, quod
antiquiora Troianis aut Thebanis tē-
poribus monumenta nulla occurre-
rent. Præterea (inquit) si nulla fuit
mundi genitalis origo, Terrarum &
cæli: semperq; æterna fuere: Cur su-
pra bellum Thebanum & funera Tro-
iæ, Non alias alii quoq; res cecinere
poëtæ? Sanè Plutarchus idse ad sua
παράλληλα, hoc est, ad Græcam & Ro-
manam propè uniuersam, quam col-
ligere potuit, historiam aggressus, sta-
tim conqueritur, sese id cogi facere,
quod in suis tabulis faciunt Cosmo-
graphi, qui cū ignorant, qui nam
sint fines orbis terrarum, quidue in iis
sit, extremas illas oras veluti refugiūt,
& confuse notant in iis esse aut vastas
soli-

solitudines, aut immensa maria. Sed neque dissimulat sese ad Thesei tempora, à quibus suam historiam orditur, assurgere non posse, quin iam multis ignotæ & obscuræ antiquitatis fabulis, tanquam cœcis nubibus circumfufis, inuoluatur. Verùm bene habet. Vt illæ terrarum partes extremæ, quæ olim latuerunt, nunc patefactæ sunt: sic etiam certis, atque adeò sacris literis perspicuè cõsignatum habemus illud rerum humanarum principium, quod historiæ initium iustum sit, vt, non quidem bellū Troianum, sed humani generis historiam, rectè gemino (quod aiunt) ordiamur ab ouo. Illa apud poëtam nobilem nobilis mulier, cum audiuisset quippiam de illo bello, instat, & exclamans, Imo age, & à prima dic hospes origine nobis, insidias (inquit) Danaum, casusque tuorum, Erroresque tuos. Et nos, cum de rerum humanarum historia quæritur, non optabimus, eam à prima nobis origine expo-

exponi? Quid pluribus verbis vrgeam, quod naturalis ordo & ipsa rerū series non solum postulat, sed etiam flagitat? Cū olim ageretur de conscribenda abs M. Cicerone historia Romana, quædam dissensio fuit inter Cicerones, Marcum & Quintū, fratres, à quibus potissimū temporibus scribendi caperetur exordium. Quintus ab ultimis censebat: quoniam illa sic scripta essent, vt ne legerētur quidem. Marcus æqualem suæ ætatis historiam potius deposcebat, vt ea complecteretur, quibus ipse interfuit, Atticus Marco assentiebatur: quia maximæ res essent in ea memoria atq; ætate, & Pompeii laudes illustaret, & incurreret in illum Ciceronis memorabilem annū, quem ab eo mallebat prædicari, quam (vt aiunt) de Remo & Romulo: quemadmodum refert ipse Cicero. Atqui & eius temporis *Lib. 1. de Legibus* historia cōtexi poterat, etsi abs Remo *gibuse* & Romulo inchoata fuisset. Imò verò cōmodè cōtexi atq; explicari vix potest, nisi ab eo principio repetatur.

Saltem insolens & ineptum est, quod Calenus apud Dionem significat, Ciceronē historiam Romanam abs consulatu suo inchoatam, ordine inuerso ad ætatem Romuli perducere voluisse, & (vt ait) ἀναπλάιν περιχωρόνται, nouo quodam scribendi exemplo, principium, vbi desinere debebat, finemq; vbi debebat ordiri, collocasse. Non existimo Ciceronem hoc fecisse, quod & absurdum & præposterum est, & fieri vix potest. Sed quia de suo Consulatu scripserat interea dum deliberabat de totius Romanæ historiæ descriptione: credo aduersarium & calumniatorem Calenum odiosè finxisse, quod exprobaret, Poëtæ (fateor) quibus propositum est, lectorē auditoremue delectare, principio solent eum veluti in fine collocare: quia vident priora magis esse horrida, & vereantur, ne si auditorem statim fatigent, ante finem recitationis amittant. Cæterum, vbi iam aliqua voluptate delinitum ac veluti irretitum tenent, summittunt & subornant.

aliquam personam, quæ captata occasione narret illa priora, & veluti aliud agendo, auditorem à postremis ad priora non inuitum reuocet. Sed liceat hoc poëtis: Historicis ita ludere profectò non licet: neque dignus, cui seruiant, auditor est, qui id postulat: neque ut ineptas eius delicias alamus, rerum temporumque ordinem inuertere oportet. Neque probabile est, Ciceronem voluisse ex historia Romana *δραματικόν* aliquod poëma effingere. Quid Atticus? nonne cùm eam conscriberet, inde, vnde ordiri debuit, orsus est? Certè Cicero ait eum conseruatiss, notatissque temporibus, cùm nihil illustre prætermitteret, annorum septingentorum memoriam vno libro colligasse. Septingentos annos cùm dicit, ab vrbs conditæ primis extremisue temporibus eum scribendi cœpisse exordium, significat. Neq; dubito, quin Luceius ille, quem Cicero tantopere laudat, ac conti-

qui desinere ante finē non poterat, quid aliud fuit, quā naturalis amor operis indiuidui? Non est necesse, ut pluribus verbis cōmēdem hęc duo veluti extrema historiæ vniuersæ. Sed addo, vniuersitatem integram non esse, nisi si historia intereā & omnes obeat regiones, in quibus est aliquid, cur hæreat & vbi consistat: ac quid ibi domi, forisq; agatur, notet, cūque suis semper circumstātiis describat. Veteres appellarūt historiā *παραμυθησις*, quę quod narrat, diligenter exponit, & sapienter vtiliterq; demonstrat, ut nō solū euēta, sed & causas eorū, & cū cōsiliis facta describat. Talē ergo *παραμυθησις*, esse eius vniuersitatis, de qua loquor, partē pręcipuā profiteor. Cū autē non modò res humanas, sed & diuinas historia persequatur, magis atq; magis apparet esse indiuiduā. Nā & Ecclesiasticę magis quā ciuilis historię ea ē cōditio, ut p̄ parte nō possit rectē intelligi. Adeo cōtinuū qdā eius veluti

filum est , quod non abrumpitur,
Quid illud sit , fortasse non vident
homines profani. Sed imprimis ta-
men cerni & considerari debet, si se-
riò agimus, neque historias, ut fabu-
las Æsopicas , ludendo legimus. Et
verò nihil agimus, nisi si persequa-
mur historiam sacram, ut civilem,
non confusè quidem , sed coniun-
ctim tamen. Sacram appello, quæ eo
nomine digna sit: quam quia planè
ignorarunt veteres Græci & Latini,
minimè potuerunt, quam prædica-
bant, integram historiam edere. De
suis quidem sacris narrant illi mul-
ta. Sed quod in orbe terrarum verè
fuit sacrosanctum, aut non viderunt
aut maliciosè contempserunt atque
etiam suppresserunt. Ac nescio quo-
modo acciderit, ut quemadmodum
qui civilem historiam susceperunt,
neglexerunt Ecclesiasticam: sic qui
huic se dediderunt, illam præterie-
runt, cum hæc tamen diuisio vtrâm-
que propè corrumpat, Non exagge-
rabo,

rabo, quantum alteri officiat alterius inscitia: neque scriptores, qui opus indiuiduum indignè dissecurunt, nunc notabo, neque aut eorū in vtroque historiæ genere peccata exagitabo, aut in iis me iactabo. Sed liceat modò, quod in re præsentī magis ostendam, verecundè profiteri, nihil in historia actum esse videri, nisi si totum illud, quod dico, preste-
tur. Dixit olim Optatus Afer, & scitè, si rectè intelligatur, dixit, Ecclesiam esse in Republica, potius Rempublicam in Ecclesia. Sed an Ecclesiæ conditionem satis exponit, qui Rempublicam, in cuius veluti sinu illa coalescit, non describit? Et rursus an Reipublicæ corpus satis describit, qui eius veluti animam, & in eo inclusam, quam dixi, Ecclesiam non nouit? Cæterum ut vtriusque & florentis gloriam & compositæ statum, sic & inclinationem perculsæ, & iacentis deformitatem considerare necesse est. Quinimò Eccle-

siæ Christianæ conditio ea tandem
fuit, ut vniuersæ Reip. rationes suis
rationibus immixtas & circumpli-
catas complecteretur: & quæ Eccle-
siastica esset historia, eadem & ciui-
lis esset. De Patriarchis & Imperato-
ribus Constantinopolitanis quid di-
cam? Saltem Pontificû Romanum
& Regum Imperatorûmq; nostro-
rum historia, tam coniuncta est, ut
propè vna sit. Non dicam omnia, quæ
mihi nunc occurrunt cogitanti quâ
historiæ vniuersitatem requiram, &
cur eam requiram. Sed illud dicam:
si ea vnquam colligenda fuit, nunc
potissimum colligi & posse & de-
bere: nunc, inquam, cum eò res, de
quibus quærimus, perductæ esse vi-
deantur, ut ad extremum veluti ac-
tûm fabulæ ventum esse videri pos-
sit. Veteres non nisi quandam veluti
protasin aut epitasin spectare narra-
reue potuerunt. Nos etiam catastro-
phen propè cernimus: ut & cû prin-
cipio, ipsum quodammodo finem
histo-

historiæ cōiūgere possimus. Quid dicā , nostro demū seculo patefactum patuisse vniuersū terrarū orbē , magna ex parte veteribus incognitū , siue Oriētē , siue Occidētē , siue Septētrionem , siue Meridiem spectemus? Scio quod Aristoteles ait, eā historiā maximè placere , quæ non nimis aut antiqua aut noua est; quòd illa videatur fabulosa, hæc etiā vulgo protrita sit. Sed quid aut ineptis aut fastidiosis aut nimium delicatis hominibus placeat , nunc non quæritur. Quæritur , quid sapientibus & sanis placeat , placereque omnibus debeat. Itaque & illud vehementer repudio , quod abs Dionysio Halicarnasæo in quadam ad Pempeium epistola , vbi de stylo Platonis agitur , scriptum esse non solum memini, sed etiam miror , id imprimis in historia scribenda curādū esse , ut iucundum lectoribus argumētū quærat. Imò verò, quod & verū & vtile est, quærere potius debem⁹. Idē Dionysius alio

loco monet, historicum scriptorem deligere sibi debere argumentum aliquod nobile & illustre. Sed nunc de tali delectu vnus alicuius partis non agimus. Agimus de re tota, quæ se diuidi vix patitur: & quam, sicuti ille olim Jurisconsultus de naui respondit, si diuidas, perdes. Scio, quid Dionysius sibi proposuerit, cum *ἱστορίας Ῥωμαίων* commentarios institueret. Sed aliorum alia fuit ratio, qui magis hoc egerunt, ut vndecunque suas tandem historias ordirentur, ad suam eas ætatem, si possent, perducerent: eoque etiam properarent: neque aut aliam sui laboris metam sibi proponerent, aut priusquàm eam cursu contigissent, quiescerent: ac nisi si eò peruenirent, nihil propè actum esse putarent. Deniq; video multos maluisse ex abrupto inchoare, quàm ante hunc finem desinere. Ergo qui iis in scribèdo scopus propositus fuit, idem nobis & multò quidem magis, esse debet in legendo
atque

atq; audiendo. Et vero qui degeneres non sunt, retinentur quodam naturali desiderio, vt ante finem non discedant, nō modò, si historia narrari, sed & si fabula recitari cœperit. Testem bonū laudabo Ciceronē, qui agens de scientiæ cupiditate naturali, quæ hominum animis inest, Ipsi (inquit) quæramus à nobis, quid historia delectet, quam solemus persequi vsq; ad extremum: prætermissa repetimus, inchoata persequimur. Nec verò sum inscius, esse vtilitatem in historia, nō modò voluptatē. Quid cū fictas fabulas, è quibus vtilitas nulla duci potest, cū voluptate legimus? Non dissimilis est ratio Plutarchi, qui nos etiā ait, quasi phanis aut theatris clausis, magnopere desiderare postremū actum. Οἷον (inquit) ἰδῶν κλειομένων ἢ θεάτρων ὡς ποιοῦντες τῷ μνηστῶ τῶν λειπόμενον. Scio multos esse ignavos auditores, qui, vt pueri, missam faciant concionē, priusquā aut dimittantur, aut audierint illud vel orato-

Li. 5. de Fin.

ris, DIXI, vel præconis, ILICET, Scio multos esse inconstantes & leues spectatores, q̄ statim defessi, suū in scenā locū deferūt, priusq̄ aut ad extremū q̄ tamen optim⁹ esse solet, actū fabulae venerit, aut epilogus iusserit eos valere & plaudere. Sed valeāt sanè. Scio etiā plerōsq; qui literati videri volunt, eruditis quidē veterū historijs lubenter operā dare: sed fastidiosè abhorre re abs posteriorū tēporū, quæ barbara atq; horrida esse iudicāt, cognitione. Verum velim eos meminisse, historias nō esse verborū, sed rerum: neq; vnius alicuius linguæ expoliendæ tantū causa cōparari, sed mētis erudiendæ; Deniq; ferendas non esse ineptias quorundā Grāmaticulorū, qui ad Gothos vsq; memoriā nostrā produci nolunt, quiq; suæ stulticiæ finibus orbem terrarū metiūtur, cū suæ elegantix flosculis res diuinas humanasq; æstimant, quique aures obstruunt, oculos occludunt, fugiūt ex theatro, quasi cælum ruat, vel Gorgone visa,

ne visa, cum ad linguæ Latinæ vel Urbis inclinationem narratio descendit. Sic historiam pro sua libidine finiunt & circumscribunt. Sed habeant sanè circumcisam atq; circútonsam, qui integram respuunt, habeant *ὁκέφαλον καὶ μεσῶρον*, qui totum corpus repudiāt: nec nisi eius osculū summis labris sua uiter delibent tam molles & tenelli amatores. Dicerē eos sapere, qui difficillimam & asperrimam & multis tenebris implicatam historiarū partem refugiunt, in qua sudandū esset. Verū turpis est hęc ignauia. Saltem nimium putidæ sunt eorum deliciæ, nimiumq; ipsi degeneres sunt, quos tā suæ quoq; gentis aut patriæ pudet tedētue, ut & abs maiorum suorum monumētis abhorreant; & veterum peregrinarūque rerum admiratione capti, nullām earū, quæ successerunt, nullam recentiorū, nullam domesticarum recordationē admittāt. Laudo equidem literatæ antiquitatis, quantumuis peregrinæ, cognitionē,

familiaremque cum ea veluti consuetudinem. Sed laudare nō possum illam *Ξενομαχίαν*, quæ, tanquam aliqua Circe socios Vlyssis, studiosos demētat, ne vnquam domum redire velint. Certè cæca & propè amens est illa eruditio, quæ res p̄p̄inquoiores, & quæ (vt ille ait) sunt ante pedes, etsi sint magis necessariæ, tam neq; videt, neque videre vult, quàm remotas ociosè peruestigat. Quid præterea dicam, vt refellam hanc stulticiam? Nihil egero, nisi si eos, qui quia literis exemplisq; Ro. addictos se esse glorian-
 tur, in iis subsistunt, ijs abuti dixero, cum à quibus incitari debebant vt progresserentur, ab iis tanquam tricis implicatos se retardari aiunt. Turpe est (inquit noster Mucius) Ius ignorare, in quo versamur. Sed multò turpius est, nos & in patria & domi peregrinos videri. Saltem Cicero, etsi videatur excusare in aliis quibusdā rebus quandam (vt vocat) *ἀνισογνωσίαν*, tamē cum de quodā Metello agit, nescire (inquit) proauum suum Censorem.

*Lib. 6. ad
Attic.*

(inquit)

fuisse, turpe est. Et exclamat, ὅτι αὐτῶν
 , ἔστιν αὖτε turpem. Quid? ne id accidere
 posset, quàm sollicita fuit veterū Ro- *Lib. 35. ca. 2*
 manorū cautio & cura? Plinius (nā
 eius verbis quàm meis vti malo) lo-
 quens de Maiorum imaginibus, quæ
 in atriis erant, Expressi (inquit) cera
 vultus, singulis disponebantur arma-
 riis, vt essent imagines, quæ comita-
 rentur Gentilicia funera. Stemmata
 verò lineis discurrebant ad imagines
 pictas. Tablina codicibus repleban-
 tur, & monumentis rerū in magistra-
 tu gestarū. Aliæ foris & circa limina
 animorū ingentium imagines erant,
 affixis hostium spoliis, quæ nec emp-
 tori refringere liceret. Hæc ille. Si
 priuatæ quoq; familiæ, & quæq; gen-
 tes domesticam suā historiam cōser-
 uabant tam diligenter: quantò nos
 magis publicam patriæ & principū,
 quibus cum nobis res est, memoriam
 tenere atque tueri debemus. Et verò
 etiamnum in principum nostrorum
 bono more hoc positū est, vt diligē-

tissimè suæ gentis atq; familię stemmata & imagines describāt, atq; conseruent: neque quem in Remp. cum dignitate nunc tenere locū possit, video, certè rebus in ea gerendis ineptus erit, qui taliū (vt loquimur) genealogiarum memoriā non tenet. Fuisse autem & olim Romæ nobiliū familiarum cognitionē, tāquam liberalis doctrinæ partē egregiā, à doctis hominibus excultā, vel ex eo intelligi potest, q̃ eā Cicero in sui Attici studiis laudat. Sed & pro Murena ait, nobilitē Seruij Sulpicij, quę populo erat obscurior, literatis hominib⁹ & historicis fuisse notā, cū eius memoria non ex sermone hominum recenti, sed ex annalium vetustate esset eruenda. Si quis alterum petat veterum exemplū, quod huius loci sit: dicam. Valerius Maximus de antiquis Romanorū institutis loquens, Maiores natu (inquit) in conuiuijs ad tibias egregia superiorum opera carmine comprehensa, pangebant, quò ad ea imitanda iuventutem alacriorem

redderent. Deinde exclamat: Quas Athenas? Quā scholam? Quæ alienigena studia huic domesticæ disciplinæ prætulerim? Non dissimilem veterum Germanorū morem, testis est Tacitus. Sed multò magis fuisse veterum Gallorū, Am. Marcellinus significat, cū ait, eorum Bardos fortia virorum fortiū facta, heroicis composita versibus, cū dulcibus lyre modulis cantitasse. Deniq; fuisse hanc ingenuorum adolescentū primam institutionē, optimus quoq; poëta Virgilius indicat, qui canens Genethliacon Salonini, ait,

*At simul Heroum laudes & facta parentum
Iā legere, & quæ sit, poteris cognoscere, Virtus.*
Et nos crim⁹ tã degēeres, vt ne audire qdem velimus patriæ historiæ carmē? Cæterū id intelligere nō possum⁹, nisi si & eorū, qui Barbari dicūtur, memoriā teneam⁹. Si Galli, vel Britannī, vel Germani, vel Hispani, vel Itali sumus: vt de nostris loqui possimus, necesse est nos Francorum, Anglorū.

Saxonem, Gothorū, Longobardorū historiam nō ignorare: cumq; nostri cum Saracenis & Turcis sæpè cōgressi sint, ne nescire quidem licet Saracenicā & Turcicam. Neq; verò quæcunq; res à nostra consuetudine, vel Romanorū Græcorumq; facundia abhorrent, eas propterea res aut barbaras statim iudicare, aut ignotas dānare debemus. Cicero lib. 5. de Finib. loquens de philosophia, quæ etiam ad Rerump. gubernationē refertur, Omnium (inquit) ferè ciuitatū non Græciæ solum, sed etiam barbariæ, ab Aristotele, mores, instituta, disciplinas: à Theophrasto, leges etiam cognouimus. Ergo & cum illa, quā non negligi opto, posterior pars historiarum ab hominibus literatis ornate conscribi, atque perpoliri iam cœperit: & ab annis quingentis ea laudari gesta maiorum, quorum etiā num vel liberi regnant, vel posteritas regit nostras Respublicas, rectè possint, quæ ad Romanorum & Græcorum

rum antiquā gloriā, quā ad barbarorum populorū ignobilem memoriam, propius accedant: planè spero forè, vt qui liberaliter instituntur, huic quoq; studio dent operā. Scio multos esse φιλοπαιδείδας, qui suæ quidem patriæ suorumque Regum vel Principum historias ab annis ducentis vel trecentis repetitas, tanquā digitos suos tenent: Sed prætereà nihil. Nam quasi antea mundus conditus non fuerit, & in orbe terrarum nulla gens fuerit, præterquam in istorum patria: ita illi domi hærent, & aliam, quā domesticam, esse nullā historiam putant. Verū indoctorū atq; illiteratorū, quorū humiles & angusti animi sunt, ea propè puerilis stulticia est, miseraq; inscitia: quæ tamen (credo) si erudiatur atque impellatur, ex ignorantia suæ carceribus exire, longiusq; progredi non recusabit: neq; tam fortasse fastidit memoriam antiquitatis, quā, quia literas non didicit, illius monumenta euo-

luere non potest: cūque illi facultatem potius quā volūtatē deesse putem; ope & consilio, quā reprehensione, digniorē esse existimo. Literatos, hoc est, Latinis Græcisq; literis addictos iterum cōpellarem, atque etiam rogarem, vt nō modò posteriorum barbarorūque tēporum historiam non contēnant, sed & illā antiquam, quæ abs Romanorū Græcorūque consuetudine fortasse abhorret, tam barbarā esse non putent, vt sua iudicent indignam esse cognitione: dico Iudaicā: in qua profectò plus, quā in Romana, est admirabilium obseruationū. Sed quia Christianos nūc cōpello, nō existimo plurib⁹ eos verbis eo nōine rogādos esse. Velim quidē certē aliquādo mēinerint, quā eius ignorātia ridiculos reddiderit multos historicos, qui tāta alioqui literarū gloria floruerūt, Græcos atq; Rōanos: eosq; eò magis reprehēdisciāt, quod in suo alioqui ordine haberēt, à quib⁹, quod in hoc genere ignorabant,

rabant, discere, si saltem eos legisset, poterant, ut ostendit Iosephus contra Apionem. Quid dicā de Diodoro de Strabone, de Trogo vel Justino, clarissimis historicis? Quid illi de Mose, deque Judæis? Quam ineptè, quā falsò, quā impudēter? Imò verò (ut tres eiusdē ætatis posteriores quidem, sed non minus nobiles scriptores notem) qualis, vbi tractanda est Iudaica hiltoria, nugator est, vel Corneli^o Tacitus in suis Anna libus, vel Plutarchus in Symposiacis vel Appianus in Syriacis? Quid dicā Senatū populūmq; Ro. omnibus Gētib. in triūpho suā in hoc genere vanitatē turpēq; *ἀνιστορία* ostētaſſe, cū in eo arcu, quē Tito de Iudæis triūphātī extruxit, nō solū inscripsit, sed etiā inſculpſit, Titū deleuisse urbem Hierosolymā, omnib. ante se ducib⁹, Rēgibus, aut frustra petitam, aut omnino intētatam. Itāne verò tā citò sui quoque Pōpeii, quem & Cicero Hierosolymarium vocat, obliti erāt? Risit, credo, Iosephus, cū tam

ridiculā, quæ etiam nū extat, legit inscriptionē. Risit & ipse Titus, quem Iosephus docuerat historiā Hierosolymitanam, in qua urbem illam sæpè olim tentatā, victā, expugnatam abs multis Regibus, ducibusq; ostendebat. Quod quidem nunc obiter dico quia scio multos esse, qui non solum tam fatuas inscriptiones adorant, sed & gloriosæ suæ eruditionis magnam partē esse putant, rerū Iudaicarū superbam ignorantia: cui tamen facile ignoscerē, si posteriorum temporum esset. Nā fateor post urbē illam à Romanis euersam, eiusq; Rempublicā deletam, in ea gente, quæ dispersa, & incertis errans sedibus, miserā seruitutē seruit, vix esse quicquā reliquum in quo historia hæreat. Cæterū vrbs illa, quæ veluti prima & princeps omnium magnarum vrbiū, antea multo quæ ante Romā, historiam occupat, rursus nos ad se postea reuocabit, cū nostrorū Principum novos in ea triumphos, duce Gothifredo, & veluti Europā sæpius ad Barbaros depellen-

dos mare illud mediterraneū traici-
entem, spectabimus. Mirabilis pro-
fectò est ille, quem in historia intue-
bimur, Euripus rerū humanarū: mi-
rabiles vices sunt, incursiones, emi-
grationesq; gentium & populorum,
reciprocis (vt ita dicam) motibus
alternantium. Sed quid tandem in
iis vident, qui totum non vident? Cre-
do equidem multos spectare luben-
tiùs Romam de aliis gentibus trium-
phantem, quàm barbaros vicissim
illi insultantes, & dira ultione Italiã
pervastantes: imò verò Septentrio-
nem & Austrum ad Orientis atque
Occidentis Imperium euertendum,
concurrentes. Sed ex illa vastitate,
talibusq; ruinis condita sunt regna,
quæ nunc admiramur, & in quibus
viuimus: neque eorum conditionẽ,
à cuius cognitione non possumus es-
se alièni, satis intelligere alioqui pos-
semus..

Dixi historiæ vnîuersæ dandam
esse operam, & quidem vniuersam
dici

dici ratione temporum, regionum,
 rerum: rerum (inquam) triplicium,
 ut statum religionis & Reip. domi &
 foris, hoc est, historiam sacram, ciui-
 lem, ut & militarē requiramus. Nūc
 proximum est ut dicam, non minus
 esse curādum, multoque etiam ma-
 gis cauendum, ea semper ut sit vera.
 Nam neq; historia esset alioqui, sed
 fabula, qua quidē certē nihil est ma-
 gis alienū ab historia, nihil licet ma-
 gis affine videatur. Non vtar in re nō
 dubia probationibus nō necessariis.
 Sed eleganter & verē Polybius (cu-
 ius nunc testimonio lubenter vtor)
 mihi dixisse videtur, veritatē si quis
 ex historia tollat, pulcherrimi eum
 corporis oculos effodere atque eru-
 ere, neruos succidere, ossa confringe-
 re: addo, ipsam quoq; animā eripere
 videri, atq; adeò (quod dicitur) Solē
 tollere de mundo. Neq; tamē nō sen-
 tio sic interdum *ἀρχαιολογίας* & *μυθολογίας*
 esse cōiūctas, ut difficillimū sit
 verū abs falso discernere. Sed in reb;
 dubiis possumus fidē nostram nō a-

stringere. Dionysius lib. I. ait, ea, quæ de Hercule narratur, partim fabulā, partim historiā esse. De bello Troiano idē dixero. Atq; hīc equidē video poētas mirificē lufisse, ut ille Sinon apud poētā, falsum vero immiscet. Sed opera dāda est, ne facilē nobis illudat talis cōmixtio. Plato libro secūdo de Republica, cū de Poētis ex ea eiiciēdis ageretur, dixit, orationē aut verā, aut falsā esse: illā autē esse historiā, hāc verò esse poēsin siue fabulā. Quintilianus verò diligētius discernit, narrationē esse triplicē: primā esse falsā, quæ fabula sit & dicatur: qualis est in eo poëmate, q̃ nō modò à veritate, sed etiā à veritatis forma remotū sit. Secūdā esse verifimilē, quæ tamen sit ficta, vocatūq; argumentum: qualis in Comædiis esse solet. Tertiā esse verā, quæ historia sit appellanda. Si igitur aut falsa, aut ficta hec sit, iam & esse & dici desinet historia. Polybius etiam seuerior est. Historiē (ut vocat) *πραγματικὴ* non patitur

patitur inferi aliquid *δραματινόν*: gra-
 uiterque reprehendit historicos, qui
 narrant Hannibali Alpes transituro,
 perculso atque attonito apparuisse
 quendam Heroa: ut in Tragœdiis sæ-
 pè occurrit *θεὸς ἀπὸ μίχλων*. Certè La-
 tini scriptores magis quam Græci,
 prodigia narrant: & iis aliquando
 nimium indulgent. Sed miracula (ut
 appellantur) si verè inciderint, mi-
 nimè sunt supprimenda: qualia sæpè
 occurrunt in historiâ sacra, quæ in
 humana ratione non hæret, neque
 ex ea solum æstimat rerum euenta:
 sed Deum iis seriò admiscet. Cæte-
 rum planè ridiculi sunt historici, qui
 non dico miracula, aut prodigia fin-
 gunt: sed interdum, quod nullam ve-
 ri speciem habent, plusquam poëti-
 cè narrant. Apud Homerum Græci
 vincunt Troianos præsentē Achille,
 quo absente vincuntur. Nam in ma-
 gno duce multum momenti est po-
 situm. Sed an propterea Procopi-
 us fingere debet vnum aliquem
 Isaurum,

Isaurum, vel Thracem sua sagitta fugasse vniuersum Gothorum exercitum? Scilicet talia Lucianus ascripssisset veris suis narrationibus, quæ monstra non admittit historiæ fides. Atqui audio vix vllam historiam esse, cui non aliqua fabula, tanquam labes, aspersa sit. Ita est fortasse. Sed aliud est, fabulam studiosè fingere: aliud, historiæ per imprudentiam aliquid interdum affingere. Plutarchus in Pericle scribit, difficilis inuestigationis esse historiam veram, quòd & posterioribus scriptoribus, temporis antiquitas præteritarum rerum cognitionem sæpè eripiat: & ii, qui æquales sunt eius, cuius aut vitam aut acta describunt, vel inuidia & odio, vel amore assentationeque distrahantur à veri studio. Sed an propterea studium historiæ Plutarchus abiecit? Non erubuit olim Flauius Vopiscus, cùm historiam aliqui scribere institueret, confiteri, nullum historiæ scriptorem esse, qui

nō sit aliquid mentitus. Sed minime nos abduci propterea ab omnium scriptis debere, iudicauit: neque omnes historias, Iulii Capitolini verbo pronunciauit esse mythistorias. Fieri profecto vix potest, quin aliquid falsi aliquando in earum monumenta irrepit. Sed nimis illi, non iam dico morosi, sed importuni & intemperantes Censores sunt, qui statim atque quippiam eius generis in aliquo scriptore notare possunt, totum scriptorem superbè ac fastidiosè abiiciunt, vel contumeliosè lacerant, non secus atque qui cū aliquem in pulchro aliqui corpore neuum deprehenderunt, totum illud corpus tanquam deforme & fœdum cadauer conspuunt, sepeliendūq; & obruendum esse impotenter clament. Atqui si agere ita velimus, ecquam tandem historiam habebimus reliquam? Scio & profiteor, nos, quantum fieri potest, curare debere, ut fabulas, quæ historiam plerunque obfident,

obsident, eamque clam peruaferunt, depellamus. Sed rursus cauere oportet, ne sic omnia ad viuum reseceamus, ut etiam verum cum falso temere abiiciamus. Multa quidem, quæ suspectæ fidei sunt, non inuitus circumciderem. Nam & quod reliquum erit, satis erit magnum: & pauciora, quæ casta & vera sint, mallet, quàm multa, quæ sint dubia, incerta, inquinata. Sed non minus est periculi in vero repudiando, quàm in falso complectendo. Cogor autem nunc tantò magis dicere quod dico, quia audio nuper hominem alioqui eruditum publicè scripsisse, Iosephum esse referendum inter scriptores deliros & fabulosos: Nicephorique historiam Ecclesiasticam nihil aliud quàm plaustra ineptiarum & blasphemiarum. Nō dicā mirari me id ab eo dici, qui & iis auctoribus sæpissimè utitur, & eorum testimonia in rebus grauissimis aliàs laudat. Sed dicā, si tales scrip. planè cōculcandi sunt pe-

nitusque iugulandi, & eodem exemplo, reliqui eiusdem generis, actum esse de historia. Et quid tandem reprehendere in Nicephoro possunt, quod non possint in ipso Eusebio? Si hunc, notato licet errore, nihilominus laudant: cur illum, in quo laudari plura possunt, non ferunt eadem conditione? Iosepho cur infesti quoque sint, magis etiam miror, Iudæo certè scriptori, sed tam alioqui fidelis in suo genere, ut etiam Hieronymus. Censor minimè obtusus, eum retulerit inter scriptores Ecclesiasticos, & alibi appellet Græcum Liuium. Sunt quædam in eo peccata. Quis negat? Sed quàm multa sunt recta præclara, necessaria ad ipsam quoque sacram historiam, illustrandam? ut nimirum ingrati futuri simus, si etiam irascamur Vespasiano & Tito, qui illum tanti fecerunt. Sanè Tertullianus, grauis & seuerus scriptor, dixit aliquando, Tacitum esse mendaciorum loquacissimum, Sed hoc tantum

cùm dixit, cùm de historia Iudaica
ageretur, in qua & nos profiteamur
Tacitum nugari. Verum quid hoc
ad Romanam? Vt brevè faciam: sa-
pienter profectò & grauter Cicero
monet, non statim propter aliquod
viciū abiiciendos esse historicos.
Quis (inquit) non dixit Eupolinab
Alcibiade nauigante in Siciliam, de-
iectum esse in mare? Redarguit Era-
stosthenes. Adfert enim, quas ille
post id tempus fabulas docuerit. Nū
idcirco Duris Samius, homo in hi-
storia diligens, quòd cum multis er-
rauit, irridetur? Quis Zaleucum Lo-
cris leges scripsisse non dixit? Num
igitur iacet Theophrastus, si id à Ti-
mæo tuo familiari reprehensum est?
Timæum historicum negasse vllum
vnquam fuisse Zaleucū: sed Theo-
phrastum, auctorem meliorem, cō-
trā affirmare, ait libro secundo de
Legibus. Non rectè ergo Theophra-
stus à Timæo reprehensus erat. sed
singamus eum & meritò aliqua in re

esse reprehensum, & aliquando falsum esse atque fefellisse. tamen negat Cicero propterea abiiciendum planè esse. Cur enim reliqua, quæ bona sunt, amitteremus? Idem Cicero eodem libro 1. de Legibus, Herodotum vocat patrem historiarum. Atque libro 2. de Oratore, non negare videtur, multas apud eum esse fabulas. Sed nimis profectò intemperanter sæuiunt, qui illius libros & Musas, eo nomine suppressere vellent. Nam quales tenebras, hoc lumine extincto, antiquissimis historiis offunderent? Imò verò quam atrocem iniuriam facerent historiæ Prophetiæ, cum qua Herodotus habet cōmunia plura, quàm vllus scriptor Ethnicus? Iosephus libro 1. contra Apionem, ait, in Commētariis Manethonis Ægyptii reprehēdendi Herodotum, quòd imperitè scripserit quædam de rebus Ægyptiis. Sed totum Herodotum propterea non iugulat. Scio quàm illi infestus fuerit Plutarchus, cuius extat acerbus &

propè famosus libellus *ὅτι τῆς κακοη-
θείας τῆς Ἡρόδοτου* Sed viderit, ne suo in
eum odio indulgens, sibi ipsi alicu-
ius *κακοηθείας* notam inurat. Saltē me-
minisset, quod Herodotus ipse non
vno loco protestatur, sese quædam
recitare, ut ab aliis accepit, licet fidē
illis suam non asringat. Sese enim
quædam non posse non referre, quæ
tamen vera esse, credere non tenea-
tur. Quid dicam, Plutarchum ipsum
in suis vitis, Herodotum testē quin-
quies citare, nec nisi semel reprehē-
dere? Ctesia quoque ascribit *το μυθώ-
δες*. Sed nihilominus sæpè vtitur eius
testimonio. Ergo & Xenophon bis
laudat huius Ctesia historiam, Lau-
dat & Pausanias in Bæoticis; & deni-
que noster Tertullianus in Apolog.
Itaque ne eius quidē *ἐκλογαί* de rebus
Persicis, quæ nup editæ sūt, planè cō-
tēnere ausim. Sed quæ superioribus
annis, Annius quidā monach⁹ ptulit
fragmenta Berosi inscripta miror tā
facilè multis etiam doctis impone-
re potuisse. Berosum Chaldæum,

qui fuit sacerdos Beli (ut ait Tatianus) tempore Alexandri, sæpè meritoque laudari à veteribus scio: quoniam Iosephus lib. I. contra Apionem, narrat descripsisse res Babylonicas abs Diluuiio vsque ad Iudæorum in Babyloniam abductorum captiuitatem; asseritque eius non esse fabulosam historiã quæ & cum Iudæica historia habeat multa cõmunia, & cum antiquissimis Phœnicũ Archiuis consentiat, & quã comprobari ait Tatianus ex Iubæ Regis historia de Assyrijs. Sed tantò magis doleo, cùm illius commentarios intercidisse, tum verò eorum loco adulterinas quasdã rapsodias suppositas esse. Nam etsi in ijs agnoscam nonnulla, quæ notha nõ esse ex Iosepho intelligo: tamen plura sunt suppositicia, quæ alioqui abs Iosepho nõ fuissent præterita: quædam etiam in illa farragine video esse præterita, quæ Iosephus ex Beroso recitat. Itaque in lectione adhibere oportet iudici-

um &

um & delectum: ut neque confusé
(quod quidam faciunt) vera cum fal-
sis repudiemus: neq; rursus temeré
(quod hac ætate plures illius Berosi
lectores fecerunt) falsa cū veris com-
plectamur. Meruit Berossus statuam
Athenis in gymnasio, lingua inaura-
ta, ut Plinius ait. Meruit & Iosephus
Romæ. Sed neque eorum idola ado-
remus, neque temeré omnibus, quæ
scripsisse dicuntur, fidem habeamus.
Age veró nihil nobis sit antiquius,
quàm ut in historia fabulas, tanquam
scopulos, fugiamus. Sed quænam
cautio erit, ut ab ijs nobis caueamus?
præsertim, in hac extrema mundi æ-
tate, cū multarum rerum ad nos
vix tenuis famæ perlabitur aura: cū
tanta sit obliuio antiquitatis: tam ob-
scuri eius recessus: tam profundę te-
nebræ: & inter eā tam tectæ sint insi-
dię fabularum, & impostura tam a-
stuta, cū quidem falsum sit & esse
dicatur, non tam immutatio, quàm i-
mitatio veri. Equidem agnosco in

historia esse obscuram quæstionem facti, non solum alieni, sed & abs nostra memoria (vt ait Cicero) remoti. & propterea prudentissimum quæque in eo genere (vt Iurisconsulti aiunt) falli posse. Scio eam ab alieni testimonij fide pendere, & rem propterea esse valde lubricam. Sed si cautiones tamen adhibebimus, quas & debemus & possumus: neque tamen falleremur, neque in iustam reprehensionem nostra persuasio incurret: aut si interdum fortè errabimus, ita cum multis bonis & sapientibus errabimus, vt neque turpis error sit, si quis sit, neque possit facile conuinci. Vetus & prima sapientiæ lex esse dicitur, non temerè credere. Ergo facessat fatua temerariaq; credulitas. Nam & eam culpa non carere, Iurisconsulti rectè pronunciant: & toties non solum falluntur qui scribunt, sed & ijs affingitur, quod nunquã scripserunt, vt cauta inquisitio valde sit necessaria. Cæterum est etiam quædam nimium morosa, ni-

miumq; diffidens ἀπιστία. Quæ quidē nisi simul faceſſat, nullum vlli hiftoriæ locum relinquet: & verò nō ingenui, ſed impudentis atq; præfracti hominis eſt, etſi quid probabiliter dicatur quod & grauem auctorem, teſtemq; habeat, tamen id contumaciter tanquam falſum repudiare, cū quidem neque quod affirmatur, reſellere, neq; cur illud repudiet, cauſam dicere poſſit. Equidem quoties bonos & graues hiftoricos lego, ſtatim cogito vetus illud: Aut hoc teſtiū ſatis eſt, aut neſcio quid ſit ſatis. Sed eſt alicui⁹ artis atq; iudicij diſcernere, cui potiffimum fides habenda ſit, præſertim, ſi vt in hiftoricis ſcriptoribus ſæpè accidit, diſſentire videātur. Leges & Iuriſcōſulti negāt ſe cōmodè poſſe ea de re ſtatuerē: ſapiētis verò iudicis eſſe aiunt, in re præſenti cauere, ac quidem etiam eum expendere debere teſtimonium quod integræ frontis homo dixerit. Non eſt meum de ſcriptoribus

pronunciare, neque tam odiosam censuram suscipere vellem. Sed profectò sæpè cōqueri cogor, quod Thucydides conqueritur, multos (vt ille ait) ἀπὸ λασιπρόσων fuisse in veritate peruestiganda. Memini Polybiū scripsisse maximam & difficillimam partem historici operis esse, rectè & sapienter iudicare de scriptoribus historicis. De eorum oratione non loquitur, sed de testimonio, & ea, quæ digni sunt, fide. Quid nos? verecundè quidem (nam antiquitati quædā reuerentia debetur) sed ingenuè tamen & liberè (veritatis enim major semper cura esse debet) quod libri nobis narrant, excutiamus. Liuius aliquando in hoc genere dixit malle se scriptoris siue librarii mendum, quàm auctoris mendacium accusare. Equidem mendis refertos esse libros scio: neque in iis delendis potestremus nunc labor est doctissimorum hominum. Verùm & mendacii arguendi multiplex est ratio: neque id

nos

nos semper fallat atque fugiet, si cau-
tè agamus. Deniq; diligenter cau-
dum esse sentio, abs libris suppositi-
ciis atq; adulterinis, qui speciosum
magni alicuius auctoris nomen falsa
inscriptione mentiuntur. Tales enim
multi circumferuntur: quorum nūc
cathalogum contexerem, nisi si hac
ætate nothos illos satis esse notatos,
atque abdicatos abiectosque puta-
rem. Quid pluribus opus est? Illud
semper teneamus & perpetuò me-
minerimus, nos in lectione histo-
riarum esse debere, quales ab Aristo-
tele esse dicuntur, qui neque pueri,
neque senes sunt, qui (inquam) ad
credendum neq; nimium faciles, neq;
nimium difficiles sunt. ἔτε (inquit)
πῦσι πιστῶντες, καὶ τε πᾶσιν ἀπιστῶντες. Sci-
rum profectò est & illud Hesiodi,
πιστῆς, καὶ ἀπιστίας ὁδὸς οὐκ ἀνδρῶν. Verum re-
ctè quoque aliquis vicissim dixerit,
modò πιστῆς, modò ἀπιστῆς esse vtilis
atq; salutaris. Non colligo hæc di-
cteria, talisque sententias, sicuti pu-

eri apophthegmatibus tanquã emblematis suas in schola declamationes ludendo pingunt, quorum paulò post cum inani sonitu memoria fugiat. Sed quod serio dico, tenebo, atque vrgebo, & in re præsenti postea ostendam non fuisse ociosam aut ludicram præmonitionem. Interea & illud nunc mihi in mentem venit quod Augustinus scripsit de utilitate credendi. Quia verò liber extat, & legi ab omnibus facile potest, & cum totum legi velim, nunc ex eo illud tantum repetam, quod ait, intelligere, semper sine vitio esse credere, aliquando cum vitio: opinari nunquam sine vitio. Credere tunc esse culpandum, quum vel de Deo indignum aliquid creditur, vel de homine facile creditur. In cæteris rebus, si quis quid credit, quod scire nescire intelligat, nullam esse culpam. Credo enim (inquit) sceleratissimos coniuratos virtute Ciceronis quondam esse interfectos. Atqui id non solum

solum nescio, sed etiam nullo pacto me scire posse, certò scio. Hic Augustinus scire dicit, quod ita intelligimus, ut certa mētis ratione teneamus: ut scire rationi, sicuti credere, auctoritati tribuatur. Ideoque omnem intelligentem etiam credere dicit, sed non omnem, qui credit, intelligere. Verum subtiles illas distinctiones nunc omitto. Adiiciam verò quod in Epistola centesima trigesima prima, cū alias liberales disciplinas acerbè notaret: historiam autem magis laudaret, cū siue bona siue mala hominū, tamē vera, narrātur: adiecit, Quamuis in eis cognoscendis scriptores, qui Spiritu sancto nō adiuti sunt, rumoresq; colligere ipsa humanæ infirmitatis conditione cōpulsi sunt, quemadmodū non fallerentur in plurimis, omnino nō video. Est tamen in iis aliqua p̄pinitas libertatis, si voluntatē mentiendi non habent, nec homines fallunt, nisi cū ab hominibus humana

infirmirate falluntur. Sed Augusti-
 num nunc missum faciam, & alio
 nostri ordinis potius consulam, qu-
 de eo de quo quæritur, aptius respō-
 dent. Iurisconsulti & leges ciui-
 les ajunt, aliam esse testium, qui ro-
 gati audiuntur: aliam testimoniorū,
 quæ leguntur aut recitantur, aucto-
 ritatem: & testibus potius quàm te-
 stimonijs esse credendum admo-
 nent. Quid nos in historiæ causa?
 Certè in ea, præsertim quæ nostræ æ-
 tatis non est, testimonia legere pos-
 sumus, testes præsentis audire non
 possumus. Sed vt olim Senatus cen-
 suit, monumenta publica etiam po-
 tiora testibus esse, quemadmodum
 noster Marcellus ait: Sic & publi-
 cis actis non minus quàm actoribus
 fidem adhibendam esse putamus,
 si eorum nullus error arguatur. Cer-
 tè quod Vlpianus noster dixit, veri-
 ratem rerum, erroribus gestorum
 non viciari: imprimis tenendum
 est. Sed vbi falsa illa esse non pro-
 bantur,

bantur, cur vera esse negabimus? Equidem optarem, ut scriptores eademum narrarent, quæ viderunt, quibûsque interfuerunt. Quod & Polybius profitetur sese in historia imprimis desiderare, & veteres planè postularunt, qui earum propriè rerum historiam esse dixerunt, quibus rebus gerendis interfueritis, qui eas narret, quòd historia Græcè significet rerum cognitionem præsentium, ut ex Verrio Flacco refert Aulus Gellius. Verùm si ij auctores non occurrant, qui testes oculati sint, & possint dici *αὐτίπτοι*: proximum est, ut eos, qui quod ab alijs acceperunt, bona fide narrant, audiamus, præsertim si & ijs ætas ipsa & antiquitas & virtus fidem atque auctoritatem conciliet. Seneca hos, qui se non vidisse fatentur, sed ab alijs audisse affirmant, secundæ notæ testes esse ait. Sed neque ij semper abs Iuriscōsultis reiiciuntur. Nam & cùm quæreretur, an operis facti memò-

ria extaret, olim respōderunt, *cū* ~~ta~~
~~te~~ hoc quærendū esse num quis ve
viderit vel audierit opus fieri, vel al
iis acceperit, qui vidissent aut audi
issent. Cæterum illud saltem curā
dum est, vt & optimum, qui haberi
poterit, & grauiissimum, qui rogatus
occurret, semper testem audiamus,
eiusque ipsius verba imprimis reci
temus. Nam & in iis nos velim esse
religiosos. Equidem scio veteres
quoq; scriptores historiārū, tam su
perstitiosos non fuisse, quin auderēt
aliis atq; aliis verbis rē eandē efferre,
illustrare, amplificare. Neq; nos tā in
aliorum verba iurauimus, quin, sal
ua modò & integra rerum veritate,
audeamus idem factum non iisdem
omnino verbis aliquando recitare:
tamen si non temerè olim laudatos
esse sciam illos Ro. Legatos missos
Tarentum, quòd legationē, quibus
acceperant verbis, peregerint: Sed
vt in recitatione tamen alieni testi
monii, esse debemus bonæ fidei: sic testi-

testimonia quæ sinceriora sunt, imprimis sunt proponenda. Certè Iurisconsulti, cùm de probationibus & fide instrumentorum agunt, non hærent in iis, quæ cæxpla vocantur: sed Authentica & veluti archetypa requirunt. An nos in antiquæ alicuius historiæ quæstione, antiquissimos illos atque (vt ita dicam) classicos testes postponemus recentioribus? An secundæ atque interpolatæ narrationis maior erit fides, quàm primæ & integræ? Mitto illud, quod Aristoteles lib. I. Rhetor. loquens de testibus, *πικρὸν τοῖς παλαιοῖς ἀδιάρητοι γὰρ*. Sed iterū dico, quò posterior & magis noua est rei antiquæ narratio, tantò mendosiorẽ eam esse solere. Nam & vt vinum quo magis transfunditur, euanescit magis tandemq; fit vappa: vtq; fama ipsa, quò longi⁹ p̄greditur, longi⁹ recedit à vero, plusq; colligit vanitatis: sic & per sæpe historia, quæ à plurib⁹ repetita variè iactatur & aliis atq; aliis verbis reci-

recitata spargitur, tandem contaminatur & in fabulam degenerat. Neq; verò non fero plures esse unius alicujus rei scriptores. Quinimo quàm plurimos, quos conferre possim, esse opto. Quàm enim utilis hæc collatio sit, scio. Sed tales esse velim, quorum justa & gravis sit auctoritas. Primòque loco primos quosq; quos secuti posteriores sunt, legendos esse censeo: & quid ijs alij deinde assuerunt, discernendum esse statuo. Sic (inquam) imprimis antiquissimos: post verò, ut quisque illis proximus ætate est, suo quenque loco & ordine, si hoc auditorio non sit indignus, audiri, & quid priori posterior addiderit, observari cupio. Historiæ enim plerunque ea est conditio, quæ famæ. Nam & vires acquirit eundo (ut ait Poëta) parva metu primùm, Sed facilis cautio est, si ad primos auctores recurramus: neque riuulos nuper deductos pro ipsis fontibus nobis obijci patiamur.

amur. Atqui si ita, ut dixi, agimus, non poterit una aliqua historiae universae perpetua oratio eleganter & æquabiliter contexti atq; perpoliri. Fateor. Sed historiã veram, nō Rhetoricam fabulam aut scholasticam declamationem expeto. Quam alij verborum continuam concinnitatem ac semper similem perpetuæ politæque dictionis æquabilitatem hîc requirant, ipsi viderint. Ego rerum & constantem & sinceram & simplicem & castam veritatem in historia imprimis requiro; & ubi erudita fuerunt tempora, eruditè ab veteribus descriptam esse agnosco. Neque non me mouet, quod Valerius Max. exclamat, *Quis compos mentis, domesticæ peregrinæque historiae seriem, fœlici superiorum stylo conditam, vel attentiore cura, vel præstantiore facundia, traditurum se speraverit?* Deniq; existimo rectè abs Plutarcho in Nicias reprehensum atque irrisum esse.

Timæum

Timæum historicum, qui stulta quidā ambitione voluit, quod abs Thucydide elegantissimè scriptum erat aliis verbis efferre: quasi Thucydide quem ne longo quidem interuallū sequi vel imitari poterat, superare posset. Ergo Plutarchus grauitè iudicat, ambitiosam eius contentione fuisse hominis vani, eamque similem esse vanitati puerorum in scholis declamantium. Quid dicam, eos qui historias olim rectè scriptas interpolant, non modò, ut sua furta tegant, rerum fidem & veritatem corrumpere: sed & verborum ornamenta sæpè abiicere? Non vtar exempli nouis. Eusebius libro 2. *τῶν παλαιῶν* Porphyrii quodam de furtis veterū scriptorum libro, notat Theopompum: qui quæ abs Xenophonte descripta erant bene & eleganter, non modò sibi adscripserit, sed & immutando corruerit. Atqui si hæc vnam interpolatio vitiosa est, est imprimis in historia. Itaque etsi olim quippiam

quippiam scriptū esset fideliter magis quàm politè: tamē non est temerè noua oratio subornanda. Saltem quæ veterum in formulis religio fuit, ea nunc esse debet in historiis. Nō reprehendo Liuium, qui quæ Græcè scripserat Polybius, Latinè scribit: suum licet librum xxi. ex illius libro tertio propè ad verbum descripserit, & transferendo veluti *ἡγοῦμαι* sit interpretatus. Laudo potius quòd eadem dicat de iisdem: etsi miror eum tunc non laudare suum auctorem. Nihil iam dicam de aliquot Plutarchi in Crasso paginis de Bello Parthico, quæ in libris quoque Appiani repetitæ leguntur. Factum id esse suspicor, non ab ipso Appiano, qui Plutarcho fuit æqualis: sed à librariis, ut supplerēt aliquā in Appiani cōmentariis lacunā. Verūm etsi Appianus id fecisset, factum quidē aliquid haberet impudentiæ plagiaris, & Plutarcho aliquā faceret iniuriam, historiæ verò nullam. Vt breue faciā: dico nos

iana

jam recitatores potius esse debere
quàm nouos auctores. Quæ autem
fuerit antiqua lex mósque verus re-
citationis, notum est. Disputent alij
de elocutionis coloribus. Ego nunc
veritatis causam ago. Et cum de fa-
cto ac iure, maximisq; de rebus in ea
quæritur: ineptum esse puto de sola
verborum elegantia quærere. Et cu-
jus tandem erit aut fidei aut juris aut
iudicij, res verbis, potius quàm ver-
ba rebus subijcere? Saltem fas non
esse puto, bonorum testium verbis
anteponere nostra. Non vitupero
quod Antonius Sabellicus auorum
nostrorum memoria sedulo tenta-
vit, perfecitque. Improbus essem
& ingratus, si doctissimi hominis
maximos in vniuersa historia con-
texenda labores non laudarem. Sed
tale tamen exemplum nunc imita-
ri non institui. Nam & incorru-
pta veterum testimonia sine vlla in-
terpolatione potius legi debere exi-
stimo: neque nouam ijs orationem
affingere,

affingere, & tanquam alienam vestem assuere, velim: neque pro eorum verbis mea supponere audent, ne & pro melioribus deteriora subijciam, & historiam non tam ornare videar, quam mendosam mendacemque efficiam: neque sanè testis, cujus narrantis ab ore (vrille ait) pendere debeo, dictare atque prescribere possum, quid & quomodo dicat: Et res ipsa loquitur, ecquid accidat, cum rerum olim gestarum narratio, nunc pro cuiusque affectu vel fingitur vel interpolatur vel componitur. Redeo ad veritatis in historia observationem. Atque ut antea dixi in historiæ vniuersitate in primis obseruandam esse historiam Ecclesiasticam: sic jam iterum & singulariter premoneo à fabulis in ea in primis cauendum esse. Nam & in ea demum fabulæ multæ & mirabiliter teste occurrunt: & multò hinc periculosior, quam in rebus civilibus, error est. Obsecro, quid ad

H

cor

corrumpēdam, contaminandā, multisque modis defœdandam atque inquinandam veteris Ecclesiæ memoriam, quid (inquam) dolo malo non fecerūt Ethnicī, Iudæi, hæretici? Quid fatua, credulāque superstitio imprudens nō affinxit? Etsi tantū loquerer de Apostolorum temporibus: quāta fuit, vbi minimè licebat, fraus impostorum? Verus est, nec mea, sed Arnobii, hæc quærela: Multa quæ de Christo & Apostolis scripta erant, aut maleuolentia Dæmonum, quorum cura & studium est, intercipere veritatem, aut similia his hominū, interpolata sunt: quædā addita, quædam detracta, verbis, syllabis, literis, vt & prudentum tardarent fidem, & gestorum corrumperent auctoritatem. Hęc Arnobius. Factum est singulari Dei beneficio, vt illorum nebulonum insidię & fraudes detectę sint: vtinam fuissent omnia, qui eos secuti sunt. Certè nimium impudentes fuerunt olim Manichęi, qui

Lucę

Lucæ Apostolicam historiam, cui fidem habere volebant, mentiebantur esse ab aliis corruptam, & infer-tis fabulis contaminatam. Sed cum eos id facere voluisse scio, tum verò antea multos falsarios impostores tale quippià conatos esse fateor. Quid? Scripserat Clemens Romanus Petri Apostoli ~~et~~ *idus*. his libris statim manum iniicit Ebion, & clam multas putidas fabulas aspergit atque affuit, ipso adhuc Clemente viuo. Id Clemēs cum intellexisset, singulas mox Ecclesias percurrit, monens, ut sibi caueant: & quas præsens conuenire non potuit, commonefecit per Epistolas: quæ Epistolæ, quia huc & il-luc missæ discurrebāt, appellatæ sunt Encyclicæ. Testisq; est Epiphanius suo adhuc tēpore publicè in Ecclesiis prælectas fuisse. Vtinā tales semper cautiones occurrissent eius generis fraudibus. Ne multis morer: video rē eò rediisse, vt in hac parte operam dare debeam, nō modo ne falsū pro vero temere

temerè arripiamus, sed etiam ne verum pro falso facilè reiiciamus. Fa-
teor, vbi tot insidiæ sunt, & est tan-
tùm periculi, laudandam esse timi-
dam eorum *ὑλάθειαν*, qui memine-
runt, non temerè esse credendum.
Sed quorundã rursus nimia est *ὑπιστις*,
qui nihil credunt, quàm quod ab v-
no aliquo scriptum erit: vt de Apo-
stolorum temporibus nihil dici vo-
lunt, quod ab ipso Luca non sit ex-
pressum. Atqui Lucas Pauli potis-
simum historiam contexere voluit.
Et rursus in ea quædam prætermis-
se indicat ipsius Pauli ad Galatas epi-
stola. De Simone Mago loquens,
simpliciter narrat, eum in sua Sama-
ria commotum increpatione Petri
agnouisse suum peccatum. Sed an
propterea clamitabimus esse fal-
sum, quicquid prætereà de eo nar-
rant vetustissimi & grauissimi au-
ctores Iustinus, Tertullianus, Arno-
bius, Eusebius, Epiphanius, Augusti-
nus? Longiorem hic locus orationē
postu-

postularet. Sed in re præsentī commodius talia excutientur. Nunc tantū simplici quadam & generali præmonitione breuiter vtor.

Quod dixi vniuersæ & veræ historiæ operam dare nos debere, vt de nostro, qui auditores aut lectores sumus, sic & de scriptorum historicorum officio loquitur. Ac plura quidem de legibus & ratione historiæ scribendæ dici posse scio. Sed quorsum ea ociosè nunc repeterem, quæ ipsi satis supérque dixerunt, qui olim historiam scribere instituebāt? Suum enim officium satis intelligebant. Neq; illa dixerunt modò, sed & cumulatè, quod debebant, plerique præstiterunt. Ejus generis sunt hæc præcepta: vt habeatur delectus rerum narrandarum: vt narrentur res magnæ atque vtilēs: vt tēporum & locorum notatione illustrentur: vt orationis luce commendentur: vt causæ, consilia, euentus explicentur. Quæ quidem omnia,

non modò aliis, sed sibi ipsis mag
præscripserunt, quæ obseruarent.
Testem ex multis vnum cito Poly
bium. Neque si hoc illi non fecisset
aliud potius quàm abs Cicerone ta
les leges repetendas esse putarem: quod
de officio historicorū dici pos
set, optimè & breuissimè exposuit li
bro II. de Oratore. Nam postea quan
grauissimè iudicauit de histor. Græ
cis & Latinis, Videtisne (inquit) quā
tū munus sit Oratoris, historia? Haud
scio, an flumine orationis & varietate
maximum. Neq; eam reperio vsq;
quā separatim instructam Rhetorū
præceptis. Sita enim sunt ante oculos.
Nam quis nescit primam esse hi
storiæ legem, ne quid falsi dicere au
deat: deinde, ne quid verè non aude
at: ne qua suspicio gratiæ sit in scribē
do, ne qua simultatis? Hæc scilicet
fundamenta nota sunt omnibus. I
psa autem exædificatio posita est in
rebus & verbis. Rerum ratio ordinē
temporum desiderat, regionum de
scri

scriptionem. Vult etiam, quoniam, in rebus magnis, memoriaque dignis consilia primum, deinde acta, postea euentus expectantur, & de consiliis significari quid scriptor prober, & in rebus gestis declarari, non solum quid actum, aut dictum sit, sed etiam quomodo: & cum de euentu dicatur, ut causæ explicentur omnes, vel casus, vel sapientiæ, vel temeritatis: hominumque ipsorum non solum res gestæ, sed etiam, qui fama ac nomine excellant, de cuiusque vita, atque natura. Verborum autem ratio, & genus orationis fufum, atque tractum, & cum lenitate quadam æquabili profluens sine hac iudiciali asperitate, & sine sententiarum forensium aculeis persequendum est. Hæc ille. Quæ quidem, quia non modo eorum, qui scribunt, sed etiam aliorum, qui legunt ab aliis scriptas historias, officium exponunt, iubenter recitavi. Nam & nos admonent, si quid eorum non fecerint scriptores quos

legimus, quid facere nos oportea-
tamenſi nobis rerum magis, quàm
verborum ſtudio curæ eſſe debe-
re, dictum antea ſit. Neq; verò du-
bito, quin Cicero (liceat nunc mihi
de hiſtoricis cogitanti in huius re-
cordatione acquieſcere) ſi hiſtori-
am, quam meditabatur, contexuiſ-
ſet, fæliciſſimè illa, quæ præſcribit, o-
mnia obſeruafſet atque præſtitifſet.
Non enim audio Plutarchum, qu-
ſingit & fabulatur, eū cogitaſſe Græ-
corum fabulas & orationes in hiſto-
riam transferre. Qui Ciceronis in-
genium ſatis nouit: quàm omnia
facturus eſſet & rectè & ſapienter &
politè, minimè dubitabit. Scripſe-
rat adoleſcens Marium, hoc eſt, rerū
abs Mario geſtarum hiſtoriam ele-
ganti poëmate deſcripſerat, quo tē-
pore juris diſcendi cauſa ad Muci-
um Scauolam ventitabat. Scauol-
miratus adoleſcentis ingenium, de
libro illo vaticinatus eſt, Caneſce-
ſeculis innumerabilibus. Nam &
ſapient

sapientissimus Iuriconsultus tam gaudebat eum cum Iuris Ciuilis studio coniungere studium historiæ : quàm hanc coniunctionem studiorum requiro. Si tam adolescens Cicero tam citò admirabilis tali tantòque viro esse visus est in historia : qualem quantumque putamus, cum vir aut senex esset, historicum esse potuisse? Sed illud nunc dico : Eum, ne illos quidem, qui minus in historia alioqui præstiterunt, quod debebant, contempsisse. Certè libro primo de Legibus Venonium historicum refert inter eos, qui exiliter atque adeò negligenter scripserunt. Atqui ne eo quidem carere se posse, alibi significat. Nam libro duodecimo ad Atticum, Molestè (inquit) fero me Venonij historiam non habere. Sed & Libonis annali utitur. Nempe homo sapientissimus sentiebat, quantumvis alioqui exile aliquid sit, tamen esse magnum, quod ad historiam pertineat : hocque studio

tam erat incensus, ut nihil quicquid
negligeret. Ergo cum satiari nō pos-
set, simulque prospiceret quāta res
ageretur: & se & alios incitauit. Mit-
to quāam valdē vrgeat illum Lucce-
ium, quem tam praeclarum & excel-
lentē historiae Romanae scriptorem
fuisse significat. Alios praeterea cer-
tatim impellebat: videreturque inter
eum & Q. Fratrem & Pomponium
Atticū coisse quoddam huius studij
collegium. Libro secundo ad Q. Fra-
trem, Quod (inquit) ascribis, aggre-
diarī sue ad historiam? Me auctore
potes. Sed & cū libros de Oratore
ad eū misisset & in ijs libris illud de
historia scripsisset, quod paulō antē
dixi: satis profectō eum monuerat.
Quid Atticus? Hic ad Marcū vno vo-
lumine totam antiquitatem (vt ait
Cornelius Nepos.) ita exposuit, vt
nullam non legē, pacem, bellum, rē
illustrem populi Romani suo tem-
pore notauerit. Quem librum cū
Cicero (cui erat inscriptus) legisset
quo

quo tempore Rempublicam perditā
lucens mœrebat: exclamauit, eo li-
bro non sibi delectationē modò, sed
& salutem allatam esse, sicuti narrat
in Bruto. Interea verò quasi si nondū
quicquid actum esset, & Q. Frater &
Atticus ipsum Ciceronē vrgent, vt
historiā scribat: quam aiunt iam diu
ab eo nō solum postulari, sed etiā ex-
pectari: quasi hæc adhuc abs literis
Romanis absit, & eam ille nō modò
possit, sed & debeat præstare, & qui-
dem Reipublicæ debeat. Ipse etsi oc-
cupationes excuset, & ocium liberū
ad eam rem desiderare se significet,
tamen non dissimulat, nihil sibi esse
antiquius, quàm se illi studio totum
tradere. Nam & libro decimo sexto
ad Atticum, Historiæ (inquit) studio
ardeo. Incredibiliter enim me com-
mouet cohortatio tua. Neque tamē
nō lubenter ipsum Atticū in historia
suā veluti magistrū agnouit? Quàm
enim eū & sæpè & lubenter cōsulit
de temporibus Magistratibúsque

Romanorum? Quàm suos ab eo libros castigari non iam dico patitur, sed petit & cupit? Quàm diligenter etiam disputat, & curiosè singula scrutatur? Vt cùm de Fannio, de Tuditano, de Carneade & ea legatione Atheniensium, quæ Romam venit Oropi causa, quærit. Denique ubi Attici talibus quæstionibus respondentis iudicium audiisset, exclamat, Habeo à te munus elaboratum. Simul autem & hunc suum Fratrem Quintus simili ratione consulebat atque appellabat. Quintus Frater (inquit Marcus ad Attic.) me rogat, ut Annales suos emendem & edam. Sed & huic collegio adiungebatur Æmylius Probus, qui vitas excellentium Græciæ Principum & Ducum Latine scripsit ad T. Pomponium Atticum, ne non integra esset historia, quam illi tunc versabant, Imò verò & ipse Brutus accessit, cuius Epitomas historicas sæpè laudat Cicero ad Attic. Ecquid, cùm tales

in

in hisce studijs duces habemus, cō-
mouemur? Cicero pro Archia, Ple-
na est (inquit) exemplorum vetustas,
quæ iacerent in tenebris omnia, nisi
literarum lumen accederet. Quam
multas nobis imagines, non solum
ad intuendum, verum etiam ad imi-
tandum, fortissimorum virorum ex-
pressas, scriptores & Græci & Latini
reliquerunt? Quas ego mihi semper
in administranda Rep. proponens, a-
nimum & mentem meam, ipsa cogi-
tatione hominum excellētium con-
formabam. Hæc ille de se. sed non so-
lus. Equidem sentio me iucunda ho-
rum virorum recordatione longius
fortasse abduci à proposito. Verum
ab eo non sunt aliena quæ ad huiusce
studij contentionem commendan-
dam pertinent: & , si fortè meis in
hoc genere affectibus indulgens, non
solum recreor Ciceronis & amico-
rum eius, virorum clarissimorū, no-
bili exēplo: sed & quod eius memori-
a suggerit, lubenter repeto, credo

non iniustam videri posse causam
miscendæ & propè perturbandæ
nostræ orationis. Ergo & alterum in
eadem vrbe & Rep. hominum am-
plissimorum, eiusdem ætatis atque
etiam dignitatis, veluti collegium
ad historiam excolendam coniura-
tum, quod nunc occurrit, laudabo.
Dico societatem Sisennæ, Hortensij,
& Luculli, quæ & Ciceronem exci-
tasse atq; inflâmasse videtur ad ho-
nestissimam siue imitationem siue
æmulationem. Valeant III viri R. P.
C. illos III viros historiæ constitu-
endæ tã Reip. profuisse sentio, quàm
alij obfuerunt. Sisennam historicû
quanti fecerit Cicero, notum est. Si-
sennæ familiaris erat Hortensius,
ille (inquam) Hortensius, cuius elo-
quentiâ cum sæpè aliàs Cicero præ-
dicauit tum verò in suo de Philoso-
phia Dialogo, historiæ studium in-
credibile fuisse significauit: vt mira-
ri non debeamus si & cum historiæ
auctorem bonum, aliquândo laudet
ad

ad Attic. & illius Annales prædicet Velleus Paterculus libro secundo suarum historiarum. Quid de Lucullo dicam, qui etiam nunc adolescens, neque Sisenæ, neque hortensio in hoc studio cedere se gloriatus est; & utrumque tanquam sponsione & sacramento prouocare ausus est? Sed de eo postea fortasse videamus. Nunc ut ad Ciceronem, & ad id, unde sum digressus, reuertar, & quod instat, persequar. Fateor tam propè paucos superesse scriptores, qui Ciceronis secuti sint præcepta de ratione historiæ scribendæ, quam Oratores pauci fuerunt, qui ad perfectum ei⁹ Oratorem proximè accesserint. Sed qualescunque sint, qui supersunt; eos tamen si studiosè legamus, dabunt quam quærimus saltè materiam & informationem historiæ. Nam & qui aliud agere videtur, hoc faciet, si ijs rectè utamur. Neque postrema lectionis nostræ cura hæc esse debet. Nō scripsit Cicero, quam instituerat & meditabatur, historiam Romanam,

Sed ex reliquis eius libris tantum & lucis & ornamenti repeti atque referri ad illam potest, quantum ex alio quocumque historico scriptore. In quadam ad Lentulum epistola ait se se versibus tres libros scripsisse de suis temporibus. Iuuat, quinam illi fuerint, aut quando sint scripti, scire. Itaque liceat nunc mihi hanc inquisitionem interponere. Audiamus quibusdam videri eos esse libros, quos alibi ait se scripsisse de suo Consulatu. Sed eos, de quibus quærimus, potius crediderim scriptos post discessum Lentuli Procons. in prouinciâ hoc est, aliquot annis posteaquam de suo Consulatu scripserat Cicero de quo scripsisse videtur L. Afranius & Q. Metello Conss. Ac quidem cum de eo suum carmen passim decantari vellet, illos de suis temporibus versus, etsi ad Lentulum mittere non recusaret, vix tamē alioqui edendos esse putabat. Coniecerit fortasse aliquis fuisse *diendotēs* : quales sese pan-
gere

gere Theopompino genere, aut etiã asperiore, fatetur lib. II. ad Attic. vt intelligamus fuisse propè Satyricos. Sic enim & Theopompus in suis historijs multos asperè atquè acerbè notaverat. Sed & lib. XIII. ad Attic. significat Cicero, sese librum quendam ἀνεκδοτον perpolire, quem post mortem Cæsaris scripserat. Et Dio ei ascribit quoddam βιβλίον ἀπόρρητον. Vtinam verò quæcūq; vir ille de suis temporibus, quibus mirifica tuerūt in Rep. mysteria consiliorum, liberè scripsit, nunc euulgari possent. Nūc enim sine eius fraude scire possemus, quod valde nostra interesset nō ignorare. Asconius prætereà testatur eum scripsisse quendam librum, quem vocauerit Expositionem suorum consiliorum. An quicquam est, quod magis desideret expositio historiæ Ro? Magnum ergo in eius amissione damnum est. Sed nonne ex alijs eius scriptis quæ supersunt, repeti illa expositio utcunque po-

terit? Dixit olim Cornelius Nepos, eum, qui legit Ciceronis epistolas ad Atticum, non multum desiderare historiam contextam eorum temporum. Sic enim omnia de studijs principum, vicijs ducum, æmulationibus Reip. perscripta esse, ut nihil in ijs non appareat. Quid si accedāt aliæ ad alios eiusdem epistolæ? Scio multas intercidiſſe. Nam cū audiā eum scripſiſſe Epistolarum libros propè LXXX: nedemidiam quidem partem superesse video. Sed quantumcunque tamen est, quod est reliquum, si diligenter relegatur, quantum conferet? Et quàm esset sine eo subsidio non solūm ieiuna, sed & arida (nequid dicam grauius) historia Ro? Quamq; illo iudicio freti multa in Plutarcho, Appiano, Dione, diligētissimis alioqui scriptoribus, notare vici possumus? Quàm multa, quæ illi temerè præterierunt, obseruare? Itaque nuper mirificè sum recreatus, cū audirem doctissimum epistola-

epistolarum ad Atticum interpretem, & nobis & Reip. propterea pollicitum esse libros de mendosa historia: neque est quicquam quod ab eo magis elicere velim: ac, si ex spōsu vel pacto nudo & pollicitatione agere liceret, strictissimo iudicio vel præscriptis verbis agere hoc imprimis nomine instituerem. Neque verò ex epistolis modò, sed & ex Orationibus, & ex alijs Tullij commentarijs præclaram historiæ Ro. emendationem repeti posse sentio. quam sit aliqua cautio adhibenda, ne protinus rem æstimemus ex ijs, quæ fortè oratoriè dixerit, vt foro & causæ seruiret: vel studio partium, magis quàm sedato iudicio impulsus: vel etiã ex alieno stomacho potius quàm ex suo sensu. Nam & ipse pro Cluentio, Errat (inquit) vehementer, si quis in orationibus nostris, quas in iudicijs habuim⁹, auctoritates nostras cōsignatas se habere arbitratur: Sanè Plutarchus in suis vitis, histo-

historiæ auctorem sæpè & lubenter laudat Ciceronem. Eum tamen mē- titum esse in Philippicis, notat in Antonio, sicuti & Antonium ipsum in refutatione Philippicarum, de Cicerone dixisse quod planè falsum sit, indicat. Vt autem ex Ciceronis libris dico amplissimam & vberriamā historiæ materiā repeti posse: sic etiam ex aliorum scriptorum, etsi historicos se esse non profiteantur, commentariis excerpti multarum maximarum rerum testimonia possunt, quæ alioqui nos fugiunt. Itaque non possum non eorum, reprehendere negligentiam, qui cum historias requirunt, eò non respiciunt. Quid de libris aut chartis loquor? Nonne & veteres statuæ ac picturæ, & lapidibus aut nummis insculptæ inscriptiones, & denique quæ aulæis vel peristromatibus intexta sunt, historiæ argumentum vndique nobis suppeditant? Ergo, vt antea dixi historiam, & vniuersam & veram debere nos quærere:

quærere: sic iam dico consequi posse.
Et verò ni ita esset, non modò inanis,
sed & insana esset cohortatio nostra.
Sed quia vereor, quibusdam ad de-
sperationem propensis id persuaderi
vix statim posse: eos rogabo & obte-
stabor, ne desinant bene sperare, pri-
usquam in re præsentis senserint ni-
hil esse spei. Equidem etsi ingenio
meo nihil tribuam: neque sit fortas-
se quisquam, qui mihi, quàm ego, tri-
buat minùs: & deesse meo studio
propè omnia ad tantum opus neces-
saria existimem: tamen nulla me dif-
ficultas, quin ad id aggrediar, deter-
rebit. Nam etsi maxima facta sit bo-
norum librorum veterumque mo-
numentorum iactura: tamen ex tan-
quam ex naufragio superstites tabu-
læ sunt, quibus si innitamur, in tam
vasto Oceano nauigationem confi-
cere atque etiam ad portum appel-
lere poterimus: colligamus modò o-
mnia & cogamus studiosè, quæ sin-
guli scriptores sparsim tradunt. Scio
duces:

duces aliquando defuturos in obscuris & confragosis veluti scopulis: & eos qui præeunt, sæpè properando præterire multa, in quibus consistendum est: multa etiam confuse miscere, in quibus euoluendis sudabimus. Sed non profiteor sine magno labore cõfici posse quod instituiimus. Neque non memini, Plutarchum in Demosthene prudenter monuisse, eum qui historiam magnam conscribere vult, habitare debere in maxima ciuitate, multis doctisq̃ue viris & libris referta, ut quoties hærebit, habeat & quos consulat auctores, & quos rogare testes possit. Verùm etsi multis, quæ desiderarem, præsidiiis destitutar, tamen adsunt nonnulla, quæ me consolantur: quodque Dionysius Romæ se fecisse narrat, & alii olim eodem exemplo fecere diligentissimi scriptores, totum iam illud nobis partum paratumque est, cùm eorum commentariis vtimur. Nescio, debeamne hîc lugere monumenta,
quæ

quæ interciderunt, an ea potius prædicare, quæ supersunt. Sed iuuat admirari singularem Dei prouidentiam, qua factum est, ut & olim multis modis rerum præteritarum memoria conseruata sit, & testes accesserint, qui eam consignarent, & eorum consignata testimonia, saltem aliqua, quæ omnium ætatum historiam conseruarent, non perierint. Primis quidem aliquot seculis & literæ & scriptores defuisse videntur. Verum & sine literis conseruata est eorum memoria, atque etiam, quia per manus tradebatur, propagata. Quid dicam, multos populos scribi noluisse multa, quæ fidei memoriæ cuiusq; mandare & veluti imprimere volebant? Quid dicam, carminibus tantum, quæ ediscerentur, & cantionibus, quæ iactarentur, vulgata diu fuisse, quæ postea tandem literis consecrata sunt? Fateor tamen multa esse amissa. Cicero in Bruto, Utinam (inquit) extarent illa carmina, quæ multis

quæ multis seculis ante suam ætatē
in epulis esse cantitata à singulis
conuiujs de clarorum virorum lau-
dibus, in Originibus scriptum reli-
quit Cato. Quia talibus delicijs ve-
teres sua conuiuia condirent, histo-
rias quoque olim vocatas esse Bella-
ria scribit Plutarchus. Verùm etsi
obliuiosæ & mutę posteritatis silen-
tio sepulta multa perierint, tamen
non dubito pleraque in literas esse
relata: & quod Germanis (vt de alijs
nunc non loquar) olim accidit, mul-
tis populis accidisse. Cor. Tacitus a-
it, veteres Germanos ignorasse qui-
dem secreta literarum: sed antiquis
carminibus vsos esse, fuissēq; hoc v-
num apud eos memoriæ & Annaliū
genus. Vnde & lib. II loquens de Ar-
minio, Canitur (inquit) adhuc bar-
baras apud gentes, Græcorum An-
nalibus ignotus. Quid igitur tandē?
Eginhardus, bonus profectò eius rei,
quam dicere nunc volo, testis, de suo
Carolo magno, Barbara (inquit) &
anti-

antiquissima carmina, quibus veterum Regum actus & bella canebantur, scripsit memoriæque mandauit. Recitabo alterum non minus nobile exemplum. In nouis, hoc est, nuper repertis Indiæ Occidentalis insulis tam dicuntur esse homines illiterati, & literarum tamen, tanquam Deorum, cultores, ut cum audirent nostros ibi Christianos alioqui absentes sic inter sese per epistolas colloqui, ut alter alterum intelligat, epistolas illas clausas adorarint, in quibus dicebant inclusum esse aliquem diuinum internuncium Genium. Illi (inquam) tam illiterati homines multorum seculorum historiam suæ Gentis memoriæque conseruarunt partim quibusdam temerè effictis symbolis, ut Ægyptii notis Hieroglyphicis: partim suis cantionibus, quas alii alios docent, & in suis Choræis cantillant: quales Choros vocant Areytos. Nunc etiam audio nostros, qui illic habitant, in literas

K

referretalem & ex talibus carminibus repetitam historiam. Non dignarer illorum barbarorum meminisse: nisi si nostram nobis barbariem exprobrare maiorem illi possēt, si simus *avistētor*: & nos ab iis discere possemus atque deberemus diligentiam conseruandæ publicæ memoriæ. Nam & fas est ab hoste doceri, ut vetus Poëta dixit. Hic si quis me roget de primis historiarum auctoribus: dicam nostrum Mosē primum omnium & antiquissimum esse scriptorem. Nimis enim putidum est & ridiculū, quod Plinius nescio quem Pherecidem historiæ inuentorem primum fuisse fabulatur. Quid verò Mosēs, quem diuinitus excitatum fuisse non dubitamus? Is ab orbe cōdito vsque ad sua tempora historiam annorum propè bis mille & quingentorum, vt res erant in ea gente Iudaica notæ & peruulgatæ & perpetua veluti successionē abs parentibus acceptæ, literis primus consignauit

signauit ad sempiternam posteritatis memoriam. Citat ipse quidem aliquem librum Bellorum Domini. Sed Hebræi interpretes annotant id dici de libro, qui nondum scriptus erat, sed erat scribendus, & in quem referretur illorum Bellorum historia. Iam si quis mirabitur tot seculis orbem terrarum caruisse scriptore historico: tantò magis admiretur diuinum Mosis beneficium. Quid? Quingenti propè anni effluxerant ab vrbe condita priusquam seriò & diligenter conscribi atque contexti cœperit historia Romana. Nam Q. Fabium Pictorem, & L. Cincium Senatorem, qui primo bello Punico uiuebant, primos eius auctores laudat Dionysius. Ait quidem & ipsum Romulum descripsisse res à se gestas. Sed quales ij essent alioqui commentarii vel annales, nescio. Primam tamen illam historiam Ro. extare valde optarè, in qua primæ anti-

quiritatis simplicitas rudis appareret. De suo Pontificio iure Numa plures libros scripsit. Verùm in suo eos sepulchro defodit: & multis pòst seculis effossos Romani concremarunt.

Lib. 2.

Lib. 6.

Quid de reliquis illius vrbis monumentis dicam? Liuius ait, vsque ad urbem à Gallis captam raras fuisse literas: vnàmque fidelis memoriæ fuisse custodiàm rerum gestarum: ac si quid in commentariis Pontificum esset, id incensa vrbe periisse. Sed vt propterea extincta non est illarum memoria: vtque posteaquàm scribi diligentius fusiùsque cœpere res Romanæ, mirabiliter aucta atque exculta earum historia est: sic & antea exemplo Mosis sacram & diuinam summo studio persecuti sunt summi Prophetæ. Neque modò apud Iudæos: sed & apud Ægyptios, Chaldæos, Persas, Romanos, historiæ, tãquam rei sacrosanctæ, cura summis sacerdotibus mandata est: ipsique etiam Reges & Principes maximi, & doctissi-

doctissimi ac nobilissimi quique viri, hanc deinde susceperunt. Nam neque aliis temerè tantùm permittebatur, Neque sanè cuius licere hoc debet. Primus apud Romanos homo libertinæ conditionis, L. Octacilius Pompeii Magni præceptor, historiam scribere ausus est, quæ non nisi ab honestissimo quoque inter ingenuos scribi solebat, vt Cornelius Nepos ait. Quid dicam, quod Plinius lib. xxxv. narrat, perpetuo interdicto cautum fuisse, ne serui docerentur pingere, cum soli ingenui & honestiores hanc artē exercerent? Quàtò magis historiæ scriptione seruis aut vilissimis hominibus interdiciendum erat? Utinam itaque edicto aliquo perpetuo, homines inepti, futiles, vani, atque etiam intestabiles, & quibus nulla alioqui testimonii dictio est, repressi fuissent, tantùm sibi ne arrogarent, vt rei & maximæ & nobilissimæ & sanctissimæ manus illotas impurâsque iniicere audeiēt.

Antiquitatis nunc memoria melior, castior, castigatior esset. Conquerer, monachos postremis temporibus tantum sibi sumpsisse. Sed ut impudenter & stultè conficta & ineptè scripta ab iis multa esse fateor : sic non nihil nos iis debere agnosco, per quos factum est, ut eorum temporum aliqua, potius quàm nulla, extaret historia; quique quo tempore illius curam alii abiecerant, eam & susceperunt derelictam, & quoad potuerunt, susceptam sustinere conati sunt, ac fortasse res erant, quæ mèlioribus magisque politis scriptoribus dignæ non erant: ne non similes haberent labra lactucas; quanquam non fuerint omnes vel fatui vel rerum imperiti monachi, qui huic rei operam dederunt. Imò verò plerique maximis antea muneribus in Rep. perfuncti, in illam solitudinem secedebant, ut liberiori in ocio, sine quo historia scribi vix ac ne vix quidem potest, literis mandarent quod

quod in maximis negociis occupati, de Rep. didicerant. Fortasse rerum Ecclesiasticarum tales aliquis testes magis audiendos esse putaret. Ego verò in earum rerum historia conseruanda magis doleo veterem Christianorum morem non esse obseruatum. Habuit enim vetus Ecclesia delectos suos (ut Iuris verbo vtar) actuarios, qui & diligenter & bona fide colligerent publicaue auctoritate consignarent illarum rerum memoriam; & in suis Archiuis talia incorruptæ fidei monumenta, quæ tamen omnibus paterent, adseruauit. Hieronymus contra Lucif. recitans historiam concilii Ariminensis, de quo multi multa fingeant, Si quis (inquit) à nobis fictum putat, Scrinia publica scrutetur. Plenæ sunt Ecclesiarum arcæ, &c. Quid ipsi veteres Romani? Dio narrat olim ad Senatum Ro. relata fuisse, quæcunque in orbe Ro. passim gererentur memoria digna; eaque illius

auctoritate & mandato, publicis tabulis diligenter & bona fide inscripta fuisse. Cæsarum verò temporibus hunc relationis atque annotationis morem defuisse: multaque fuisse suppressa: & propterea seruientis illius Reip. historiam obscuram esse: liberæ autem liquidam & integram. Cæterum Cor. Tacitus fatetur res quoque ipsas, quæ tunc gerebantur, fuisse obscuriores atque humiliores: minusque propterea dignas maiori luce. Ac quidem lib. xvii, admonet, post pugnam Actiacam, atque omnem potestatem ad vnum collatam, magna ingenia cessisse, & historiæ veritatem pluribus modis esse infractionem, primum inscitia Reip. vt alienæ, mox libidine assentandi, aut rursus odio aduersus dominantes. Interea tamen libro xiii. significat scripta quædam tum quoque fuisse diurna acta vrbis (sic enim vocat) sed iis res viliores, sicuti Annalibus illustres, mandari ait: quanquam &
illam

illam (vt iterum appellat) diurnam
Actorum scripturam in suis Anna-
libus citet. In Dialogo de Oratore
laudat Muciani vndecim libros A-
ctorum: sed acta eo loco intelligit
causas in Iure & foro actas, præser-
tim publicas. Vt vt autem Dio sese
excuset, quòd temporibus Cæsarū
mos ille antiquus conservandæ me-
moriæ publicæ neglectus sit: tamen
nō omnino statim derelicta est hæc
cura & custodia. Quid? Tertullia-
nus noster, ille inquam Tertullia-
nus, veterum Ecclesiæ scriptorum
doctissimus, & omnium antiquita-
tum, historiārumque cognitione
clarissimus, sæpe laudat recondita
quædam Romanorū *ἀρχαία* & in ijs
latuisse significat multa ad Ecclesiæ
quoque Christianæ historiam valde
necessaria. Sed in Apolog. ad Roma-
nos, Consulite (inquit) commenta-
rios vestros: illic reperietis primū
Neronem in hanc sectam gladio fe-
rociūse. Et rursus loquēs de Eclipsi

quæ visa est, cùm est Christus crucifixus, Eum (inquit) mundi casum in Archiuis vestris habetis. Sed & libro quarto contra Marcionem a Romana Archiua custodire censum Augusti fidelissimum testem Domini natiuitatis. Denique aduersus Gnost. allegat instrumenta Imperij vbi de Petri & Pauli cæde agit. Si hæc tam diligenter inscripta Romanis Archiuis erant, quæ ne à nostris quidem Euangelij interpretibus satis explicari hodie possunt, quam tum uis alioqui multa de sacra historia in la tota commentantibus: quàm fuisse putamus diligentes & copiosiores tales Actorum commentarios? Et tamen autem inuidiosè suppressi, & tanquam Sibyllini libri in occulto habiti sunt. tamen Tertulliano ad eos excutientes & peruolutandos aliquis aditus patefactus fuisse videtur. Nunc cùm ij planè interciderint, nulla esse potest tam curiosa nostra diligētia, quæ quicquam elicere ex ijs possit. Se

non omnia omnium vel Rerumpu-
blicarum vel ciuitatum siue Archi-
ua siue polyptycha (sic enim in Iure
quoque nostro appellatur) perierūt:
quæ quidem si pateant historicis, v-
berem profecto materiam historiæ
suppeditabunt. Ac lubenter quidem
fatemur atq; etiam prædicamus no-
bilissima & amplissima eius generis
supersse *κειμελίαι* & instrumenta
Regni Francici, & Curia Senatúsq;
Parisiensis: vt & antiquitatum re-
rumque Ecclesiasticarum scrinia ma-
gna Romæ in Vaticano adseruari au-
dio. Rogamus verò eos, quibus hæc
patent, vt cum alijs communicent,
quæ omnium interest nō ignorare, &
historiam tali tantâq; accessione or-
nent: & vt Plutarchus Delphicos &
Laconicos commentarios in suis vi-
tis atq; historijs sæpe citat, liceat no-
bis nostrarum ciuitatum vti monumen-
tis. Vt vno verbo dicā: Magnæ & vbe-
res sunt reliquæ veteris memoriæ, si
ijs ipsi nō defuerimus. Nō sum obli-

tus, quod paulò antè dixi. Fateor iterum, quod sine magno dolore facere nō possum, magnā veterum & monumentorum & annaliū & historiārum partem intercidisse. Nam etsi tantum numerarem eos historiarum scriptores, quorum vel Plutarchus vel Athenæus passim meminit, sentio factam esse incredibilem iacturam. Cæterum hoc quoque accidisse video, ut pleraque tum demum interciderint monumenta, cum ab alijs, qui nunc extant, scriptoribus eadem essent repetita, eademq; iam res ex aliorū libris in alios libros translatae, magisq; etiam expositae in posterioribus essent. Plutarchus in minoribus suis Parallelis recitans antiquissimas Rom. historias, testes tantum citat rerum Italicarum libros Græcè scriptos ab Aristide Milesio, Alexarcho, Agesilao, Aristobulo, Alexandro Polyhistore, Aristocle, Theotino, Theophilo, Dorotheo, Dositeo, Decyllo, Clytonymo, Crypsippo.

sippo. Hi nunc omnes auctores interierunt. Sed an ex ijs Plutarchus quicquam recitat, quod nos ex alijs, qui extant, copiosius repetere nō possumus? Idem Plutarchus in alijs suis Parallelis, hoc est, illustrium virorum vitis, quæ Græcam, Latinamq; historiam describunt, auctores plus quam ducētos, ex quibus illam collegerit, laudat. Si dixero, ne decimā quidem eorum partem nunc extare, non mentiar. Sed ipse Plutarchus, quod alioqui ab ijs iam frustra requirimus, suppeditat. Ne illos quidem Plutarchi libros integros superesse scio. Sed alii, qui supersunt, eos supplēt. Mirabilis profectō est quædam in hoc genere pugna eorum, quæ obliuionem parere, & eorum, quæ memoriā rerum gestarum tueri conantur. Plinius ad Tacitū, Auguror (inquit) historias tuas fore immortales. Vtq; non esset vanum hoc augurium, Imp. Tacitus eas multis exemplaribus descriptas iusserat ad-

fervari in publicis bibliothecis. Ipse Dion narrat sese ad historiam scribendam diuino quodam somnio confirmatum fuisse, cum ex eo intellexisset, illam, quam scriberet, nullo unquam tempore esse perituram. Perierant tamen Taciti & Dionis commentarii, vixque tandem aliqua eorum pars reuixit & ex suo sepulchro eruta est. Sed quod planè periit, nonne aliunde sarciri & aliorum libris compensari potest? Nihil attinet nunc ostentare superstites bibliothecas, quæ nos bene sperare iubent. Sed ut Plinius scripsit se suorum temporum historiam orsum esse à fine Aufidij Bassi: sic dicere possum Herodotum à fine Prophetarum, Thucydidem à fine Herodoti, Xenophontem à fine Thucydidis. Historiæ Ro. primam partem Dionysius præcipuè suscepit, professus se eius historiæ scripturam producere velle usque ad initium primi belli Punici. Secundam Polybius antea susceperat: postea Liuius tertiam
poti-

potissimum explicare voluit. Et si autem maxima horum scriptorū pars nunc interierit, tamen potest & hæc lacuna repleri, & hoc sarciri damnum. Tacitus non procul à fine Liuij suos Annales orditur, Marcellinus à fine Taciti, hoc est, à principatu Neruæ, vt Herodianus ab exitu M. Antoni, in quo desierat Dio. Quid pluribus verbis talia successionis continuæ exempla in alijs scriptoribus commemorem? In re præsentī multò id commodius diligentiusque ostendero. Nunc dico, ne tēpora quidem literis omnibus inimica potuisse nobis earum præsidia eripere, & historiam sic certasse cum barbarie, vt hæc illam opprimere non potuerit, vt huic illa minimè cesserit, denique vt hanc illa veluti in triumpho circumduxerit. Ne rursus longior sim, breuiter delibabo tantum posteriora. Qualescunque reliquæ nobis relictæ sunt (hoc enim dicendum iterum est) historiam satis integram

conflare vtcunq; possunt, si abs singulis scriptoribus singula corrogando, omnia peruestigemus, & quod singuli conferent, aptè colligamus atque coniungamus. Nam & diligentiam perquirendi, & artem quandā quæsitis rectè vtendi, necessariam esse profiteor. Vtraque verò si adsit, tum certè magis atq; magis admirabimur vtrunque illud, quod antea dicebam, hoc est, & veterum omnibus seculis historicorum, qui in hoc genere scriptionis, tanquam in acie alij alijs successerunt, & quasi in decursu lampada acceperunt abs decedentibus, continuam atque conspirantem fuisse contentionem; & post tantam barbarorum temporum tēpestatem, atque adeò literarum vastitatem, tantum esse reliquam veterum monumentorum. Post mortem Constantini, Imperio partim diuiso, partim aliò translato, & nescio quò abductis legionibus inundare cœpit illa barbarorum colluies. Nonne mirum

mirum est tunc nihilominus historiam diligenter esse conscriptam, sed & quæ tunc conscripta fuit, ad nos peruenisse. Quid? Valens Imperator in Oriente domi & foris cælum terræ miscebat: & nihilominus alii historicos, qui etiã eum Græci essent, Latine nobis exponant quod quærimus. Nullis liberalibus studiis eruditum fuisse faretur Ammianus Marcellinus libro xxxi. Iubet tamen, ut Eutropius res Romanas ab vrbe condita vsque ad suam ætatem colligat. Id non ineleganter præstat Eutropius: cuius etiam nū extat (ut appellatur) Breuiarium. Cū ad suæ ætatis historiam peruenit, ait sese eā maiore stylo dicendam reservare ad maiorem scribendi diligentiam. An id quoque præstiterit, ignoro. Sed bene habet. Eodem tempore in eadem aula vixit Ammianus Marcellinus, qui cumulatè hoc præstitit, homo quidem militaris, sed tam literatus miles, tamque veterum literarum

studiosus, vt nihil non peruestiget. Nam & quod in Gallorum monumentis incisum fuerat de eorum antiquissima origine, legisse se ait libro xv. Deniq; (vt vno verbo dicam) diligentissimus scriptor est. Est quidem scabra eius, hominis nempe Constantinopolitani, oratio Latina: sed rebus est doctis referta, & variam, multiplicem, reconditamq; lectionem includit, & verò historiam, quā alius non exposuerit, copiosè explicat. Denique hūc Marcellinum cum Tacito, à cuius fine, vt dixi, orsus suam historiā est, cōparare ausim: & cū antea Tacitum cum Liuiio tantum habere similitudinis dixi, quantum vnus cum alterius habuit Resp. nūc multò magis dixerò Marcellinū Tacito non esse dissimilem: esse tamen vberiozem. Iam verò si eius cōmentarios superstites de temporibus Cōstantij, Iuliani, Valentiniani Valensque coniungamus non modò cum ijs, quæ ex legum libris repeti possunt,

possunt, sed & cum Ecclesiasticis eorum temporum monumentis, quæ plurima etiam sunt: certè maxima illius historiæ materia memoriæque nobis occurret.

Post mortem Theodosij barbaries magis atque magis grassari cœpit, quæ vrbe eversa, in Italia rerum posita est: & ecce ex Africa Augustinus magna nobis præsidia summittit. Incitavit enim suum Paulum Orosium, ut ab orbe condito ad sua usque tempora perpetuæ historiæ memoriam renouaret. Quid dicam, ipsam Theodosij et uxorem Eudociam, scēminam doctissimam, & Atheniensi philosopho patre dignam filiam, & Imperatoris maximi coniugio dignissimam virginem, Heroicis versibus Persica mariti bella elegantissimè descripsisse? Si ad Iustiniani nostri tempora transeam, occurrent Procopius & Agathias: & ijs proximus Euagrius, qui historiæ Ecclesiasticæ

manuscriptum

παράλειπόμενα persecutus est abs Theodosio secundo, vsque ad Mauricij Imperium: quibus profectò temporibus tristissima Reip. facies fuit. Sed fortasse in Oriente quidem adhuc aliquid literarum & lucis superfuit: In Occidente verò omnia erant densissimis tenebris sepulta. Equidem negare non possum obscurum esse chaos. Sed in ea quoque caligine conati sunt quidam memoriam suorum temporum posteritati relinquere. Atque hîc quidem mihi in mentem venit ille Leo, magnus, vt videtur, vir in aula Tholosana Regis Gothi. Is hortatus erat Sidonium Apollinarem, qui tunc in Gallia vnus erat literis & eruditione præstantissimus, vt historiam eius temporis scriberet. Sidonius sapientissimè iudicans, quorû potissimùm sit hominum, historiam scribere, respondet, ipsum Leonem id potius suscipere debere & præstare posse. Quotidie namque (inquit) pe-
poten

potentissimi consilia Regis, totius sollicitus orbis, pariter eius negocia, iura, fœdera, bella, loca, spacia, merita cognoscis. Vnde quis iustius sese ad ista succinxerit, quàm ille, quem constat gentium motus, legationum varietates, facta ducum, pacta regnantium, tota denique publicarum rerum secreta didicisse? quique præstanti positus in culmine, nec necesse habet vel suppressere verum, vel concinnare mendacium? Utinam verò hic Leo hanc historiam nobis reliquisset. Nam cum vir talis fuerit, dignissimus erat, qui illi rei se dederet: & ea tunc erant in hoc Occidente tempora, quorum memoriam valde requirimus propè alioqui amissam. Quàm multa, quæ ignoramus, cognoscere possemus de Regni Francici initiis, de quæ Gothici in Aquitania atque Italia statu? Nam probabile est Leonem illum, cum Alarici Tholosani Regis consilia regeret: & Theodorici, qui socer Alarici fuit, & Clodouei

douei Franci, cuius filiam duxit Alarici filius, consilia cognouisse, & re maximas tunc ab illis tribus magni Principibus gestas, quæ nunc obscura obliuione sepultæ sunt, illustrare potuisse, Neque tamen contemnendum est, quod ex Sidonii epistolis elicari potest, quantulumcunque sit illud. Factum verò deinde est, vt cum viri togati in Reipublicæ gubernatione occupati hanc curam non susciperent, quæ tamen ad eos magis pertinebat: ipsi monachi, ociosi homines, vtrò ad eam rem sint aggressi. Ac Sidonius quidem verecundè responderat, eam abs suo ordine (erat autem Episcopus) valde abhorrere. Sed monachi cogitarunt satius esse aliquam, quàm nullam historiam contexi. Nihil nunc dicam de Cassiodoro, primùm Consule & Senatore, deinde monacho: quem omnes fatentur plurimum ad hanc rem contulisse. Sed habenda etiam gratia est ipsi Gregorio Turonensi Archiepi-

chiepiscopo , qui Francorum Regum ante Caroli magni tempora res gestas, vt potuit, descripsit. Habenda est gratia Annonio monacho , qui postea eandem historiam suscepit, & ad suam ætatem vsq; perduxit. Quid dicam de Beda , qui suorum Anglo-saxonum Britannicam historiam collegit? Quid futurum erat , si temporibus illis non affulissent tales historici, qui nobis etiamnum de rebus illis multa quærentibus vtcunq; respondeant? Atque hoc quidem exemplo plures deinde eius ordinis scriptores excitati sunt, qui Carolo Magno, eiusq; posteris adfuerunt: quorum monumentis tam nunc carere non possumus, quàm vtimur perlubenter. Paulum Varnefridum Diaconum Aquilegiensem Longobardum Longobardicarum rerum scriptorem. Carolus Magnus euerso Longobardorum regno, eorumque Rege Desiderio capto , aluit , propè vt olim Vespasianus

Iose-

Iosephum : eundemque nihilominus filia Desiderii impulit, vt ad Eutropium libros duos appenderet: & abs Iuliano historiam produceret ad nostrum vsque Iustinianum, hoc est, vsque ad principium regni Longobardici. Quis non agnoscit, quantum & huic propè monacho debeatur eorum temporum historia? Quid dicam de Eghinardo, qui sui Caroli Magni, cuius Cancellarius fuisse dicitur, vitam descripsit? Contemniāt, qui volent, talia auxilia, & (si etiam velint) fastidiosè respuant. Ego in deserta solitudine duces, ne monachos quidem, contemnā, quibus aliquam veluti facem præferentibus vtcunque conspicio, quod alioqui planè non viderem. Fateor tribus ante & post Carolum seculis historiam Francorum Regum valde obscuram videri, cum barbaries in Gallia veluti reuocasset veterum Druidum morem, qui res suas literis non mandabant. Sed tantò magis colligendum

gendum est, si quid sit scriptum: & spero fore, ut ex illius nobilissimi regni Archiuis aliquando plura eruatur. Interea quosdam, qui se alioqui in solitudinem abdiderant, nobis occurrere indices & testes eorum temporum, æquo animo patiamur. Et cur tandem nobis etiam non gratularemur, vnum inter eos Abbatem Vspersensem anno M. CC. extitisse, qui fideliter collegerit illam barbarorum in Germania temporum, suorumque Imperatorum historiã, in qua alioqui caligaremus? alterumque in Hispania Rodericum antistitem Toletanum paulò post idem fecisse? Saltem suæ gentis memoriam aliquam nobis reliquisse. Sint licet rudes tales commentarii, tamen quædam (ut ita dicam) faculæ sunt, quæ efficiunt, ut in ea obliuionis profunda nocte, in qua cæci planè essemus, aliquid videamus. Græci & politiores & fœliciores in hoc genere semper fuerunt. Ventum erat ad an-

M

num M. LXX. cū in Imperio Cō-
stantinopolitano ipse Patriarcha Io-
annes Xiphilinus, Dionis Græcam
rerum Ro. historiam nobilissimam,
non modò in lucem reuocauit, sed
& eleganti epitome, vt memoria fa-
cilior esset, exornauit, cū aliæ na-
tiones vix vllam tenerent earum re-
rum memoriam. Cumq̃ue ad suam
vsque ætatem historiam non perdu-
xisset: ecce statim Zonaras, mona-
chus ille quidem, sed doctus & lite-
ratus monachus, & maximis in Im-
perio Constantinopol. muneribus
antèa perfunctus, persequitur, quod
Xiphilinus dereliquerat: & vniuersæ
historiæ ab orbe condito non inele-
gantes epitomas concinnat. Desiit in
suo Imp. Alexio Comneno: nec satis
diligenter exposuisse visus est illam
sui temporis historiam: quo tamen
tempore Occidens cum Oriente
congressus, & vterque veluti orbis
concurrent, magnam & illustrem
historiæ nouæ materiam suppedita-
bat.

bat. Sed anna Alexii illius filia, fœmina eruditissima, tanti dux fœmina facti, libris xx. suæ Alexiados, paternam historiam ita describit atque illustrat, ut eius ætatis & Imperii & Orientis statum liquidò etiamnum conspiciamus: & alteram in Anna Eudociam, vel potius maiorem gloriam maiusque decus admirari cogamur. Eant nunc, qui suæ ignaviæ, barbarorum temporum, tenebras obtendunt. Vix me continere possum, quin exclamem,

*Vos etenim iuvenes animos geritis mu-
Illaque virgo viri.* (liebres,

Certè ut Romanis olim Imperatoribus, & Persicis Regibus turpe & pudendum fuit aliquando vinci ab una muliere Zenobia, barbaris illis temporibus, quibus Valerianus & Gallienus, serviebant dicam an imperabāt? Sic pudorē ignaviæ iis incutere eadem debuit, quæ etiā Romanos historicas literas Romę docebat. Certè Trebellius Pollio scribit, tam

peritam Alexandrinæ atque Orientalis historiæ fuisse, vt & eius epitomas conscriberet. Neque dubito, quin eo studio animum illum suum plusquàm virilem, & admirabilem prudentiam in rebus gerendis, atque in aduersis, ipsaque adeò captiuitate inuictam constantiam confirmarit. Sed cùm legimus Annæ Alexiadem, an non multò magis nos nostræ ignauix puderet? Interea bene habet: obscurissimorum temporum lucem inde, vnde minimè sperassemus, nobis affulgere. Vt autem Anna Zonaram veluti excepit, sic Zonaram cōsecutus est Nicetas, Nicetam Calchondylas: vt iam de aliis eorum temporum scriptoribus Græcis, qui nondum prodierunt, non loquar. Sed ne illis quidem nostri Occidentales, qui tunc Asiam & Syriam victores peruagabantur, in hoc genere cessare. Post Gotifredum & Balduinos duos, primum & secundum, Reges Hierosolymitanos maximis rebus gestis

gestis nobilissimos, nonne etiam laudantur Balduinus tertius, & huius frater Almaricus, & Almarici filius Balduinus quartus, quòd Iuris & historiarum essent studiosissimi? Nonne liberaliter aluerunt Gulielmum illum nostratem, qui postea Archiepiscopus Tyrius fuit, & quem Balduinus quartus præceptorem, deinde Cancellarium habuit? Nonne historicum lumen Orientis esse iusserunt? Nonne Amalricus ille Balduinorum filius, frater, pater, factus quoque Rex Hierosolimitanus curavit ab illo conscribi ignotam alioquin nostris, Orientalium Principum integram historiam annorum DLXXV. ei que ad tantum opus Arabicos etiam libros maximis sumptibus comparatos suppeditavit? Nonne & ille Tyrius suorum Principum admirabilem, quæ etiamnum publicè extat, historiam abs Gotifredo per annos LXXX. fidelissimè contexuit? Factum id est, cùm ad annum Christi mille-

non ignobiles extant) totam illam
Indiam & Tartarorum Imperiū no-
uum & admirabile, quod perlustra-
uerat, domum reuersus describeret:
cū illius & historiam, quam in re
præsenti cognouerat, recitaret, & ci-
uitates amplissimas literis & legibus
excultas, & ipsam Regiam aulam pi-
cturis historicis insignitam esse nar-
raret: deniq; cū illius Cublaii ma-
gni Chami ad Pōtificem Romanum
epistolam adferret: credo, nostrorum
studia inflammauit. Cū olim non
dissimili exemplo accidisset, vt Ta-
probanæ insulæ Rex Legatos Romā
misisset ad Imperatorem Claudium,
Romani magna cum admiratione
audiuerunt tales noui veluti orbis
testes atque nuncios: neque non
Plinius quod illi Legati retulerunt,
in suæ historiæ commentarios po-
stea retulit. Maius autem quip-
piam fuit, quod de Paulo Vene-
to nunc recitauī: neque profecto
minus admirabile est, nostra ætate,

*Lib. 6. cap.
22.*

non solum ab Abissino Rege Æthiopix, sed & ex Themistitana ciuitate nouæ Indiæ Occidentalis, tanquam ex altera Cantu Legatos Romam appulisse cum suæ Reipublicæ literis atque commentariis. Vbi tales stimuli nostros urgebant, certè nullus desidiæ locus relictus fuit. Quid ergo interea nostra Europa? Non est iam necesse pluribus verbis dicere, quantum infelix elaborarit, vt cum magna literarum, doctorumque hominum penuria laboraret, tamen res suas ab obliuione vindicaret. Nō est necesse omnes commemorare, qui proximorum saltem annorum CCC. memoriam, historiamque nostrorum Regum & Principum diligentissimè & simplicissimè exposuerunt, homines fortasse impoliti, sed quò minus simulationis aliquo artificio eruditi, tantò magis ad veritatis testimonium idonei. Neque tamen defuerunt doctissimi atque literati homines, qui tandem perpolirent,

lirent, quod illi priores informarāt. Certè etsi tantum consideremus, ecquid vna nobis Italia suppeditet: neque Blondi Flauij subsidia, qui historiarum ab inclinatione Romani Imperij libros xxxi. edidit ante annos centum: neque qui illum confectus est, Antonij Sabellici Enneadas & Decadas: neq; huius vehuti successores duos, Petrum Bembum & Paulum Iouium: neque illius, qui Britanniaë datus est, Polydori Anglicam historiam: neq; Pauli Æmilij cōmentarios de rebus gestis Francorum, quisquam literatus cōtemple-rit. Sed clarissimorum virorum labores in re præsentī laudabimus. Illud modò, quod vt video, longius me abduxit, dicere volui: non deesse scriptores, non monumēta, non memoriam, non lumen, vel in tenebri-
cosis temporibus, vt quod suscipimus, bona cum spe persequi possimus. Vbi factum aliquod historia verè & fideliter narrauit, protinus

N

(vt in testimonijs fit), quæri solet ac debet de tempore & loco. Nam neque alioqui integra narratio esset. Ac temporis quidem magnam rationem imprimis habent, qui scribunt Annales aut Diaria. Sed historia sæpè non requirit tam minutâ & scrupulosam Chronologiam; neque tam exiliter aliquando diuidi se patitur: neque semper diem & Consulem habet. Verùm cōfusè omniâ miscere, nunquam licet: & quantum potest, fugere historicus debet ὑπολογίαν. Est quidem plusculum difficultatis in cōparatione τῶν συγγραφέων. Sed fuit olim multò plus fortasse, quàm sit hodie. Sanè Plutarchus, vt in Lycurgo valde laborat, sese vt euoluere possit: sic in Solone ingenuè fateretur, rem esse tam variè iactatam, vt diu multi in ea componenda atque concilianda frustra sudarint. Verùm tanto magis ætati nostræ gratulari debemus, & doctissimis hominibus gratias agere, qui talia fœliciter expli-

explicarunt. Athenæus ipsum Platonem, atque etiam Xenophontem grauitè accusat, quòd quorundam tempora sæpè notauerint falsò & imperitè: vt & Thucydides Hellenicum. & Dionysius Fabium Pictorem, & alij alios. Sed & Cicero scriptores quosdam meritò reprehendit, qui Numam Pythagoræ discipulum fuisse aiebant, cum Pythagoras aliquot post Numam seculis primum natus sit: vt tantò magis mirer Ouidium in eodem errore tanquam in luto hæsisse. Sunt ij quidem certè ridiculi & fœdi errores. Sed cum magnos alioqui & doctos viros ijs subinde implicari videmus, intelligimus nos cauere nobis debere. Hic mihi venit in mentem, quod idem Cicero in quadam oratione pro Gallio lepidè narrat. Non extat illa oratio. Sed Hieronymus ad Nepot. loquens de imperitis concionatoribus, ex illa recitat, quod iam recitabo. Qui-

N

dam (inquit Cicero) poëta nominatus, homo perliteratus, cum facit Euripidem & Menandrum inter se, & alio loco Socratem & Epicurum differentes, quorum ætates non annis, sed seculis scimus esse disiunctas: quantos is plausus & clamores mouet? Multos enim condiscipulos habet in Theatro, qui simul literas non didicerunt. Scitè profectò & salsè Cicero. Sed quantos cachinnos, & quales sannas in consessu doctorum hominum excitaret tam ridicula *ἀνισογενεσία*? Atqui non modò indocti illi concionatores, de quibus agit Hieronymus, sed & doctissimi in Ecclesia doctores miserè se & alios nimium credulos in hoc genere aliquando fefellerunt: vt Epiphanius, cum de Iustini Martyris ætate agit: & Socrates ille Ecclesiasticæ historiæ non ignobilis auctor, cum de Polycarpo. Quid dicam de ipso Augustino, qui disputans de historiæ utilitate, ait Ambrosium contra Platonicos,

*Lib. 2. de
dog. Christ.*

cos, qui nostros à Platone omnia didicisse fingeant, dixisse, Platonem temporibus Hieremiæ profectum esse in Ægyptum? Ac quidem alibi agnoscit se memoria lapsum esse, cum illud Ambrosio tribuit, Sed an alioqui tandem vidit satis, quàm fuerit Plato posterior Hieremia? Vidit. Nam scribit Platonem natum esse post Esræ tēpora. Et verò Pagani nostros talibus de suorum auctorū antiquitate disputationibus tam valde exagitarunt, ut Christiani tandem coacti sint τῶν ἁγωνιστῶν studio magnā operam dare. Quod & Clemens Alexandrinus, & postea Eusebius sedulò fecerunt: & qui eos consecuti sunt, tam id diligenter sunt persecuti, ut iam minimè requiram illius Castoris Rhodij veteres commentarios, qui dicitur scripsisse τῶν ἁγωνιστῶν ὁ γνῶμας τε. Sed quia multos video nihilominus inscita quadam præcipientes sæpè in hoc genere labi, cogor, meos, ut sibi caueant, monere. Pu-

*Libr. 2. Re-
tracta.*

*Lib. 18. de ci-
uitate Dei.*

det profectò me, cùm Bartolum & Paulum Castrensem, nobilissimos iuris interpretes, lego, de Papiniani & Diocletiani ætate ad quarundam legum conciliationem ineptissimè atque adeò stolidissimè non tam loqui, quàm nugari. Verùm bene habet : vix vllus hodie in schola tam puer est, quem ferulæ metus non docuerit meliora chronica.

Sed neque iam in Cosmographia, Geographia, Chorographia, magis quàm in Chronologia, facilè aliquis vel peccauerit vel aberrauerit. Adeò tabellis omnia sunt ad viuum expressa. Lepidum est, quod nasutus ille Lucianus ait, sese delira stulticia fatui cuiusdam Historiographi, ex Græco factum esse Babilonium, patriamque suam ab Hellesponto auulsam, cùm ipsis mœnibus & turribus & vniuerso populo translata esse in Mesopotamiam. Si quis tam absurdè peregrinetur, taliæque monstra non tam somniet, quàm

quàm affirmer, illud attonitus exclamabo.

*Et Ararim Parthus bibit, & Germana
Tigrim.*

Dicerem iterum vix quenquã iam posse in tales errores incidere. Sed cum superioribus annis legerẽ hominis doctissimi & acutissimi & hac ætate cautissimi cõmentarios quosdam, in quibus ille, quod Eusebius scripsit de Pella ad Iordanam, docẽdo transfert ad Pellam Macedonicã: sensi nostros iterum monendos esse, videant, ne tam inscitè orbem terrarum reuoluendo inuertant.

Cicero ad Attic. narrat sese instituisse scribere de Geographia magnũ opus, cum in Ægyptum proficisci cogitaret. Sed vt hæc eius peregrinatio impedita fuit, sic & scriptio illa Geographica fuit abrupta. Cæterum non multò post Roma Strabonem aluit, qui cum magnã orbis partẽ peruagatus multorũ mores vidisset & vrbes, Geogra-

phiam cū historia coniunxit, & scitissimè expressit. De alijs, qui secuti eum sunt, & eidem studio magnam operam dederunt, nunc non loquar. Facere tamen vix possum, quin Pausania mentionem faciam, qui Imp. Adriani temporibus Græciam curiosè perlustrauit, & paulò antè quàm ea tota cōcideret, studiosè quicquid in ea erat memorabile, notauit atq; collegit. Neq; verò quā aliquo Strabonis vel Pausaniæ exemplo, rationē & viam historiæ pertractandæ secutus est superioribus annis Raphaël Volaterranus, nunc eam imitari vellem. Non enim historiam, vt regiones & prouincias, diuidere possum: & illa modò huc, modò illuc nos cogit discurrere: neque vni loco affixa, neq; in vna regione semper est inclusa. Certè aliud longè est, Geographiæ aliquam historiarum memoriā aspergere: aliud, historiæ perpetuæ Geographiam veluti appendicem subiicere.

Postea-

Posteaquàm historia factum aliquod descripsit cum suis circumstantijs, etsi eam liberali custodia septam, vellem, cingeret omnium literarum eruditus quidam chorus: tamen Rhetores novos, ad id, quod recitatum erit, exaggerandum non inuitabo. Nam amplificationes atque excursions ociosorum hominum, qui, vt poëtæ & pictores, quid libet audendi atq; fingendi potestatem sibi arrogant, non minus quàm ineptas allegorias ineptorum concionatorum, præcidendas esse sentio. Vtaturijs vel in scena ludiones, vel in concione declamatores. Ego historiam castiorem & verecundiorem esse opto. Ac, si quod Cicero in Bruto scripsit, concessum est Rhetoribus, vel in historijs mentiri: vellem talē planè Rhetoricam hinc facessere. Nam & memini, quod idem Cicero ad Attic. seriò scripsit, alia esse scripta ἱστορικὰ alia ῥητορικά quòdq; nō modò Cicero, sed & Liuius graui-

ter conquestus est, funebres veterum orationes reddidisse historiam mendosam. Denique non raro mihi in mentem venit, quod idem Cicero alibi verè scripsit, alias in historia leges obseruandas esse, alias in poëmate: cum in illa ad veritatem quæque referantur, in hoc ad delectationem pleraque. Neque tamen non agnosco olim quoque fuisse quosdam poëtas historicos: neque Lucanum, cum bellum ciuile, aut Silium Italicum, cum bella Punica narrat, repudiauerò: ac ne historiam quidem aliquando in tragœdiam transformari, & in scena agi recusauero. Denique & Panegyricis Veterum vtar non nunquam, vt cum de Diocleriano, Constantino, Theodosio narrant, quod alijs monumentis prodictum non est. Sed vt est aliquis in hoc genere modus, sic & cautio, quæ necessaria est, adhiberi debet. Potius verò quam indulgeamus ludicris
& ocio-

& ociosis alicuius facti amplificationibus, alia sunt, quæ nos alio vocant, seriæ quæstiones.

FR. BALDVINI,
DE INSTITVTIONE ET
VNIVERSE HISTORIÆ,
eius cum Iuris prudentia
coniunctione,

ΠΡΟΛΕΓΟΜΕΝΩΝ

Liber secundus.



SÆPE mirari soleo, multos, qui historias legunt, has veluti ludendo, ita percurrere, vt neq; quem ex ijs fructum legere possint, sciant: neque quid ad talem lectionem ipsi adferre debeant, vnquam cogitent. Credo, eos ad illas non accedere nisi inanis alicuius oblectationis causa, quæ se & suum tempus fallant. Sed hoc,

hoc, quid aliud, quàm nugari, est? Quid nos? Cùm profiteor agere me velle de institutione historię vniuersę, deque huius cum Iurisprudencia coniunctione: sentio hanc Iurisprudenciam, illius quoque vniuersitatis partem esse. Videndum verò est, cur hanc societatem requiram.

Vbi factum aliquod historia recitauit, excutiendum nobis illud iterum est: & de Iure ac vsu est quærendum. De facti Iure dico: hoc est, an quod factum esse dicitur, iustum, bonum, rectum sit, & ad exemplum propterea trahi possit: an verò sit iniustum, & propterea dammandũ atq; fugiendũ. Sic enim vocari in iudiciũ debet. Audio, quod multi dicere solēt, moralẽ philosophiam cum historia esse coniungendam. vt quod illa præceptis agit, hæc agat exemplis, præsertim cùm vbi de officiis agitur, præcepta propè inania sint, si exemplis non confirmentur, animoq; nostro non infigantur. Lau-
do

doe quidem hanc, quam vocant, ethicæ doctrinæ & historiæ societate. Sed longius progredior, & Iurisprudentiam aduoco: quanquam & hæc quædam esse dicatur pars philosophiæ moralis. Sed quia Cicero non temerè admonet, aliter philosophos, aliter leges iudicare de Iure vel officiis: non temerè est, quod Iurisprudentiam quoque hîc audiendam esse dico. Certè si in legum lectione & interpretatione dicere solemus, artem æqui & boni esse necessariam, ut & Iure scripto rectè utamur: multò magis, quod ex historia profertur exemplum, ex lege æstimandum atque iudicandum est. Nam & videndum est, ne nobis imponat, quæ multis sæpè imposuit, κακὸς ζημία: neue aut privilegium pro lege, aut factum pro iure temerè accipiamus: aut deniq; cum facto Ius confusè misceamus. Hîc ergo quæstiones Iuris abs quæstionibus facti discernendas esse dico. Sed rursus ea in re, cum historias legimus,

mus, magnam cautionem adhibendam esse sentio. Interdum enim tale factum est, & eius est auctoritatis, ut nihil prætereà quærendum sit, quia pro iure & lege illud omnino sit habendum. Interdum rursus legis nomen occurrit, ubi tamē iam non ius, sed factum agnoscere debemus. Rectè sanè noster Proculus admonet, spectādum esse non solum quid Romæ factum sit, sed etiam quid fieri debeat. Quod autem de iis quæ in Vrbe publicè fiunt, ait: de iis, quæ fiunt in orbe, multò magis dicendum est. Sed sapienter, religiosè, & temperanter iudicandum est de more Maiorum. Vetus etiam illud est, legibus, non exemplis iudicandum esse. Verùm & exempla quædam legum vim habent. Sunt denique nonnulla, quæ (ut Veteres loquebantur) non more fiunt. Ut igitur hæc & eius generis reliqua, quibus referti sunt libri historici, rectè diiudicentur: ad certum Ius recurrendum est, &
cum

cum historia coniungenda est Iurisprudentia ; illam dico Iurisprudentiam, quæ est, esseque debet, qualis esse dicitur, rerum diuinarum atque humanarum noticia, iusti atque iniusti scientia. Quò verò magis inquireremus, cur hæc coniunctio requiratur, magis sentiemus tam eam esse necessariam, quàm vnus corporis indiuisæ partes aut membra diuelli neque possunt neque debent. Ego quidem nondum satis statuere potui, plùsne lucis historia ex Iurisprudentiæ libris, an Iurisprudentia ex historicis monumentis accipiat. Sed liquidò affirmare possum, sic vtramque esse comparatam, vt (quod ille ait) altera alterius poscat opem, & coniuret amicè. Olim Pomponius Atticus dicebat, sese Ciceronis de Republica libris, impulsū atque incensū fuisse, ad veterum annalium memoriam comprehendendam. Ego dicere soleo, me & legum libris ad historiæ memo-

memoriam confectandam, & historiae monumentis ad legum volumina euoluenda excitatum fuisse. Quātulumcunque sit illud, quod sum in utroque genere consecutus (si quid est modò: quod quidem certè perexiguum esse sentio) tamen studiosis auctor esse non dubitabo, illius, de qua loquor, siue coniunctionis persequendæ & astringendæ, siue affinitatis contrahendæ. Vtque olim Lælius ille sapiens, generos sibi asciiuit, alterum Q. Mucium Scauolam, Augurem & Iurisconsultum clarissimum: alterum Fannium historicum nobilem: sic & nos hæc studia tanquam maximè affinia copulemus. Imò verò, vt P. Mucius Scauola, magnus ille Iurisconsultorum princeps, in Consulatu collegam habuit L. Calpurnium Pisonem*, Annalium scriptorem præstantissimum: sic, quod sæpe alias optaui, optare etiam num me non dissimulabo, tale aliquando Iurisprudentiæ & historiæ col-

collegium institui, quale esse debet. Sed cum alteram altera quodammodo contineat, & suis libris, tanquam finibus includat (quanquam utriusque hæc comprehensio tribuenda sit, nesciam: & utrique tribui rectè posse videatur) iterum propiusque videamus, qualis quantaque sit hæc affinitas. Non enim temerè est, quòd eam urgeo tantopere: utque studiorum, sic & consilii mei rationem intelligi imprimis velim: & veniam (credo) mihi facillè dabunt & qui iudices, si paululum indulgeam iustissimo amorì, & iis, in quibus bonam vitæ partem consumpsi, literis plurimum tribuam. Siue Iurisprudentiam cum historia, siue historiam cum Iurisprudentia coniungam, loquor & ago de utriusque Iuris cognitione, diuini & humani: lûsq; vniuersum complector. quod certè varium & multiplex est, ut quidem nunc utimur Iuris verbo. Ius diuinum imprimis (ut debeo) appello.

O

quod est de religione vera. Estque
rursus hoc duplex: Est enim quod-
dam perpetuū & immutabile, quod
ad ipsius religionis (vt ita dicam) sub-
stantiam pertinet: aliud verò magis
est, si ita loqui licet, politicum, quod
ad ritus & ceremonias & externam
Ecclesiæ gubernationem, refertur.
Vtrunque autem contineri iisdem
libris, quibus & historia sacra, con-
tinetur, neque aut illud sine hac, aut
hanc sine illo planè legi posse, mani-
festum est. Augustinus in libris de
doctrina Christiana, cū docet hi-
storiam, etiam si (vt loquitur) præ-
ter Ecclesiam puerili eruditione di-
scatur, plurimum conducere ad sa-
cros libros intelligendos: nimis id a-
gere videtur tenuiter & propè pue-
riliter, atque adeò exiliter. In libris
de Ciuitate Dei diligentius id facit,
Sed maius aliquid est, quod nunc vr-
geo. Dico Ius sacrum cum historia
sacra, & hanc cum illo mirificè esse
coniunctam. Vt itaque Theologiam
quam

quàm vocant, Deus in historiæ schola veluti inclusisse dicitur, quia literæ sacræ sint etiam historicæ: sic & huiusce diuinæ Iurisprudentiæ atq; historiæ indiuiduam esse conjunctionem, iure aliquis dixerit. Sed in vtriusque lectione video necessariam esse magnam rursus cautionem, seriamque scientiam totius religionis. Libri imprimis sacri occurrunt, & quidem vtriusque (vt loquimur) fœderis diuini, veteris & noui. Nisi si vtriusque conditionem rectè consideramus, nihil agimus. Iosephus veteris (vt vocatur) Testamenti, & illius Mosaicæ atque Propheticæ historiæ libros, ex Hebræa lingua in Græcam conuvertere, ipsosque LXX interpretes in hoc genere superare voluisse videtur: putatque se, qui sacerdos erat Hierosolymitanus, probè rem totam intelligere. Sed nonne illius historiæ cadauer magis quàm animum, & umbram potius quàm corpus, ex-

ponit? Cur ita? Quia quid agatur, parum intelligat, homo nihil aliud, quàm Iudæus. Certè cùm Paulus Apostolus ex ea historia quippiam delibat, interpres est valde dissimilis Iosepho vel Philoni. Sed & in ipsa Chronologia quantum aliquando sit mysterii, quod Iosephus non vidit, peritè notat Apostolus, cùm quadringentis post fœdus, quod cum Abrahamo pepigit Deus, annis, legem primùm à Mose latam esse: neque id temerè hoc ordine esse factum, religiosè monet. Denique & cùm de legibus Mosis agitur, quænam distinctio adhibenda sit, & quid in iis sit perpetuum, hoc est, quid omnium & gentium atq; temporum sit: quid, non omnium sit gentium: quid, non omnium temporum: denique quæ illæ fini & conditione latæ sint, cautè obseruandum est. Illius legis alter veluti auctor (vt auctorem legis vocabant Romani) fuit Dauid, & interpretes deinde fuerunt Propheta: neque

q; horum historia sine hac parte rectè exponi posset. Iudaicæ atq; Propheticæ historiæ succedit Christiana, Apostolica, Ecclesiastica. Atque in ea quidem, imprimis etiam disputatur de legibus Mosaicis, præsertim quod ad ceremonias attinet. Cumque non modò cum Iudæis, sed & cum Hæreticis, & Paganis (vt vocantur) perpetuam illa contineat contentionem de religione: quis non videt eam satis perlegi non posse sine huiusce Iuris cognitione? Cum Paganis siue ethnicis disputatur ex historia. Nam hæc ad eos refellendos sola satis erat: & de antiquitate tunc præcipua erat quæstio. Cum Iudæis subtilior est disputatio: sed est vna. Cum Hæreticis, qui varii & multiplices fuerunt, multiplex & longa est. Sed saltem genus vniuersum includit historia Ecclesiastica. Quàm igitur hæc cæca erit, si talium controuersiarum Ius ignoretur? Non minor eius historiæ pars est po-

sita in quaestionibus inter ipsos Christianos agitatae de ceremoniis, disciplina, ordine, formaque gubernationis Ecclesiasticae. Huius ergo etiam Iuris cognitio necessaria est: & acta cōciliorum atque Canones, & Principum Christianorum leges Canonicae euoluere oportet, simulque in diiudicatione propter rerum & temporum varietatem, singularis cautio adhibenda est: neque non semper est coniungenda Reipublicae notio, & ciuilis status consideratio. Adeo perpetua est illa indiuiduitas, de qua loquor. Memini, cum superioribus annis viri Magdeburgenses historiae Ecclesiasticae descriptionem suscepissent, meumque consilium expetiissent, longiori me ad eos epistola, quid ea tota de re sentirem, exposuisse. Sed dicere quid facto sit opus, multo, quam id facere, est facilius. Affirmare verò, quod bonis nuper Principibus respondi, rursus non dubitabo, si quis in illa memoria, ut oportet,

portet, versetur, optimam ex ea reperi posse definitionem earum de religione controuersiarum, quæ orbem nostrum concutiunt: tantoque propterea magis doleo tales quæstiones, quæ tantum nunc dant turbarum, ad illud placidum antiquitatis tribunal non reuocari, sed ab imperitis tanquam pueris confusè misceri. Ridiculum profectò fuit, quod in concilio Ferrariensi Ioannes ille Palæologus Imperator Constantinopolitanus, nominis iam propè sui oblitus, cum allegari audiret Ecclesiasticam historiam Hermæi Sozomeni, attonitus exclamauit, quidnam hoc tandem monstri esset? Saltem cogitasset atauum suum Andronicum non modò aluisse, sed etiam coluisse Nicephorum, qui Sozomeni imitator erat. Scilicet *παλαιόλογος* erat nouus hic arbiter, qui tam rerum erat imperitus, tamque *νεπεσις*, vt antiquitatis & historiæ Ecclesiasticæ ne mentionem quidem fieri in concilio pa-

Canonicum, modò meminerimus, quàm falsò & impudenter Epicuræi iactabant sui magistri *καὶ οὐ διότι* tam verè nos imprimis prædicare Domini Deique & præceptoris nostri Normam cœlestem. Denique quam regulam Tertullianus in suis Præscriptionibus edidit acerrimus antiquitatis Ecclesiasticæ vindex, eā cupio vt retineamus. Sed quomodo ea vtendum sit, in re præsentī videndum erit. Nunc institutum nostrum persequamur, vt magis atque magis intelligatur, cur Iurisprudentiam cum historia sapienter coniungi velim.

In historia Romana Pontificium quoque Ius Quiritum, quale Numa Pompilius Mucique Scævolæ condiderunt, includi, & hoc, vt cum Iure ciuili olim coniunctum erat, sic ab illa repetendum esse, neminem, qui dubitet, hominem esse existimo. Hoc autem Ius cū iam nobis non tam Iuris quàm facti loco sit esse, que

debeat (non enim eo sacra nostra regi ferendum est, quod abs vera pietate est alienū) quid aliud quam historicum planè esse dicam? Legimus itaque, quales in Romanorum sacris ritus fuerint, & quales earum ceremoniarum leges. Sed quod tunc factum ab ijs est, nobis Ius non dicit.

De multis antiqui Iuris publici, quo non vtimur, partibus idè & sentiemus & dicemus. Equidem (cur enim dissimulem?) nuper legebam perlubenter nouos de antiquo Iure ciuium Ro. & Italiae commentarios doctissimi hominis Caroli Sigonij, qui de historia Ro. præclarè meritus est. Illam autè antiquitatis renouatam memoriam magna cum voluntate legens dolebam, multos, qui Iuris ciuilis interpretes & doctores se esse gloriātur, securè contemnere totū illud literarum genus. Rursus autem dolebam, alios, qui in earum studio sunt toti, non metuere crimē ignauiae atq; inscitiae, si alteram lu-

ris

ris Romani partem non euoluant, quæ in legum libris exponitur. Denique sic mecum cogitabam: illa libera Reip. historia & antiquitas tantum includit Iurisprudentiæ: Quid si euoluamus ea tempora, quæ post consecuta sunt? Ea dico, quæ Cæsarium esse dicuntur.

Non est (dicam iterum) Iuris civilis Romanorum ea conditio, quæ fortasse est aliarum gentium. Cum Diodorus Aegyptiorum historiæ exponit, facile & commodè inserit Aegyptias leges. Cum Plutarchus vel Lycurgi, vel Solonis vitam describit, eorum ^{νόμοις καὶ ἑξήκοντες} in eadē narratione breuiter includere potest. Sed longè alia est & amplitudo & copia & varietas propterea difficultas ut Reip. sic & legum Romanarum. Facile etiā Plutarchus, cum Romuli aut Numæ vitam narrat, eorum leges cōplectitur: quod & Dionysius facit. Sed tantā angustis finibus Iurisprudentiæ, de qua nūc loquor, non circūscribitur. Imò verò sese non minus, quā historia, ipsa.

quod est de religione vera. Estque
rursus hoc duplex: Est enim quod-
dam perpetuū & immutabile, quod
ad ipsius religionis (vt ita dicam) sub-
stantiam pertinet: aliud verò magis
est, si ita loqui licet, politicum, quod
ad ritus & ceremonias & externam
Ecclesiæ gubernationem, refertur.
Vtrunque autem contineri iisdem
libris, quibus & historia sacra, con-
tinetur, neque aut illud sine hac, aut
hanc sine illo planè legi posse, mani-
festum est. Augustinus in libris de
doctrina Christiana, cum docet hi-
storiam, etiam si (vt loquitur) præ-
ter Ecclesiam puerili eruditione di-
scatur, plurimum conducere ad sa-
cros libros intelligendos: nimis id a-
gere videtur tenuiter & propè pue-
riliter, atque adeò exiliter. In libris
de Ciuitate Dei diligentius id facit,
Sed maius aliquid est, quod nunc vr-
geo. Dico Ius sacrum cum historia
sacra, & hanc cum illo mirificè esse
coniunctam. Vt itaque Theologiam
quam

quam vocant, Deus in historiae schola veluti inclusisse dicitur, quia literae sacrae sint etiam historicae: sic & huiusce diuinæ Iurisprudentiæ atq; historiae indiuiduam esse coniunctionem, iure aliquis dixerit. Sed in vtriusque lectione video necessariam esse magnam rursus cautionem, seriamque scientiam totius religionis. Libri imprimis sacri occurrunt, & quidem vtriusque (vt loquimur) fœderis diuini, veteris & noui. Nisi si vtriusque conditionem rectè consideramus, nihil agimus. Iosephus veteris (vt vocatur) Testamenti, & illius Mosaicæ atque Propheticæ historiae libros, ex Hebræa lingua in Græcam conuerrere, ipsosque LXX interpretes in hoc genere superare voluisse videtur: putatque se, qui sacerdos erat Hierosolymitanus, probè rem totam intelligere. Sed nonne illius historiae cadauer magis quam animum, & vmbra potius quam corpus, ex-

ponit? Cur ita? Quia quid agatur, parum intelligat, homo nihil aliud, quàm Iudæus. Certè cùm Paulus Apostolus ex ea historia quippiam delibet, interpretes est valde dissimilis Iosepho vel Philoni. Sed & in ipsa Chronologia quantum aliquando sit mysterii, quod Iosephus non vidit, peritè notat Apostolus, cùm quadringentis post fœdus, quod cum Abrahamo pepigit Deus, annis, legem primum à Mose latam esse: neque id temerè hoc ordine esse factum, religiosè monet. Denique & cùm de legibus Mosis agitur, quænam distinctio adhibenda sit, & quid in iis sit perpetuum, hoc est, quid omnium & gentium atq; temporum sit: quid, non omnium sit gentium: quid, non omnium temporum: denique quæ illæ fini & conditione latæ sint, cautè obseruandum est. Illius legis alter veluti auctor (vt auctorem legis vocabant Romani) fuit David, & interpretes deinde fuerunt Prophetæ: neque

q; horum historia sine hac parte rectè exponi posset. Iudaicæ atq; Propheticæ historiæ succedit Christiana, Apostolica, Ecclesiastica. Atque in ea quidem, imprimis etiam disputatur de legibus Mosaicis, præsertim quod ad ceremonias attinet. Cumque non modò cum Iudæis, sed & cum Hæreticis, & Paganis (vt vocantur) perpetuam illa contineat contentionem de religione: quis non videt eam satis perlegi non posse sine huiusce Iuris cognitione? Cum Paganis siue ethnicis disputatur ex historia. Nam hæc ad eos refellendos sola satis erat: & de antiquitate tunc præcipua erat quæstio. Cum Iudæis subtilior est disputatio: sed est vna. Cum Hæreticis, qui variū & multiplices fuerunt, multiplex & longa est. Sed saltem genus vniuersum includit historia Ecclesiastica. Quàm igitur hæc cæca erit, si talium controuersiarum Ius ignoretur? Non minor eius historiæ pars est po-

sita in quæstionibus inter ipsos Christianos agitatæ de ceremoniis, disciplina, ordine, formaque gubernationis Ecclesiasticæ. Huius ergo etiam Iuris cognitio necessaria est: & acta cōciliorum atque Canones, & Principum Christianorum leges Canonicas euoluere oportet, simulque in diiudicatione propter rerum & temporum varietatem, singularis cautio adhibenda est: neque non semper est coniungenda Reipublicæ notio, & ciuilis status consideratio. Adeò perpetua est illa indiuiduitas, de qua loquor. Memini, cum superioribus annis viri Magdeburgenses historiæ Ecclesiasticæ descriptionem suscepissent, meumque consilium expetiissent, longiori me ad eos epistola, quid ea tota de re sentirem, exposuisse. Sed dicere quid factò sit opus, multò, quàm id facere, est facilius. Affirmare verò, quod bonis nuper Principibus respondi, rursus non dubitabo, si quis in illa memoria, vt oportet,

portet, versetur, optimam ex ea reperi posse definitionem earum de religione controuersiarum, quæ orbem nostrum concutiunt: tantoque propterea magis doleo tales quæstiones, quæ tantum nunc dant turbarum, ad illud placidum antiquitatis tribunal non reuocari, sed ab imperitis tanquam pueris confusè misceri. Ridiculum profectò fuit, quod in concilio Ferrariensi Ioannes ille Palæologus Imperator Constantinopolitanus, nominis iam propè sui oblitus, cum allegari audiret Ecclesiasticam historiam Hermæi Sozomeni, attonitus exclamauit, quidnam hoc tandem monstri esset? Saltem cogitasset atauum suum Andronicum non modò aluisse, sed etiam coluisse Nicephorum, qui Sozomeni imitator erat. Scilicet *παλαιόλογος* erat nouus hic arbiter, qui tam rerum erat imperitus, tamque *υπερχειν* vt antiquitatis & historiæ Ecclesiasticæ ne mentionem quidem fieri in concilio pa-

Canonicum, modò meminerimus, quàm falsò & impudenter Epicuræi iactabant sui magistri *καὶ οὐκ ἀπὸ τοῦ Θεοῦ* tam verè nos imprimis prædicare Domini Deique & præceptoris nostri Normam cœlestem. Denique quam regulam Tertullianus in suis Præscriptionibus edidit acerrimus antiquitatis Ecclesiasticæ vindex, eā cupio vt retineamus. Sed quomodo ea vtendum sit, in re præsentī videndum erit. Nunc institutum nostrum persequamur, vt magis atque magis intelligatur, cur Iurisprudentiam cum historia sapienter coniungi velim.

In historia Romana Pontificium quoque Ius Quiritum, quale Numa Pompilius Muciusque Scauolæ condiderunt, includi, & hoc, vt cum Iure ciuili olim coniunctum erat, sic ab illa repetendum esse, neminem, qui dubitet, hominem esse existimo. Hoc autem Ius cū iam nobis non tam Iuris quàm facti loco sit esse, que

ris Romani partem non euoluant, quæ in legum libris exponitur. Denique sic mecum cogitabam: illa libera Reip. historia & antiquitas tantum includit Iurisprudentiæ: Quid si euoluamus ea tempora, quæ post consecuta sunt? Ea dico, quæ Caesarum esse dicuntur.

Non est (dicam iterum) Iuris ciuilis Romanorum ea cōditio, quæ fortasse est aliarum gentium. Cum Diodorus Aegyptiorum historiā exponit, facile & commodè inserit Aegyptias leges. Cum Plutarchus vel Lycurgi, vel Solonis vitam describit, eorum *νόμους καὶ νόμους* in eadē narratione breuiter includere potest. Sed longè alia est & amplitudo & copia & varietas propterea difficultas ut Reip. sic & legum Romanarum. Facile etiā Plutarchus, cum Romuli aut Numæ vitam narrat, eorum leges cōplectitur: quod & Dionysius facit. Sed tantā angustis finibus Iurisprudētia, de qua nūc loquor, non circūscribitur. Imò verò sese non minus, quā historia, ipsa.

Romana latè diffundit; & historicos propterea scriptores, præsertim eos, qui in illius foro educati nō erāt, quodammodo deterret; vt sibi ab ea tanquam à scopulo cauentes, contrahāt vela; & de legibus vix quicquam delibent, nisi vt canis è Nilo bibit & fugit. Cū Plutarchus Sullæ aut Cælaris vitam narrat, an Cornelias vel Iulias leges exponit? Ergo factū est, vt hæc historia abs Iurisprudencia quodammodo seiungi cœperit, sensimq; altera alteri veluti nūciare visa est vetus illud, RES TVAS TIBI HABETO. Verū tantò magis occurrēdū esse huic (vt ita dicam) diuortio, existimo. Si non potuit vtraque iisdem tabulis commodè includi; at lōgus, certè alteram ab altera discedere, minimè ferenda est. Est (fateor) Romanarum rerum historia & diligenter & copiosè descripta abs scriptoribus grauissimis atq; doctissimis. Sed iterum profiteor Romanarum legum memoriæ minùs eos, satis

satisfacere videri. Credo equidem, quia eæ non vnius vel ætatis vel hominis essent: quia essent multæ, variæ, subtiles, acutæ: illos quadam difficultatis opinione deterritos fecisse perlubenter, vt earum expositionem alijs relinquerent: multòque maluisse, ne non belli scriptores viderentur, vel instructam aliquam aciem singulâsque eius partes, & castrorum formam, & prælij genus, & numerum eæ forum, & id genus reliqua fusè & suauiter cõmemorare, quàm legem aliquam reconditam expromere, & in obscuram Iuris ciuilis disceptationem, quæ tunc habitata sit, descẽdere. Quid? Dictærium aliquod vel apophthegma historicè recitabit: & nobilem legẽ, aut singularem de iure sententiam, & quæstionis multũ diũq; vexatę publiceque etiã agitatę solennem definitionem præteribit? Imò verò hanc negligentię labem, quam quorũdam inscitia historiæ asperfit, detergat, & quod

de est, suppleat Iurisprudentiâ. Dionysius & Liuius x virorum, qui primi Romæ legum ferendarum causa creati sunt, historiâ copiosè describunt, & leges xii tabularum ab ijs propositas esse narrant. Sed quænam ex essent leges, quidue ijs tabulis inscriptum esset, (quod certè negligendum minimè fuit) non exponunt. Vnam aut alteram legem fortasse recitant. Sed cur reliquas supprimunt? An igitur necessarium non erit Iurisprudentiæ subsidium, quæ quicquid potest, vndique cogit & colligit, vt eam veluti lacunam repleat? Cum Dionysium & Liuium nominaui: nominaui duos historiæ Romanæ doctissimos, grauissimos, diligentissimos scriptores, illum Græcum, hunc Latinum. Licet autem Dionysij, quod attinet ad res & tempora, quæ describit, diligentiam prætulero: tamen à Liuiō verba potius repetiero. Neque profectò minima historiæ atque Iurisprudentiæ

tia Romanæ sita vis parsque est in
ipsis formulis, quas Liuius religiosè
recitat, Græci sua lingua exprimere,
ne si vellent quidē, possent. Itaque
miror tam multos olim, etiā Roma-
nos, suam historiā Græcè, quàm La-
tinè scribere maluisse. Scio eos hoc
egisse, ut à pluribus legeretur. Cice-
ro pro Archia, Græca (inquit) legū-
tur in omnibus ferè gentibus: Latina
suis finibus, exiguis tanè, continetur.
Quare si res hæ, quas gessimus, orbis
terræ regionibus definiuntur, cupe-
re debemus, quò minùs manuū no-
strarum tela peruenerint, eodē glo-
riā famamq; penetrare. Sed videndū
etiā fuit, quā nō omnino Romana
sit illa, quæ Græcè scribitur, historia,
præsertim cū, ubi de iure aut legi-
b⁹ agitur, tam sit inops & propè di-
xerim inepta ac barbara lingua Græ-
ca, quàm Latina tūc est & facunda &
diserta. Certe Caroni nō placuit Al-
binus, qui historiā Romanā Græcè
scribebat. Credo, magis placuisse

Asinius ille Pollio, qui Græcam Latinè scripsit, ut Suidas auctor est. Sed illud nunc dico, in historicis rerum Romanarum scriptoribus diligentior legum latarū desiderari descriptionem: vixque ab ijs, qui Græcè scribunt, eam præstari posse, cum maxima iuris Romani pars vix ac ne vix quidè Græcè possit exponi. Quæ ratio facit, ut Liuium, Salustium, Cæsarem, Tacitum aliquando legam lubentius, quàm Polybium, Dionysium, Diodorum, Plutarchum, Appianum, Dionem. Interea tamen iterū confiteri cogor ne Latinos quidem historiæ Romanæ scriptores, mihi satisfacere in legibus recitandis. Si Liuij & Taciti monumenta integra extarent, multum in hoc genere subsidij haberemus: omnibusque alijs ea præferrem, si togatam, civilem, urbanam historiam Ro. aliquis desideret: & tales historicos propè retulero in ordinem & collegium Iurisperitorum. Potuit adolescēs

Taci-

Tacitus & vidisse & audiisse senem Liuium: vt & vidisse se ait in Britannia quendam senem, qui Iuliu Cæsarem in ea viderat. Certè Tacitus Liuium laudat & fidei atq; eloquentiæ nomine præclarum fuisse ait libro quarto. Neque adeò multi anni numerantur inter finem historiæ Liuiianæ & principium annalium Taciti: nempe quor inter mortem Drusi & Augusti interfuere. Saltem agnosco in dissimilis Reipublicæ historia contexenda quandam esse similitudinem inter hosce duos clarissimos scriptores. neq; puto alios tam propè accedere ad Iurisprudentiam Romanorq; propterea magis mihi acerbam esse fateor iacturam, quæ multos eorum libros interceptit: & superstites reliquias iuris studiosis lubenter commendo: neque temerè factum esse profiteor, quod duo ætatis nostræ nobilissimi interpretes iuris, And. Alciatus & Æmilius Ferretus, in emendandis atque expli-

postulare sciant, ut rerum gestarum
circūstatiæ, quæ abs Græcis *περίστασις*
appellantur, simul exponantur: ego
non verebor Iuris statū inter præci-
puas illas circūstantias referre. Atq;
ut Cicero ad Atticum lib. xiiii. Tu
(inquit) si quid pragmaticū habes,
scribe: pragmaticum vocans, quod
fiebatur in foro vel in Senatu: sic & quæ
sunt eius generis, ad historiæ scripti-
onē omnia pertinere puto: ut & quæ
in libris legum appellantur pragma-
tica cōstitutiones vel sanctiones, in
eā referantur, quò magis sit, esse quæ
debet, historia *πραγματική*. Quid olim
præstiterit in hoc genere Atticus, ne-
scio, quia eius cōmentarij interierāt.
Sed Cornelius Nepos ait nullā fuisse
legem, neq; pacem, neq; bellū, neq;
rē illustrē populi Romani, quæ nō in
eo volumine, quo Attic⁹ omnem an-
tiquitatē exposuit, suo tēpore notata
sit. Suspikor verò eū ius priuatū & ci-
uile, vel ei⁹ generis leges, quarū cog-
nitio magis esse dicitur Iuriscōsulto-
rum, non exposuisse. Neque tamen

non plerique historiae Romanae scriptores, qui ciuiliam & domesticarum rerum descriptioni magis dediti fuerunt, nō noluisse videntur praestare, quod requirimus. Sed hic rursus intelligo, quā sit necessaria Iurisprudentiae, bene (vt ille olim dixit) fundatae societas. Facient illi suo fortasse tempore & loco aliquam mentionem legis Voconiae, Falcidiae, Papiae Poppae. Sed (quod sine eorum ignominia dictum velim) an in hoc genere praestant, quod & debent & suscipiunt? An earum legum vel sententiam integram recte exponunt, vel verba sine mendo recitant? Hic ergo veluti deficienti historico succenturietur Iurisperitus, necesse est. Cum Plinius audiret Tacitum historias scribere, statim ad eum scripsit de quadam causa, quam egerat in Senatu. Non erat res valde magna: annalibus tamen eam inferendam esse putat: neque dubitare se ait de Taciti diligentia in actis publicis. Quem
& nos

& nos prædicamus in hoc genere diligentissimum fuisse. Sed quam multa negligit tamen? Neque verò postulo, neque si postularem, ferendus sim, vt historia colligat & completatur, de iure publico & priuato, multa vel priuata, vel exilia, vel ignobilia, vel etiam inania? Ne Iurisconsultorum quidem commentarii talia conuerterent. Neque non sapienter profectò Ammianus Marcellinus admonet, historiam non indagare humilium minutias causarum. Quid igitur dicimus? Cum Cicero pro C. Cornelio, Cottam de suis legibus abrogandis ad Senatum retulisse dixisset; Asconius annotauit, videri in rebus paruis eas fuisse, quia neque apud Salustium, neque apud Liuium, neque apud Fenestellam fiat eorum mentio. Fieri verò illiustantum legis mentionem, quam tulit, vt iis, qui Tribuni pl. fuissent, alios magistratus capere liceret, quod lex Sullæ prohibebat. Equidem facile patior

prior Aurelias illas de re parua leges à Livio, Salustio, Fenestella, in descriptione Romanæ historiæ, esse præteritas. Sed nobiles & de re magna latas leges cum suo auctore, ætate, conditione, formula, si historia ciuilis non annotat, an non maximam officii sui partem negligit? Suetonius, Lampridius, Spartianus, Capitolinus, & similes olim scriptores historici, Cæsarum vitas, sententias, dicta, acta, facta sic descripsere, vt & eorum de iure iudicia, & constitutiones imprimis recitare voluisse videantur. Sed quàm est catamen, non iam dico confusa, sed ieiuna & mutila recitatio, si obseruemus & quid in hoc genere non recitauerint, quod recitare omnino debuerant: & illud ipsum quod recitant, quàm non sit integrum, quamque sit mendosum, utpote ab hominibus sæpè eam rem parum intelligentibus, imperitè & inconditè relatum, Ne hæc ergo semper manca historia.

historia sit, farciatur quod hac in parte illi deest, Sarciri verò non potest, nili id reperatur ex Iuris & legum libris. Septimii Severi, Imperatoris profectò maximi, historiam annorum XVIII. describunt, quàm diligentissimè possunt, Hierodianus, Spartianus, Dio. Sed quanta lux, quantumque decus accedet, si & illius, & Papiniani, qui eius Prætorio Præfectus fuit, iudicia ex Pandectis reperita interdum accedant: & rescripta, quæ cum suo die & Consule extant in Codice Iustiniani, atque ad historiam pertinere videntur, oportunè obseruentur? De Diocletiani memoria, quæ est alioqui obscurior, idem dixero: sed multò magis de Constantini: cuius est alioqui magis varia & multiplex historia propter novam Reipublicæ atque Imperii faciem. Legimus quidem de eo scripta esse plurima, præsertim ab Ecclesiasticis scriptoribus. Sed quàm confusa sunt

sunt omnia? & rerum ciuiliū quā
 est perturbata memoria, nisi si Codi-
 ces Constitutionum indicio nouo
 nobis quendam ordinem præmon-
 strent? Valentiniani Valentisque Im-
 perium, quia Ammianum Marcelli-
 num in eo ducem habemus, euolui
 facilius potest. Sed quæ præsidia ex
 Codice Theodosiano prætereā repe-
 ti possunt, quā vtiliter cum Mar-
 cellini monumentis coniungentur?
 Certè quò magis hi Principes de lu-
 re publico & rebus ad ciuitatum at-
 que etiam Ecclesiarum gubernatio-
 nem pertinentibus leges ferre cœpe-
 runt, tantò magis horum constitui-
 ones historicae sunt. In Theodosii
 Imperio annorum xvi. quia ducem
 aliquem Marcellinū non habemus,
 non minus quā in Constantini Im-
 perio, laboramus. Nam & vtrunque
 fuit rerum maximarum & admira-
 bilium euentorum gloria nobilissi-
 mum. Sed si cum aliis memoriæ illi-
 us præfidiis, colligamus qualiacun-
 que

que supersunt indicia Constitutionum, eaque sequamur, eluctari poterimus. Leges illæ Consulem, annum, mensem, diem, locum, quo sūt editæ, sua subscriptione significant. Quàm ergo præclaros in hoc genere fastos suppeditat? Feci equidem perlubenter, vt harum constitutionum quandam Chronologiam aliquando conficerem; & cum id ago, magis atque magis sensi tam esse necessariam illam, quam tanto opere vrgeo, Iurisprudentiæ atque historiæ coniunctionem, vt eorum temporum atque Principum, neque leges, quæ sunt plurimæ, neque acta, quæ maximæ sunt, rectè sine tali auxilio intelligi posse, iterum profiteri aulim. Atque hîc obiter iuuat indicare, quod hisce diebus cum Gratiani Theodosique de religione constitutiones, ex vtroque Codice repetitas, extra ordinem in schola interpretarer, auditoribus meis exposui. Est enim id maximæ momenti & ponderis: & hæc tunc

Q

ab nostris animaduersum non esse miror. Cum ad Codicem Iustinianum aggressus essem, conferebam primum, qui eiusdem generis est, titulum postremi libri Codicis Theodosiani. In eius postremo capite legebam Valentiniani II. & Theodosii constitutionem, quæ dat potestatem conueniendi, & (vt loquitur) colligendi, iis qui secundum ea sentiunt, quæ temporibus Constantii, conuocatis sacerdotibus ex omni orbe Ro. Ariminensi concilio decreta sunt, & Constantinopolitano confirmata &c. Id cum legerem, statim vt attonitus obstupescerem, historia fecit. Memineram enim, quale fuisset illud Ariminense concilium, & quàm ab eius decreto captioso abhorreret religio Theodosii, atque adeò Ecclesia Catholica & orthodoxa: & quò illius historiam & acta mecum magis reputabam, tantò magis suspicabar illam cōstitutionem non esse Theodosii.

dosii. Imò verò impiam esse, minimeque in libros legum referendam sentiebam. Cùm haberem, & cui acceptam ferre illam deberem, anxie quærerem : atque ex subscriptione intelligerem Mediolani latam esse, statim mihi historia suggestit, quod me magna molestia liberavit. Venit enim in mentem, quod illa narrat de Iustina, quæ in gratiam suorum Arianorum, abutens filii sui Valentiniani nomine, talem legem ferre voluit & tulit, tectam Ariminensis concilii cothurno. Spero fore, ut cùm ad rem ventum erit, suo tempore & loco probabo legem esse Arianam, & esse expungendam, quæ mala fide Theodosio est inscripta, & in Theodosianum Codicem insidiosè irrepfit. Cumque multas mendorum maculas ex Legum libris rectè sublatas esse abs doctissimis hac ætate hominibus libenter agnoscam, etiam hanc multò te-

triores labem me deleuisse mihi gratulabor. Sed neque minoris beneficii & momenti animaduersionis est, quod cum aduersus sanguinarias & sævas animaduersiones exponerem leges & iudicia veterum Christianorum de coercendis hæreticis: partim ex historia, partim ex Th. Cod. ostendi in Cod. Iustin. quandam de Manichæis legem Theodosii, iniecta ultimi supplicii falsa clausula, mendose factam esse capitalem, cum multorum fraude capitali: neque dissimile mendum irrepsisse in quādam Martiani Imp. constitutionem, eiusdem generis. Quæ magis necessaria esse posset emendatio: Sed hoc quidem est historiæ beneficium, erga Iurisprudentiam. Iam verò vicissim quaeritur de Iurisprudentiæ meritis atq; beneficiis erga historiam: quæ & magna & multa esse dico. Equidē cum nuper Valentiniani senioris historiam reuoluerem, quæ quia in iis potissimum regionibus, in quibus & e-

ducati

ducati sumus & viuimus, versatur, & Belgicam peruagatur, nos magis afficit, magna cum voluptate obseruabam, quas ex Codice Theodosiano intelligebam leges ab eo latas esse Parisiis, Remis, Ambianis, Nouioduni, Treueris, Vangionibus, Mogontiaci, Coloniae Agrippinae: & cum eas ad Ammianum Marcellinum, qui historiam Valentiniani copiose describit, adiungebam, incredibilem lucem accedere sensi. Sed & cum post Theodosium obscuriora tempora euoluenda erunt, quantum est in libris Iuris auxilii? Quid, cum tandem ventum erit ad Imperium nostri Iustiniani? Bellicae quidem res à Procopio & Agathia: Ecclesiasticae ab Euagrio & Nicephoro diligenter descriptae sunt. Sed an eius Reipublicae Imperiique historiam satis exponere poterit, qui Iustiniani constitutiones aptè non adiungeret? Quid si ad Imperium Leonis illius, qui Philosophus dictus est, descendamus? Ma-

gnæ tenebræ. Sed eius *Napoli*, quælibris iuris nunc accesserunt, aliquam facem præferent. Si deinde, quis fuerit non solum Asiæ, sed & Africa status, quæritur, nihil quàm vastitas & vis occurret: in quâ confusione fateor frustra de iure aut legibus civilibus disputari, ac ne disputari quidem. Sed de religione saltem quæstiones magnæ occurrent. Si oculos reflectamus in Europam nostram: citius etiam barbariem in eam inuasisse, & ~~feras~~ gentes suis sedibus emotas, Romanum Imperium euertisse, atque ius omne & fas velati miscuisse, audivimus. Sed sunt facilius tamen reuocatæ ad aliquam humanitatem atque moderationem: & licet noua regna vi condiderint, tamen vt religionis, sic & iuris aliqua temperatione se regi tandem passæ sunt. Quid dicam de Gothis, quorum multæ leges minimè barbaræ laudari possunt? Quid de Longobardis, quorum moribus, cum quæritur

tur de Iure Feudorum, vt appellan-
tur, etiamnum vtimur? Quid de Ca-
rolo Magno, qui in magna tempo-
rum intemperie res perturbatas in
integrum restituit? Quis esset status,
indican- t eius leges, quas quidem e-
tiam nostris legum libris nonnulli
nunc appendere solent. Ego vt Eg-
hinardo illius Cancellario gratiam
habeo, qui tam excellentis principis
vitam descripsit: sic & Ansegiso,
qui eiusdem leges collegit. Utinam
verò Carolus, vt historiæ vniuersæ
studiosus fuit, & ipsa veterum Ger-
manorum carmina, quæ populari
cantu iactabantur, sed scripta non-
dum erant, describi iussit: sic & no-
bilissimas leges Salicas, moribus
Francorum ante sua tempora rece-
ptas, iterum edidisset. Maiorem hæc
lucem rursus inferrent nostris anna-
libus. Paulo post Carolum aut eius
saltem filium Ludouicum, ma-
gna iterum dissipatio fuisse videtur.

Q. 4

Iusque datum sceleri. Sed tandem regna & principatus ita constituuntur, ut eorum, qui iis constituendis præfuerunt, posteritas etiamnum possessionem retineat. An non & illorum temporum historiam illustrabit Iurisprudentia? Nam etsi raræ sint eorum leges, aliquæ tamen sunt, ex quibus æstimanda est talium regnorum facies & conditio. Deinde quò sunt eæ rariores, tantò magis Romanæ aduocantur; & ex Iure ciuili Ius illis dicendum est. Neque non de Principum successionem in illa historia occurrent maximæ & nobilissimæ & subtilissimæ Iuris controuersi quæstiones: quæ etsi armis sæpius deciderentur: tamen togatam disputationem atque forensem disceptationem admittebant. Eas verò non explicabit homo Iuris imperitus: talemque propterea historiam exponere totam vix poterit. Non discedam longius ad exempla: neque tamen delibabo quod nondum lubet.

Sed

Sed cum recitanda erit historia & illius, quæ ante annos centum & quinquaginta fuit, elegantissimæ controverſiæ de regno Tarraconenſi & Siculo, ſive de hæreditate Martini Regis: & nobiliſſimi compromiſſi atq; arbitrij, quo ea religoſè eſt definita: an hæc res tota explicari poteſt, niſi ſi exponatur ſubtile Jus ſucceſſionis civilis magis quàm naturalis? Quid, cum eodem ſeculo dicendum erit, de altera, neque diſſimili, neque minus nobili ſubtilique, ſed armis magis vexata quæſtione, quæ inter duas cognatas familias diuerſicoloribus roſis, ut olim pannis factione Aurigantium, inſignitas, agitata fuit de Angliæ regno? Funetiſſimæ ſunt bellorum pluſquam civilium in ea lite turbæ: ſed incluſam premunt belliffimam Iuris civilis de legitimis hæredibus diſceptationem, quæ prius eſt evoluenda. Verum hoc propè perpetuum in historijs eſt. Hæ enim bella propè perpetua recitant. Bella

R

verò inter Principes esse solēt, quòd sunt inter priuatos in foro lites & actiones: neque non aliquis esse solet status causæ, in quo de iure quærat, & quidē de iure Ciuili sæpius quàm Feciali. Neq; armati barbari semper dixerunt, Ius suum esse in armis. Neque etiam semper silēt inter arma leges. Itaq; & ad illorū historiam, memoriam harū accedere debere dico. Quantū autem lucis ex legum libris ad historiæ monumenta redundare dixi, tantumdem & historiæ memoriam, Iurisprudentiæ Romanæ vicissim conferre ac veluti reddere iterū dicam. Et quid tandem aliud sunt nostri Iuris libri, quàm quædam historiæ Romanæ ἀπὸ τῶν μνημάτων? quæ si, suo corpori reddantur, & vnde sunt decerpta, iterū veluti inserantur, quis non rectè factū dicet? Quis suo quæque loco, non abrupta, non mutila, non contaminata legere nō mallet? Quis negauerit ea ex sua origine, & eius circumstantijs primū æstima-

manda

manda esse : eorúmque intelligen-
 tiam primam inde pendere ? Cor-
 pus illud Iuris (vt appellatur) quod
 Iustinianus nobis reliquit, conflatum
 est ex ea legum Romanarum
 varietate, quæ annis mille & trecē-
 tis iactata est abs Romulo vsque ad
 Iustinianum. Neque modò alia esse
 dicitur Iurisprudentia vetus, alia nò-
 ua, alia media : sed & quotānis pro-
 pè est mutata, harúmque legum ea
 est conditio, vt etiam lex sit, posteri-
 orem derogare priori. Quid igi-
 tur fieret, nisi si ex historia, tempo-
 rum ordinem obseruemus, & ali-
 quam veluti Chronologiam legum
 tencāmus ? Quid multa ? Cùm mul-
 tisiā annis reuoluam illam eorū,
 quos Iustinianus nobis reliquit, li-
 brorum (vt vocare soleo) *Συναγωγήν*,
 magis atque magis sentio, quandam
 illius (vt appellatur) corporis legiti-
 mi *ἀνάλυσιν*, historicam in primis vti-
 lē fore : & cùm multi multa disputēt
 de ratione docendi discendiq; Iuris,

nihil tamē agi video nisi si fiat, quod opto. Equidem non nescio Ius illud, quod iam annis propē viginti docui, tractari atque explicari multis modis posse. Sed eam tandem, de qua loquor, rationem viamq; interpretationis & suauissimam & vtilissimam & commodissimam esse expertus sum: neque aliam esse didici, quæ ad dignitatem huius discipline propius accedat Fateor multas esse de multis iuris priuati partibus & mysterijs subtilissimam Iuriconsultorum disputationes, tanquam appendices legum, quæ vix quicquam habeant cum historia commune: proptereaq; eas separatim (quod facere soleo) euoluendas esse fateor. Sed reliquas tantò magis partes, quæ (vt ita dicam) principales sunt, coniunctim cum historia, ex qua veluti dependent, tractare velim. Atque vtinam liceat aliquando mihi serior tentare, quod desidero. Non est vulgare quod opto. Opto historiã vniuersam,

uerſam, ſacram & ciuilem, veterem
& nouam, noſtram & peregrinam
colligi: & ſimul Iuriſprudentiã pri-
orem & poſteriore, diuinam &
humanam, coaleſcere. Denique ex
duobus iſtis veluti corporibus hiſto-
riæ & Iuriſprudentiæ vnum conſla-
ri velim: & alijs, ſi perſuaſerim, vt i-
dem velint, multum me effeciſſe pu-
to. Quid? In Iuſtiniani libris multa
prætermiſſa ſunt, quæ tamen ad Iu-
riſprudentiam planè pertinent. Ta-
lia verò nobis hiſtoriæ vniuerſitas
ſuppeditabit: vt ex hac alterum ve-
luti corpus Iuris Romani alterumq;
Codicem legum malè derelictarũ
colligi, repetique poſſe propè dixe-
rim. Saltem de more Maiorum, & e-
orũ non ſolũ legibus, ſed & inſti-
tutis, quę ex hiſtorijs reperũtur, quę-
ſtio eſſe ſæpè ſolet, cũ de iure ciui-
li quæritur. Sed & vbi præiudicia, quę
in iudicando ſequamur, non occur-
runt: perſæpe tamen aliquod exem-
plum dabitur, quod nobis quid de

iure respondendum sit, tacite veluti præmonstret. Sic historiam Romanam diligenter & vtiliter legerunt veteres Iurisconsulti: & ex facto aliquo, tanquam ex bono fertilique fundo, sæpè regulam Iuris elieuerunt: atque etiam ex eo, in quo alius ne vestigium quidem Iuris notasset. Nā arte, ut dixi, quadam & cautione est opus. Non multos (fateor) in Pandectas retulit Tribonianus eius generis locos: sed aliquos tamen descripsit. Legerat Papinianus, Cicero-
nem Consulem in quæstione coniurationis Catilinariæ non reiecis-
se indicium Fulviæ meretriculæ. Quid inde? Inde respondet atq; probat in crimine maiestatis audiri mulieres, quibus alioqui accusationis potestate interdictum est. Legerat Triphoninus in oratione Ciceronis pro Cluentio, mulierem quandam Milesiam in Asia damnatam esse rei capitalis, quod ab hæredibus secundis accepta pecunia partū sibi medicamentis

ris ipsa abegisset. Hoc exemplum pro lege ille laudat. l. xxxix. De pœnis. Legerat Pomponius Atilium Regulum olim visum non esse postliminio reuersum, quia iurauerat se Carthaginem reuersurum esse. Quid tum? Hinc colligit, aliquem captiuium ita demû postliminio reuersum intelligi, si in ciuitate remanere & velit & iure possit l. v. De capt. & post. reuers. Si historiam Romanam cum tali observatione legamus, vt & debemus, quis non dixerit incredibilem in ea thesaurum Iuris ciuilis reconditû esse? Ergo iterûmq; iterûmq; prædico, eam me historiâ laudare, in qua sit etiam inclusa Iuris prudentia: atque vt hæc supplet, quod illi alioqui deest, sic etiâ ex illa hanc eliciendam rursus esse. Atque vtinam (cur enim votum meum nō ingeminarem) interea saltem dum id aliquis præstabit: vt olim & Pontifices Max. suorum Annalium, & Prætores Edictorû suorum Albû pa-

lam proponebāt, sic & studiosi omnes qui Reipublicæ iuandæ nomē dederunt, aliquando sentiant, Albū vtrunque esse coniungendum. Cicero libro secundo de Oratore loquū de Annalibus maximis, Pontifex Max. (inquit) res omnes mandabat literis, efferebātq; in Album, & proponebat tabulam domi, potestas vt esset populo cognoscēdi. Vt autē tunc populus talem historiarum tabulam spectabat, sic in Tabulis x i. i. quæ pro rostris erant defixæ, Ius ciuile legebat. Cūmq; vna tabula Fastorū, qui dies erant agendi, aliquandiu à Pontificibus occultata fuisset, tandem Cn. Flavius Fastos quoq; illos protulit, & in Albo circa forum publicè proposuit, vt idem Cicero scribit. Quod ad Prætores attinet: constat, eos non modò viua voce, cū Magistratū inirent, in concione populi edixisse, quæ essent obseruaturi in Iure dicundo: sed & hæc sua edicta in Albo proposuisse omnibus legenda.

leganda. Vt autem cum duodecim Tabulis hæ Tabulæ Prætorie, sic cum Albo Annalium Max. aliæ Tabulæ aliorum Fastorum, qui non, vt illi priores, singulorum dierum conditionem, sed annorum singulorum Magistratus notabant, tandem coniunctæ fuerunt. Quales eæ fuerunt, quarum nuper fragmenta Romæ reperta, & ruinis Capitolijs rursus affixa sunt, historiæque Romanæ lucem maximam intulerunt: illas dico, quas Verrius Flaccus (sic enim doctissimi homines coniiciunt) temporibus Augusti vel Tiberij, in foro, publicauit, marmoreo parieti incisas in hemicyclo quæadmodum is scribit, qui vitas illustriû Grammaticorum olim scripsit, siue Plinius, siue Seutonius, siue eius ætatis ali⁹ fuerit. Erāt eæ quatuor Tabulæ magnæ, quæ ab vrbe condita vsq; ad Augusti obitum, quinam singulis annis Consules, Dictatores, Censores, Pontifices, quæ bella, qui

triumphi fuissent, breuiter indicabant, & ad Hemicycli formam erectæ atque compositæ prostabant. Erat profectò res præclara, vel in domo Pontificum legere Tabulam Annalium, vel in aliquo atrio, in quo & Maiorum imagines (vt Plinius ait) cum Tablinis historicis astant, audire Iurisconsultum, qui in suo siue Solio siue Hemicyclo sedens, & cōsulentibus de Iure respondens, manè tanquam ex tripode fundebat oracula. Sed cum deinde ventum in forum erat, & pro rostris leges XII. Tabularum, Prætorisque Album, & in Verriano Hemicyclo illi siue Annales siue Fasti Consulares occurrerent, & hisce mutis veluti magistris assiderent docti & disertī tanquam interpretes, aut transuerso (sicuti ait Cicero) foro ambulant: nonne excellēs erat hæc Academia & schola ciuilis, Iurisprudentiæ & historiæ? Certè forum Romanum non modò statuis refertū, sed & inscriptionib⁹ & li-

& literis & tabulis, quæ Iuris & antiquitatis indices essent, conspersum atque ornatum erat. Quorum? ut iisdem oculis ciues Romani & Iurisprudentiæ & historiæ suæ summa saltem capita assidue haurirēt, vñque in conspectu, vel aliud agēdo, ea legerent. Adeò & ciuium & Reipublicę interesse sapientes Romani iudicabāt, popularē hanc & omnibus familiarem atque communem vtriusque tanquam carminis necessarij memoriam esse. Et mirabitur aliquis, quod optamus, vehementer optare nos, ut saltem in scholis ciuilibus rursus coniungantur hæ tabulę vtriusque generis? & earum interpretationem atque expositionē sibi mandatam esse tam Iurisprudentes meminerint, quàm & meminisse debēt, quibus olim viris Romæ cura Iuris mandata est, ijs viris & historiæ scriptionem & memoriæ publicæ consignationem fuisse commissam? Nā non solum Pontificū Maximorū, qui

qui vtriusque Iuris custodes & dicebantur & erant, fuit hæc potestas Annalium conscribendorum: sed & cum temporibus nostri P. Mucij Scæuolę, id illi facere desiissent, non modò eius in Consulatu collega L. Calphurnius Piso, quem & multarum legum auctorem aut dissuasorẽ fuisse ait Cicero in Bruto, suscepit hanc curam, sed & Iurisconsulti in Muciano auditorio educati hanc ab illis traditam, veluti in decursu lampada acceperunt; vt Rutilius Rufus P. Mucij auditor atque familiaris, & Cælius Antipater. Rutilius qualis quãtũsque Iurisconsultus fuerit, notum est. Vt autem in Panætij auditorio cum Fannio educatus, excellens fuit Philosophus Stoicus, sic & historicus fuit non minor. Testes boni sunt, Velleius & Athenæus, qui narrant, eum scripsisse historiam rerum Romanarum. Et Plutarchus in Mario Rutilium historicum laudat vt bonum & veracem, quamuis Mario inimi-

inimicum. Scripsit & de vita sua libros historicos, sicuti eodem tempore Scaurus vir clarissimus, cuius tres ad L. Fufidium de vita ipsius acta, libros utiles, Cicero in Bruto laudat, & cum Cyri vita atque disciplina comparat. Fufidium autem in Pandectis inter Iurisconsultos laudari etiam memini. Quod ad Antipatrum attinet, noster Pomponius ait, eum historias scripsisse, magisque eloquentiæ quàm scientiæ Iuris operam dedisse. Scriptorem tamen ait Cicero, fuisse non modò luculentum, sed & Iuris valde peritum, & quidem multorum magistrum, ut L. Crassi. Quē quidem L. Licinium Crassum, summum illum Oratorem, nostri Q. Mucii in Consulatu collegam fuisse existimo, & tam abs suo non solum Iuris, sed & historiarum doctore bene & liberaliter institutum, ut alterum illum Crassum Diuitem, quem Plutarchus laudat tanquam *ιστορικώτερον*, superaret, lubenter audio. Denique

nique Antipatrum nostrum, ipsi Fannio (quem etiam historicum laudat Plutarchus in Tib. Graccho) ætate æqualem, præferre, & reliquis superioribus historicis scriptorem magis accuratum fuisse, Cicero significare videtur libro primo de Legibus. Quinimo Adrianus Imperator eum Salustio præferebat; sed nimia fortasse quadam antiquitatis admiratione. Quid dicam de Q. Ælio Tuberone, quem eadem illa ætas tulit, quemq; noster Pomponius, vt excellētem philosophum Stoicum, sic & Iurisconsultum Mucianum, hoc est, præstantissimum, fuisse significat. Fuisse autem & summum historicum accepimus. Nam & Dionysius & Liuius & Gellius eum hoc nomine laudant: & quidem Liuius libro quarto, Tuberonis diligentiam & iudicium, commendat, cum eum in quadam Veterum dissensione professum quidem esse libros linteos auctores, sed

sed propter aliorum antiquorum scriptorum aliam traditionem, hæsisse tanquam incertum veri, narrat. Huius Tuberonis filium fuisse intelligo illum L. Ælium, quem Cicero ait, antiquitatis Romanæ, & in inuentis rebus, & in actis, scriptorumque veterum literatè peritum fuisse. Quam scientiam Varro acceptam ab illo, pluribus & illustrioribus literis explicauerit. Hunc tamen Ælium magis Stoicum philosophum, quàm aut Iurisconsultum aut Oratorem fuisse narrat Cicero. Sed pronepotem reliquit Tuberonem, cuius in Pandectis sæpè laudatur Iurisprudencia. Ergo & in hac familia est conseruata illa, quam nunc aliis commendo, coniunctio studiorum. Age verò : dicat Cicero, maximè esse Oratorium opus, historiam scribere. An Iure dicere non poterò, non minus hoc esse Iurisconsultorum? Ac illis quidem, quos iam laudaui, Romanis Iurisconsultis historicis

historicis nunc lubenter adiungam
 eum, qui paulo antiquior superiori-
 bus, de quibus dixi, fuit, Seruium Fa-
 bium Pictorem: quem quidem Ci-
 cero in Bruto ait, bene peritum fuisse
 & iuris & literarum & antiquitatis:
 cuiusque libri rerum gestarum & Iu-
 ris Pontificii à Macrobio & Nonio
 laudantur. Sed Sisennam illis poste-
 riorem hic laudauero, quem vt Ci-
 cero libro primo de Legibus ait faci-
 lè superiores historiæ Ro. Latinos
 scriptores superasse: sic & Præto-
 rem, cumque Urbanum, hoc est, Iuris ci-
 uilis custodem, Romæ fuisse accepi.
 Nam & in fragmentis orationis Ci-
 ceronis pro C. Cornelio animaduer-
 ti fieri mentionem edicti de bono-
 rum possessionibus, quod hic Sisen-
 na proposuerat. Prætereo Scipionem
 illum Africani filium, adoptiuum
 patrem alterius Africani, à quo hi-
 storiam quandam Græcam scriptam
 esse dulcissimè, ait Cicero. Sed im-
 prudens ferè præterieram, quem in
 hoc

hoc ordine primum numerare atq;
laudare debui, Catonem, qui & pru-
dentum princeps fuit, & quantus
fuerit historicus iam ante tempora
P. Mucii, testes fuerunt eius libri Ori-
ginum. Annos non excitabunt tali-
um Iurisconsultorum exempla: Sa-
nè & ipsius P. Mucii ætate Polybius,
cùm illis Annalibus, qui licet breues
& angusti essent, tamen Maximi ap-
pellabantur, quia conficerentur à
Pontificibus Max. minimè satis ex-
plicari posse res gestas, intelligeret,
ille (inquam) Polybius, homo qui-
dem Græcus, sed Romanorum eti-
am Imperatorum dux & præceptor,
cœpit fusiùs atque diligentius expo-
nere vniuersam historiam. Fuit hoc
(credo) pergratum nostro P. Mucio,
& cùm ipse in Reipublicæ admini-
stratione tam esset totus, vt (quod
tamen eius & Pontificatus Max. &
Iurisprudentiæ principatus postulare
videbatur) Annalibus consignandis
operam dare vix posset, non molestè

tulit, ab homine quoque Græco, qui rerum bene peritus erat, & doctrina sapientiaque præstabat, hanc curam suscipi. Quid igitur? An disiungi voluit, quæ hætenus fuerant coniuncta? Imò verò Polybius cum fieret historicus, factus etiam Iurisconsultus est, & quidem talis tantusque, ut & Achæorum vehementer hoc ambientium, omniumque ciuitatum, quæ sese Achæis coniunxerunt, hoc est, sapientissimarum ciuitatum, legumlator fuerit, & Reipublicæ rectè constituendæ atque gubernandæ Princeps, quemadmodum scribit Pausanias. Sic enim, qui historiarum bene peritus erat, imprimis idoneus esse visus est, non modò ad res gerendas, hoc est, ad bella administranda, sed & ad ius dicendum & ad ciuitatem regendam: & verò propter eà Scipionis Africani summi Imperatoris præceptor comesque fuit. Descripsit Romanam historiam eorum temporum, quibus Romani bellis

bellis gerendis, potius quàm legibus ferendis occupati fuerunt: sed quibus tamen temporibus optima, sapientissima, præstantissima fuit eorum Respublica. Itaque & ille de rebus ciuilibus in historia tam prudenter differit, vt (quæ Iurisprudentiæ prima summaque pars est) artem (vt Aristotelis verbo vtar) κυβερνητικὴν etiam docuisse videatur: sitque propterea dignus, cuius memoriæ consecrarentur illa, quæ olim apud Athenienses fuisse Plutarchus in Theseo narrat, festa κυβερνήσια. Vt autem hanc prudentiam colligeret, peruagatus erat & maria & terras: sicuti honoris causa inscriptum eius statuæ fuisse ait Pausanias: atque vt alter Vlysses, multorum mores spectauit & vrbes: qualem siue ἰσορίαν siue πολυτροπίαν Aristoteles in legulatore requirit. Sed quæ ille rerû vsû tot & laboribus & periculis quæsitum, cum doctrina liberali coniunxit, suis monumentis nunc fruendum nobis etiam

in vmbra sedentibus offert. An eo non vteremur? Ipse M. Brutus (at qualis, quantusque vir?) medio in ardore & strepitu belli, in ipsis Pompeii castris, & propè in procinctu atque acie, paulo antequàm commissa est pugna Pharsalica, contrahebat conficiebatque Epitomen historiæ Polybianæ, quam legendo propè triuerat. Neque verò hic mihi aliquis rideat historicum & propè rogatum militem, quem vix ipsa tuba potest abs libris abstrahere. Non enim temerè tunc in iis hærebat Brutus: neque tanquam securus aliquis Archimedes erudito puluere implicatus obsurduerat ad hostium fremitum. Sed libros audiebat rem militarem melius docentes, quàm vlla fecisset in ipsa acie concio vllius Imperatoris. Quidni enim & hanc ego disciplinam historiæ acceptam feram? Certe qualiscunque tandem sit ars militaris: eam ex stratagematum historia collectam esse constat. Sed ne ineptus

neptus videar, vererer, & Hannibal-
lis de Phormione iudicium vetus re-
formidarem, si pluribus eam rem
verbis persequar. Illud modò dicam:
non temerè Bruto placuisse exem-
plum ipsius Luculli: quem quidem
scribit Cicero, cùm ad Mithridati-
cum bellum missus esset à Senatu, sic
iter & nauigationem confecisse, par-
tim in percunctando à peritis, par-
tim in rebus gestis legendis, vt in A-
siam venerit factus Imperator, qui
Roma profectus erat rei militaris ru-
dis: tantusq; Imperator in omni bel-
li genere fuerit, vt Mithridates ille
Rex post Alexandrum maximus,
hunc à se maiorem ducem cognitū,
quàm quenquam eorum, quos le-
gisset, fateretur: in eodemque tanta
fuerit prudentia in constituendis tē-
perandisque ciuitatibus, tantaque æ-
quitas, vt hodie (inquit idem Cice-
ro) stet Asia Luculli institutis seruā-
dis, & quasi vestigiis persequendis.
Ergo & hunc iuuat admirari nobi-

lem historiæ alumnus , qui ex ea tantam rei ciuilis militarisque periti-
am hausit , quantam percipi posse
dico. Neque verò ingratus fuit , qui
cùm historias legisset diligenter , &
quantum Reip. prodesse possent , ex-
pertus esset , sedulo ad eas scribendas
se contulit , & vt aliis quoque popu-
lis hunc thesaurum communicaret ,
Græcè scripsit , atque ita scripsit , vt
non viderentur ab homine Roma-
no scriptæ. Sed & in eo etiamnum
adolescente tantum in hoc genere
studiorum fuit fiduciæ , vt ipsum
Hortensium & Sisennam provoca-
re ausus sit sponsione , Ni historiam
belli Marfici , siue Græca , siue Lati-
na , siue soluta , siue versibus astri-
cta oratione , rectius conscriberet.
Ergo & ipse Sulla talem iuuenem
tanti fecit , vt rerum abs se gestarum
commentarios abs se conscriptos
ad illum tanquam iudicem , Cen-
sorem , atque emendatorem mi-
serit : & in Sullano comitatu he-
rontem

rentem Cyrenenses , quorum erat perturbata Resp. mirabili animorum inductione appellauerint , talemque sibi dari legislatorem vehementissimè flagitarint. Neque eos vel opinio vel spes & expectatio fefellit. Nam cumulatè ille præstitit, quod ne ipse quidem Plato, Cyrenensibus rogantibus , suscipere ausus fuerat. Et dubitamus adhuc, quanta earum, de quibus nunc loquor , literarum vis & potestas sit? Cicero pro Cor. Balbo narrat, Pompeio in Hispaniam ad graue periculosumque bellum proficiscenti, lege lata datam esse potestatem , eos ciuitate donandi , qui se pro Reip. Ro. defensione strenuos præstitissent. Quid tunc Pompeius? Idem Cicero pro Archia, Noster (inquit) magnus, qui cum virtute, fortunam adæquauit , nonne Theophanem Mitilenæum scriptorem rerum suarum in concione militum , ciuitate donauit? Sed & diuinos huic

Theophani mortuo à Græcis honores habitos esse scribit Cor. Tacitus. Neque dubium est, tam hoc Pompeio gratum fuisse, quàm Scipionis Africani manibus gratum fuit, Ennii sui historici, statuam marmoream suo sepulchro impositam esse : ut quem vivens charissimum habuerat, mortuus etiam socium & comitem haberet. Verum historiæ magnum decus laudauero, si tres principes adiunxero, Sullam, Cæsarem, Augustum, quos illa tantopere celebravit, non eorum minus erga se, quàm suis erga illos beneficiis meritisque deuincta: illos dico tres maximos in maxima Rep. (si vnquam magni fuerunt) viros, & admirabili rerum siue gerendarum scientia, siue gestarum gloria nobilissimos: ac quidem in toga non minus quàm in saggo: domi (inquàm) & foris: quò magis in vtroque genere magistrum eorum agnoscamus, quàm & illi vicissim exornarunt, cum quidem præclare

clarè & facerēt scribenda, & scribe-
rent facienda. Cor. Sullam commē-
tarios rerum abs se gestarum cōscri-
psisse libris **xxii**. & quidem duo-
bus ante mortem diebus eos absol-
uisse, Plutarchus, qui eos legit & sæ-
pè laudat, testis est. Itaq; videri pos-
set Sulla vltro se abdicasse dictatura,
vt in priuato ocio illis dictandis atq;
componendis operam daret; sicuti
& cū abdicaret, in foro palàm pro-
fessus est sese suorum actorū ratio-
nem redditurum esse: cumq; me-
minerimus, quo morbo laborarit &
extinctus sit hic sexagenarius senex:
cogitamus valde huic studio deditū
fuisse, cui neq; horribilis morbi ve-
xatio, neque mortis instantis terror
potuit opus inchoatum eripere. Ad-
deò ille & Imperio & vita historiam
hanc habuit chariorem. Neque ve-
rò dubito, quin & in eam suas leges
Cornelias imprimis retulerit: vt &
in eorum librorum interitu magnā
Iurisprudentiæ iacturam fuisse non

nesciamus. Nihil iam de Crispo Salustio dicam (quanquam meritò dictus sit Crispus Romana primus in historia) qui gloriatur se composuisse res P. R. militiæ & domi gestas, M. Lepido, Q. Catulo Coss. & deinde, hoc est, à morte Sullæ. Sed non dubito excellentem & cum Sullana aptè coniunctam historiam fuisse: quam principes in Rep. viri sæpè legerent: vt Cato nescio quos commentarios actorum à temporibus Sullæ vsque ad suum magistratum, quinque talentis emisse & semper in manibus gestasse dicitur.

Venio ad Iulium Cæsarem, qui iocabatur Sullā nesciisse literas. Exstant eius commentarij, qui quanto pere historiam eorum temporū orrent, non est obscurum: neminemq; esse existimo, qui Ciceronis de ijs rectum iudicium, quàm Asinij Pollionis inuidiosam animaduersionē pluris non faciat. Credo equidem eius generis fuisse libellos illos, quos in Alexandrina seditione Cæsar præci-

pitatus in mare, & per ducētos passus nare coactus, ne maderet, elata manu tenebat, ore trahēs paludamentū. Adeo nihil habebat ijs monumētis antiquius. Nescio quæ barbara postea tempestas & iniuria temporis eos, tāquā demersos & fluctibus novis obrutos, nobis eripuerit. Sed vellem, tantum illi aduersaria factio concessisset vitæ & tēporis: vel ille, exemplo Sullæ, abdicasset: ut in ocio potuisset integrā omniū suorū actorū historiā cōtexere. Quantū & illa lumen nobilissimarum legum rerumque ciuiliū fuisset?

Tertius, cuius tēpora nō minus illustre arg. histor. suppeditarūt, fuit Aug. Is itaque de vita sua libros multos scripsit, quos & Iuriscōsulti nostri lubēter ac diligenter legerunt. Nā in Pādectis etiānum extat Vlpiani loc⁹, ubi tā laudatur decimus liber Augusti de sua vita, ut etiam legis loco sit & in eo Augustus scripsit se obseruasse, ut corpora corū, qui capite dānātur,

*L. i. Decad.
p. 11.*

cognatis ipsorum nō negaret. Citat & commentarios Augusti. Plutarchus in Bruto: & Appianus in Illyrico lubenter confitetur sese eos legisse, quibus ille res abs se gestas, gentesq; deuictas exposuerat. Deniq; & eius commentarios ad Agrippam & ad Mecœnatem laudat Plutarchus, vbi Ciceronem cum Demosthene comparat. Cingebat Augustum doctissimorum hominū quidam veluti chorus, minimē aut mutus aut segnīs. Erat & illi familiaris ipse Liuius. Sed maximus Imperator, quid sui etiam muneris esset, sciebat: & quibus literis suam Reipublicæ regendæ facultatem acceptā ferebat, eas ipse literas sua quoq; manu priuatoque studio magis atque magis colere atq; propagare voluit: iisque nō minorem, quā armis aut legibus, operā propter eā dedit, quō magis nos tali exemplo incitaret. Neq; modō suorum temporum, sed & superiorum historiam scripsit. Itaque & Plutar-

Plutarchus, vbi de Marcello & Annibale agit, laudat historias, non modò Liuij, sed & Augusti: & ijs potiùs, quàm ipsi etiam Polybio, fidem habere se profitetur. Et quē tandem non variè afficiat illa historia ciuilis, quam admiror imprimis, & abs maximis viris auctoribusque nobilissimis explicatam esse gaudeo, illam dico, quæ à temporibus Sullæ vsque ad Augustum versat Reipublicę Romanæ orbem? Quàm enim varias rerum conuersiones, subtiliumq; consiliorum miras insidias, tanquam cuniculos, & iis oppositas multiplices cautiones ostendit: vt concurrentibus ac veluti cōmissis ingeniis summis atque acerrimis domi forisque videamus congregi virtutem, prudentiam, doctrinam, eloquentiam, illustri & excelso positam in loco? Nominaui principes aliquot in ea maxima Rep. viros, qui & agēdo & scribendo illustrarunt historiā atque iuris prudentiam. Nescio, verecundior

Augusto fuerit, an ambitiosior, Adrianus, qui de sua vita libros abs se scriptos libertis literatis dedit, ut ipsi eos suis nominibus publicarēt, quē admodum scribit Spartianus. Sed hunc rursus maximum & præstantissimum Imperatorem tā de Iurisprudētia præclarē meritum, gaudeo historicum etiam scriptorē fuisse, qui & sapientissimus & literatissimus fuit. Neque verò nunc aliquis mihi obiiciat Imp. Claudium, qui licet in legendis scribendisque historiis multum operæ temporisque posuerit, tamen vecors fuerit & propē fatuus. Neque enim naturam planē mutare potuit: neque erat eius ingenium, in quod tanta sapientia, quantum historiæ suppeditat, cadere posset. Verū quātūvis tardus & hebes fuerit, sic earū tamē lectio, hominis stuporē castigasse videtur, ut & viderit multa, & sapienter multa dixerit. Cæterū hic mihi in mēre venit Iuba Rex, qui & illi fuit familiaris, & ad
cum

cum scripsit quædam historica, ille (inquam) vtriusq; Mauritaniæ Rex Iuba, sed studijs (vt ait Plinius) memorabilior quàm regno, nobilissim⁹ (iterû dico) Rex ille, quẽ Plutarchus scribit fuisse omnium, qui vnquam fuerunt Regij sanguinis, historicorû præstantissimû: quemq; nō modò de Africana, sed & Romana historia bene meritum esse tam agnouit ipse Claudius, vt Cæsaream, eius regiã, in Tingitania, Colonie Iure donauerit.

*Pli. lib. 5.
ca. 1.*

*Plutar. in
Sertorio.*

*Plinius lib.
5. cap. 2.*

Breuius fecero, si dixero me meliori Iure affirmare posse de historia, quod aliquando dixit Cicero de Agricultura. Ait, nihil sibi regalius videri, quàm studiû agri colendi. Ego verò dixerim, studiû historiarû multò esse regalius: neq; Regibus modò, sed & omnibus, qui aliquã alicuius Reip. partẽ gubernadã susceperunt, imprimis dignû esse. Fortasse diutius, quàm sit necesse, in hac cõmemoratione hæreo, vereorq; ne historiam, quam nondum ingressus sum,

intempestiuè delibare videar. Sed difficile est, ab ea, si vel leuiter attingeris, abstrahi. Interea vtcunque feci, quod volebam, vt indicarem, quos Ro. Resp. clarissimos gubernatores habuit, eos olim ex historiae schola, tâquam ex equo Troiano, prodiisse: & quos Iurisprudētia imprūnis laudat auctores, eosdem laudari posse historiarum magistros. Neque tamē, quod fortasse magis facere debebā, adhuc nostros illos Iurisconsultos, ex quorum responsis Pandectæ cōgestæ sunt, in hoc genere laudaui. Sed quantum illi & debuerint & tribuerint huic studio, quantumque ab eo ad Ius dicendum regēdamque Rēp. retulerint, breuiter dicere vix possē. Illud tamen saltem vnum dicā: Optimum & sapientissimum eorū Imperatorem Alexandrum Seuerum, qui Iurisprudētiæ maiestatem comiter conseruauit, quoties de Rep. deliberaret, siue res esset militaris, siue ciuilis, nullos magis quàm literatos,

ratos, hoc est, veterum literarum consultos, aduocasse, consuluisse, audiuisse. Ac Lampridius quidem ait, hunc, si de re militari ageretur, maximè eos, qui historiam norant, adhibuisse. Sed quis dubitat, quin multò id magis faceret, cum de re ciuili quaereretur? Cumque dicatur, nullam legem tulisse sine xx Iurisperitis, & alijs xxx viris doctissimis atque disertissimis: quis non dixerit, in eorum ordine primos fuisse historiarum peritos? Neque tamè dissimulo, quosdam, qui illi aderant, Iurisconsultos, aliquando earum non peritissimos fuisse videri. Saltem illa Pomponiana historiae Romanae epitome, quae Pandectis praefixa est, nisi si Triboniani aut librariorum culpa sit, habet aliquid *avergentias*, si ingenuè confiteri, quod res est, licet. Atque hìc quidem mihi in mentem venit Dio: illum dico Dionem, qui eo tempore cum sedisset inter nostros Iurisconsultos, neque iis in Reipublicae ad-

ministratione cessisset, tãdem secessit, vt historiam Romanam ab vrbe condita vsque ad suam ætatem, quæ annorum propè nongentorum historia nobilissima est, diligentius cõscriberet. Quod quidem diligentissimè eum perfecisse non inuitus confiteor, tametsi eũ videam nostris Iurisconsultis maligne inuidisse. Sed quos in Iure ciuili consequi non poterat, in historia superare conatus est: credo quæ Iurisconsultos tam fuisse ingenuos, vt hanc ei laudem lubenter tribuerint. Sanè Capito Iurisconsultus hortatus aliquãdo est Plinium, vt historiam scriberet. Sed ipse dignus erat, cui Plinius responderet quod Tacito tale quippiam postulanti responderat. Nam neq; eam minùs præclare, quàm Tacitus, noster Capito fortasse scribere poruisset: quæ quidẽ totius antiquitatis peritissimũ fuisse Pliniº, alijs alioqui Iuriscõsultis aliquando iniquus, etiam fateatur. Suspikor, quæ occupationes

Capito-

Capitonem tali ſcriptioni operam dare paſſæ non ſunt, iisdem occupationibus alios eiſdem ordinis Iuriſprudentes fuiſſe ab ea diſtractos. Sed ſi iam ad noſtra tempora, quæ maximis & doctiſſimis hominibus, hoc eſt, Iuriſconſultis *in exatatis*, & hiſtoricis Iuriſcōſultisſimis abundant, deſcendere vellem, facile equidem cum multorum laude perficerem, ut auditores noſtri magnis eorum exemplis excitati, maiori ſtudio maximaque contentione animorū perſequerentur illam neceſſariam ſtudiorum coniunctionem, quam tantoperè commendo. Ceterum in eam commemorationem noſtrorum veluti ducum & magiſtrorū nunc ingredi nō auſim, ne, ſi de ſingulis dixerō, infinita ſit oratio: ſi non de omnibus, ingrata. Si a uorū noſtrorū ætatē & ſuperiorū aliquot ſeculorū memoriā replicemus, fateor nō occurrere tam in hoc genere præclara noſtri ordinis lumina. Sed ne illa quidem
ætas

ætas planè sibi defuit. Nam & quo tempore equites Galli & Belgæ habuerunt suum Philippum Cominæum, quem iactabant & gloriabantur cum veteribus historicis esse comparandum: Iurisconsulti & in Hispania habuerunt quendam Ælium Antonium maximi sui Regis Ferdinandi historicum scriptorem literatum: & in Italia (vt de Donato Boffio Mediolanensi nunc non loquar) suum Pandulfum Collinutium: quem & Germania Latinè orantem admirata est legatum ducis Ferrariensis ad Imperatorem Maximilianum, & ipse Politianus tãti fecit, vt supra modum laudaret. Alius fortasse & Ælij illius Antonij de rebus Hispanicis Latinè scriptas, & Collinutij Italicas Regni Neapolitani historias non cedere Frãcis Cominæi monumentis cõtèderet. Ego sinceræ bonæq; fidei laude Cominæum, alios literarum gloria excelluisse agnosco. Vtinã verò maiorem in ijs Iurisprudentiã laudare etiam

etiam possem. Cùm Collinutius describit deliberationem de Corradini supplicio, aspergit quippiam ex libris legum. Sed res merebatur diu-dicationem illustriorem: sicuti & illa, quam delibat, quæstio de Iure Alphonfi in regno Siculo vel Neapolitano. Verùm hi non erant fortasse tam Iurisperiti historici, quàm dicebantur. Nostra ætas meritò admirata est, & historiæ causa, Paulum Iouium, & Iurisprudentiæ, Andreæ Alciatum: & tam arctam eorum amicitiam atque coniunctionem, vt illius pagina prima, huius nomen præ se ferat, lubenter vidit: hocque exemplo studium vtrunque magis atque magis coalescere in vno posse putat. Sed maiora decora sunt, quæ nunc prædicare vellem. Cicero libro III. de Legib. scribit, post Phaleræum illum Demetrium, qui mirabiliter doctrinam ex vmbraculis eruditorum ocioque, non modò in aciem atque in puluerem, sed in ipsam

psum discrimē aciemque produxit, vix quemquam (tamen si se verecūde excipiat) deinde inueniri potuisse, qui vtraque re excelleret, vt & doctrinę studijs & regēda ciuitate princeps esset. Verū ne nostra quidem ætas tam effæta est, quin plures etiam Demetrios proferre nunc possit, si & ad res gerendas producantur, & suas ipsi literas proferant, qui in vtroque genere excellere possunt. Quales fuerint Demetrij actiones, historia exponit. Quales eiusdem scriptiones in historia fuerint, ex reliquiis, quas alij scriptores citant, & ipse Plutarchus in suis Vitis laudat, æstimare vtcunq; possumus. Sed quis de multis, qui hoc seculo florent, viris magnis, maiora non speret? Vt verò talium virorum semen non intereat, vellem, & valde profectò vellem, talem aliquando aperiri ludum ciuiliū studiorum, ex quo Prudentes eruditi non ad priuatam modò Iurisdictionem, sed & ad maiorem

rem

rem tuendæ Reip. facultatem & Imperiorum rectionem prodeât. Quâdiu quidē certè in scholis nostris tantum textentur & retexentur subtiles quædam & exiles, & prope inanes theoriæ, tanquam tenues telæ cuiusdam ociosi iuris in suis apicibus & umbra pendentis: nihil agimus. Equidem multos iam annos consumpsi in iure docendo, neque eius adhuc me laboris pœnitet: & lubenter prædicō aliorum in eo genere bene positos labores. Sed maius quippiam desidero: & ubi consistendū non est, multos qui altius ire possent, ibi hædere implicatos tanquam in luto, vehementer doleo. Saltem nunquam putabo temerè factum esse ab Aristotele, quòd reprehenderit eos iuris doctores, qui ius priuatum οἰκὸς τῶν Συλλαγμάτων, tantum docent: publicum de bello, de pace, de fœderibus, de vectigalibus non attingunt. Id verò si exponendum etiam est, ut est omnino:

nonne

nonne in primis accersenda est historia? Non est satis posse nos *λεπτολογεῖν* vel de pactis nudis, vel de iure sui, vel de talibus mysteriis, quorum vix vllus nunc vsus est. Longè sunt aliæ in Republica nostra quæstiones, de quibus dicenda est sententia: neque dici rectè potest, præterquàm ex formula antiquitatis. Atque hîc mihi de studiorum ciuiliū conditione cogitanti quippiam historia ipsa suggerit, quod non dissimulabo. Plutarchus in Agesil. narrat, Xenophōtem ab Agesilao accersitum esse, vt pueros Spartanos doceret artem parendi atque imperandi, qua nulla sit præstantior. Equidem eius artis idoneum doctorem fuisse Xenophonem existimo, non modo quòd philosophus, sed multò magis quòd historicus esset. Si dicam tales nunc doctores scholis ciuilibus præficiendos esse, qui ex historia & Iurisprudentia repetant & doceant talem artem: credo, statim veniet in mentem
vetus.

vetus illud, Tu regere imperio populos Romane memento, (Hæ tibi erunt artes) paciꝛue imponere morem. Idem Plutarchus in Themist. narrat Solonem illũ & doctissimum & sapientissimum legislatorem, fuisse cuiusdam ciuilis sapientiæ professorem, quæ auditoribus in generaret iudiciũ, ad Reipublicæ gubernationem, non minũs, quàm si longus rerum vsus accessisset, benè cõparatum: eiusque scientiæ, cuius schola diu conseruata fuerit Athenis, primum doctorem fuisse quendam Mnesiphilum Phrearium Themistoclis præceptorem, virum in ea doctrina præstantem, licet neque oratoriæ eloquentiæ, neque Philosophiæ naturalis studio deditus esset. Sed alios, qui successerunt, corrupisse hæc disciplinam, & nescio quam artem litigandi illius loco docuisse: proptereaque discipulos pro sophis factos esse sophistas. Non lubet nunc eodem exemplo queri de corruptio-

tempore, loquens de corrupta togatæ iuuentutis institutione, conqueritur, nec in auctoribus (vt ait) cognoscendis, nec in euoluenda Antiquitate, nec in noticia vel rerum, vel hominum, vel temporum satis operæ infumi: sed expectari nescio quos Rhetores &c. Conqueritur etiã, eloquentiam circumcisam, sine apparatu, sine honore, & propè sine ingenuitate, quasi vnã ex sordidissimis artificijs addisci, cum & disertis eorũ temporũ, ignorēt leges, nō teneāt senatus consulta, ius ciuitatis vtrò derideant, sapientiæ studiũ & præcepta Prudentũ penitus reformidēt. Equidē conqueri multò magis possem de ineptis & inanibus studiis iuris circumcisi, quod sordidè docetur. Sed nũc nō iuuat indulgere querelis. Cæterũ cum cogito, quænam illa fuerit Mnesiphilina disciplina, quã ab Plutarcho laudatam esse dixi, aliam cogitare non possum, quàm historicam; neque illius restituendę aliam

possum inire rationem, quàm historia & iurisprudentiæ coniunctionē. Viderint Academici, quo iure sese olim appellarint philosophos politicos: viderint Peripatetici, qui suam disciplinam referri ad Rerum publicarum rectionem gloriabantur. Ego hanc demum laudem tribuero illis literis, quas cominendo: sicuti & historicos libros rectè appellari libros Principū, lubenter agnosco: & quod principibus præscribitur, omnibus Rerum publicarum gubernatoribus præscribi sentio. Scribant alij, quod volent, de Principum educatione, institutione, & vt (verbo Ciceronis vtar) catechesi. Teneo illud Opt. Max. Imp. Theodosij ad Honorium suum filium, quod Claudianus eleganter expressit, præceptum,

*Interea Musis, animus dum mollior,
instes,*

*Et quæ mox imitere, legas. nec desinat
unquam*

*um Græcia loqui, tecum Romana
vetustas.* *Anti-*

Antiquos enolue Duces, &c.

Si huic mandato patris paruisset Honorius, tam & se & paternum suumque seruasset imperium, quàm, quia illius immemor fuit, vtrunque miserè perdidit. Sed quàm magno suo malo, oblitus paterni praecepti est, tam illius admonitionis sapientes deinde & boni quidam principes usum explicarunt magna cum sua laude & Reip. salute. Ac ne longius abs Theodosij patria familiaque recedam, liceat hîc mihi duos ex Hispania Alphonfos repetere, quos etiam cum Traiano & Theodosio cōparare liceat. Liceat nunc meo animo paululùm indulgere, & præteritis aliis, quos literæ Græcæ Latinæq; prædicant satis, illorum memoriam colere, quibus cur assentari velim, nulla suspicio est: & quibus tamen tantùm debent literæ, quas illi propè sepultas, ut potuerunt, excitarunt; ut si in eorum laudibus nunc mutæ sint, nimium futuræ sint ingrata:

denique qui quo tempore de literis & disciplinis, actum esse videbatur, triumphantem barbariem percule-
runt, & signo altè sublato illas bene sperare iusserunt : vt etiam ad id, quod nunc agimus, exemplum nobilius proferri vix possit, quod nostri imitari debeant.

An non est admirabilis prior ille Alphonſus, qui ante annos trecentos, leges suę Hispanię dedit, historiam collegit, mathemata illustrauit? Diuinum profectò fuit eius beneficium, cùm in media illorum temporum caligine, tot & sumptibus & laboribus tabulas astronomicas confecit, & motuum cœlestium canones restituit. Sed an minori laude digna fuit eius voluntas, cùm præter eà iussit Historiam conscribi, quam etiamnum vocant Generalem? Audierat patrem suum Fernandũ mandasse Roderico Antistiti Toletano, vt rerum in Hispania gestarum, quarum memoriam, non tam Gothica, quàm

quàm Arabica vastatio deleuerat, historiam ad sua vsque tempora colligeret. Sed patrem in hoc genere superare filius generosus (quòd in ea non modò tempestate, sed & gente mirari satis non possum) conatus est. Audio eum quadringenta aureorum millia impèdisse ad mathematicum restitutionem, & remunerandos Mauros atque Saracenos, quos ex Corduba & Africa eo nomine euocauerat, cùm iam soli superessent, qui tales docere, & in integrum restituere disciplinas possent. Sic enim & ipsum Alexandrum superare uoluit, qui Aristoteli historiam animalium describèti tam liberaliter sumptus suppeditauit. Sed maioris etià, credo, redemisset, si nancisci quam & qualem optabat, generalem historiam potuisset: neque dubito, si Liuius in Italia tunc superstes fuisset, ut ad eum audiendum olim ab extremis Gadibus quidam accurrisse dicuntur, protinus in Italiam aduolasset

Alphonfus, vt quouis precio talem historici operis architectum & redemptorem conduceret. Si in hoc genere non præstitit, quod nunc aliquis desideraret: per illum certè non stetit. Interea vt magis atque magis profiteretur, sese historiarum legumque literis acceptam ferre suam bene regnandi facultatem: librum suis insignibus Regiis, suoque sceptro & Labaro iussit appingi. Neq; tam aut ingrata aut stupida, quæ tamen parum literata tunc erat, Europa fuit, quin attonita eruperit in illam veluti exclamationem, quam olim S. P. Q. R. extulit cum de Imp. Tacito agebatur, QVIS MELIUS QUAM LITERATVS IMPERAT: Hic Imper. Tacitus, vt & literatam artem bene imperandi, ex historiis repetendam esse profiteretur, eamque conseruaret, edixerat, sui Cornelij Taciti Annales quotannis decies publicè exscribi debere, & in omnibus Bibliothecis adseruari, atque adeo in Ciuicis archiis,

chiis, ut ait Flavius Vopiscus. An minorem suorum huius generis studiorum significationem dabat Alphon-
sus? Ergo & Germania ad Imperium,
R. P. C. causa, illum ultro accersivit.
Sed Alphonfus Imperio tali propter
literas dignus, ut erat, videri maluit,
quàm illo gerendo tuendoque occupa-
tus distrahi abs literarum, quarum
iam curam susceperat, procuratio-
ne. Ceterum ducentis post annis, al-
ter, qui septimo inter eius nepotes
gradu numeratur, Alphonfus, Italiae
imperare non recusavit: atque ita
imperavit, ut & literas se scire osten-
deret, & Italia dictatorem alium
nollet. Non disputo de adoptionis
iure vel iniuria, cuius nomine con-
secutus sit regnum Neapolitanum,
post longam & difficilem conten-
tionem. Sed ut eius pater, Iusti, sic ip-
se Docti Regis cognomen meruit:
& quibus literis armatus patrimoni-
um auxit, iisdem literis gratiam li-
beraliter retulit. Nam & audiebatur

(ne antiquiora reuoluamus) Carolum V. Franciæ Regem meruisse cognomen Sapientis , & , licet ab hostibus vndique peteretur , bene & beatè regnasse rogatum semper , armatum nunquam : librisque bonorum consiliorum auctoribus magis quàm militibus circumfusus. Imò verò audiebat ipsum , cui centum post annos veluti succedebat , Robertum Regem Neapolitanum , belli pacisque artibus multisque virtutibus , non minus , quam Francica vel Andegauensi familia nobilem , nihil habuisse antiquius studiis literarum , tantique ea fecisse , vt literas , quarum præsidio facultatem bene regnandi acceptam ferebat , regni possessione chariores sibi esse prædicaret , & propterea Franciscum Petrarcham arctissimè complecteretur. Ergo cum auitæ virtutis gloriam beneque regnandi artem literatam etiam amplificasset Alphon-

sus,

fus, suis rursus clypeis atque signis librum appinxit: ut & gloriari solebat nullos se habere meliores, quam mortuos, consiliarios (quo verbo libros significabat) & ex hostium, quos vinceret, vel ciuitatum, quas expugnaret (fuit enim nobilissimis victoriis clarissimus) spoliis nullam prædam tanti fecit, quanti antiquum aliquod fortè in iis inuentum, volumen. Hæc enim illi erant optima spolia. Neque verò talibus armis inter arma vnquam caruit. Narrat Plutarchus, Alexandrum, cum in Asiam tam longè progressus esset, ut iam libros inuenire nullos posset, mandasse Harpalo, sibi ex Græcia aliquos mitti. Missas autem fuisse in primis historias Philisti, illius (credo) quem Cicero tanto opere laudat. Hunc ergo habuit Alexander suarum expeditionum, comitem, non contentus Homeri Iliade, quam alioqui cum suo pugione coniunctam ne dormiens

quidem dimittebat. Non dissimili exemplo Alphonsus historiam Liuianam semper habebat comitem: cuius quidem tanti fecit auctorem, ut cum audiret Patauij inuentam esse urnam cinerum atque ossium Liuianorum, statim legatos eò miserit, qui vel prece vel precio tales reliquias redimerent. Cum Patauini exuias optimi sui ciuis ab alienare nolent, saltem impetrauit vnum aliquod os brachij, quod magnamuneris loco illi donarunt tanquam studiorum fautori, ut lapidea tabula etiamnum testatur. Quid non ille fecisset, si integrum corpus Liuiianę historię redimeret? Laurētium Valiam, qui apud talem Regem viuere & exulare, quàm Romę in patria esse maluit, mirificè est complexus: eumque cum non modo Aragonicę historię memoriam, illustrare suis monumentis intelligeret, sed & de Persarum & Græcorum historia differrentem quotidie audiret, non quie-

uit,

uit, donec eum ad conuertendum in linguam Latinā Herodotum etiam impelleret: cumque in eo labore immortuus doctissimus senex opus minime perpolitum reliquisset, tamen Alphonsus Italiam diutius hac memoria carere noluit, & qualiscunq; ea esset, tam lubenter hanc legi publice optauit, quā ab ipso primum Herodoto in frequentissimo Græciæ conuentu Olympico, talem historiam cum omnium admiratione & applausu incredibili recitatam olim fuisse audiebat. Ergo & Thucydidē, quem puerum Herodoti recitatio mirifice commouerat, ab eodē Laurentio Latinum fieri curauit: & eam translationem, cū melior non daretur, tanti fecit, vt in ea edenda non recusaret imitari Demosthenē, quē octies suis digitis descripsisse Thucydidis libros, accepimus. Denique cū Æneas Sylui^o ex Germania misisset Arrianum de Alexandri rebus gestis non tam Latinum factū, quā

ad Sigismundi Imp. captum vix Latine balbutientem, Alphonsus ne cum quidem neglexit. Adeo nihil eorum prætermittebat, quibus hæc studia historiarum adiuuari eo seculo posse putaret. Denique cum æger aliquando decumberet, & legendo Curtium, qui eam Latine scripsit historiam, quam Græcè Arrianus, ita se oblectasset, ut animi & corporis languentis vires collapsas etiam recreasset, exclamauit, non esse in Hippocrate vel Galeno sanio rem medicinam suauio remque curationem. Pluribus fortasse verbis, quam erat necesse, dixi de Alphonso. Sed cum eius recordatio plusculum me delectauit, tum verò exemplum, quod occurrebat, dignissimum esse putavi, quod nostris hodie commendarem, Principemque illum, quem ante annos centum Italia colebat viuentem, & doctorum hominum chorus Mæcenatem vnicum habebat.

bat, iudicaui satis laudari non posse, cum quidem & historiam iacentem excitavit, & eum historia non modo morbo laborantem liberauerit, sed & mortuum immortalī memoriæ consecrauerit. Mirificè verò accidit, ut quo is tempore moriens literas veluti orbas relinqueret, Matthias Corvinus adolescens ex carcere ad Regnum Pannoniæ sit euocatus propter eam virtutis indolem, propter quam Alphonsus Italia Regem dixerat: hicque Matthias, ut Alphonsi neptem uxorem duxerit, sic & librorum historiarumque curam tanquam hæres Alphonsi suscepit: qualemque ex ea fructum perciperet, bene & sapienter imperando palam ostenderit: denique ut non modo Italia, sed & altera illa pars orbis superstites ex Bizantino excidio & veluti profugos tristiciæ naufragio eiectiones libros bonos exciperet atque adseruaret, Budensem

aperuit bibliothecam: in qua non minus, quàm in castris, lubenter versabatur: in eaque recondidit illos librorum thesauros, qui mox editi Europam recrearunt. Vix audeo recitare quàm superbum huius Regis sepulcro carmen mæsta attonitaque Italia inscripserit:

*Coruine breuis hac urna est: quem magna
fatentur*

Facta fuisse Deum: fata fuisse hominem.

Sed quantus Rex fuerit: litterarum historiarumque præsidio magnitudinem suam acceptam ferre solebat. Cuius quidem Principis laude cò delector magis, quòd legū ciuiliū memoriā verā & castā cum historiarum studio coniungere etiam voluerit, euocatis propterea cum vxore, Alphonsi nepte, clarissimis, qui in Neapolitano gymnasio essent, iuris interpretibus: & eorum iudicio præditus fuerit, vt cum degenerem & adulterinam ab ijs allatam esse Iurisprudentiam intelligeret,

geret, hanc cum illis relegauerit atque exterminauerit. Et si in nostræ quoque ætatis Regibus & principibus nonnullis non dissimilia exempla laudare possim: tamen quia non modò ab assentatione, sed & ab omni suspitione assentationis abhorreo: illa nunc non prædicabo: & abs principibus, quos tamen hisce studijs deditos imprimis esse velim, ad priuatos me conuertam, quos & historiæ, si ita loqui licet, diuinitatem magis atque magis agnoscere cupio. Neque tamen cum id ago, ab exemplo, quod in hanc me commemorationem induxit, erit alienum quod nunc dicam. Nam quod Alphonsus Rex æger & decumbens aliquando sensit, me admonet, vt denique profiterar, eam in historiæ cognitione inesse vim consolationis, vt quisque sentire possit in grauissimis animi morbis presentem esse medicinam: quò magis & si nobis viuendum sit priuatis, & relictis ciuitatibus incolenda ali-

qua solitudo (quod fortasse in hac rerum temporumque perturbatione, & deprauatissimis ingratorum hominum iudicijs, nunc optare magis debemus) talem semper habere velimus comitem. Et verò, aut nescio quænam & vbi sit animi merentis ingenua veraque oblectatio, recreatio, consolatio: aut hæc certè est: quæ & hoc efficit, vt nihil nouum nobis, quod quidem nos valde tanquam atronitos percellat, nihilque insolens occurrat: atque etiam præstet, vt sentiamus verum esse vetus illud, Nil admirari propè res est vna, Beatus, Quæ possit facere. &c. Neq; non, multos, qui, quod dico, confirmabunt, & quod experti quoq; sunt, adseuerabunt, bonos testes ciere facile possem, si hîc rursus commemorare velim, quod ipsa nobis Historia commemorat. Sed si hoc faciam, rursus video longiorem hanc orationem fore. Itaque vnum ex multis Ciceronem accersam, quæ in hisce commentariis

mentariis sæpius appellauī , & cui nemo non fidem lubenter habuerit. Is cum tristissimis temporibus lugeret casum & ruinam Reip. grauique mærore conficeretur , & Atticum atque Brutum ad se venientes consolationis causa , salutasset , Vos verò (inquit) Attice , & præsentem me cura leuatis , & absenti magna solacia dedistis. Nam vestris primùm literis recreatus , me ad pristina studia reuocaui. &c.

Postquàm autem de literis Bruti dixit , & rogaret Brutus , ecquæ præterea essent Attici literæ , quæ eū delectauerunt: Istæ verò (inquit) Brute non solum delectationem mihi , sed etiam salutem , vt spero attulerunt. Salutem? exclamauit Brutus. Quodnam tandem genus istud tam præclarum literarum fuit? Tum Cicero , An mihi potuit esse aut gratior vlla salutatio , aut ad hoc tempus aptior , quàm Attici liber. quo me affatus quasi iacentem excitauit, Hic Brutus,

Brutus, Nempe cum dicis, quo iste omnem rerum memoriam, breuiter, & vt mihi quidem videtur, per-diligenter, complexus est. Respon-det Cicero: Istum ipsum Brute dico librum mihi salutis fuisse. Hic Atti-cus, Optatissimum (inquit) mihi quidem est, quod dicis. Sed quid tan-dem habuit liber iste, quod tibi aut nouum, aut tanto vsui posset esse? Hic Marcus, Ille verò (inquit) & no-ua mihi quidem multa, & eam utili-tatem, quam requirebam, vt expli-catis ordinibus temporum, vno in conspectu omnia viderem: quæ cum studiosè tractare cœpissem, ipsa mi-hi tractatio literarum salutaris fuit, &c.

Hunc ego Ciceronis locum lubè-ter ascripsi, ex quo intelligamus quā-tum vir magnus & sapiens consolati-onis, ex historiæ tractatione perce-perit. Multum tamen abest, vt expo-nat, quicquid percipi præterea pos-set. Potuit ille fortasse, Veterum Ma-iorum.

iorumq; suorum recordatione tam valde affici, ut animum abduceret atque auocaret abs sensu presentium malorum: aut acerbum eorum sensum utcumque leniret, & in omni varietate fortunæ sese, aliorum exemplo, sustentaret: cum quidem meminisset, quæ semper fuerit conditio bonorum virorum, quæ rerum humanarum, quæ Rerum pub? Sed non vidit in historia quod firmiorem consolationem attulisset: videri verò à profanis hominibus non potest. Agè verò, quia triū illorum doctissimorum sapientissimorumque virorum colloquium in hoc genere nos oblectauit, quartus non intempestiuè accedat, eorum æqualis, & (ut nobis gratior etiam sit) Iurisconsultus magnus. Is est Seruius Sulpicius: qui cum nihil non faceret, ut & Ciceronem, qui filiæ deflebat mortem, & seipsum, qui interitum Reip. lugebat, consolaretur, ita scripsit ad Ciceronem: Quæ res mihi non medio-
crem

“crem consolationem attulit, volo ti-
 “bi commemorare, si fortè eadem res
 “tibi minuere dolorem possit. Ex A-
 “lia rediens, cùm ab Æginâ Megaram
 “versus nauigarem, cœpi regiones
 “circùm circa prospicere. Post me erat
 “Ægina, ante Megara, dextrâ Piræus,
 “sinistrâ Corinthus: quæ oppida quo-
 “dam tempore florentissima fuerunt,
 “nunc prostrata & diruta ante ocu-
 “los iacent. Cœpi egomet mecum
 sic cogitare: Hem, nos homunculi
 indignamur, si quis nostrum interiit
 aut occisus est, quorû vita breuior es-
 se debet, cùm vno loco tot oppidum
 cadauera proiecta iaceant? visne tu
 te Serui cohibere, & meminisse, ho-
 minem te esse natum? Crede mihi,
 cogitatione ea non mediocriter sum
 confirmatus. &c.

Si vna illa nauigatio brevis osten-
 tans ruinas & parietinas aliquot op-
 pidorum Græciæ, Seruium nostrum
 admonuit, quàm sint caducæ & in-
 stabiles res humanæ: eique sapien-
 tissimam

tissimam obiecit cogitationem, qua
suum & Reip. casum æquius ferat:
quid vniuersa historia, cum nos
vehet atque circumferet per totum
terrarum orbem, nobisque spectan-
das dabit omnibus seculis perpe-
tuas illius conuersiones, tot tamque
multiplices Rerump. euerfiones, tot
regnorum interitus, tot populor-
um strages, tot vrbiũ vastitatem:
& in tanta tamen fortunæ varietate
totque casibus, quorundam viro-
rum agitatem magis quàm labefa-
ctam constantiam: quid (inquam)
illa quantumque consolationis ad-
ferre nobis potest? Iam verò si (quod
caput est) accedat religiosa consi-
deratio diuinæ providentiæ, cuius
memoria nunquam abesse ab histo-
ria debet: quæ tandem ærumnæ
nostræ tantæ esse possunt, quarum
acerbum sensum illa non leniat,
cum earum causam atque finem
ostendet? Quid alij sentiant, ne-
scio. Sed quod sum expertus, affir-
mare

mare possum: cum iam inde abs pueritia me multi acerbi casus iactauerint atque vexauerint, vnum inter tot fluctus portum, in quo acquiescerem, fuisse historiam: mihi què planè aliter quàm Plutarcho accidisse. Scribit Plutarchus sese primùm suscepisse scribendas illustrium virorum vitas, vt alijs prodesset: sed se deinde in eo opere profuisse sibi ipsi, & ex eo fructum honestissimæ recreationis priuatim percepisse. Ego verò profiteor memèa priuatim causa primùm accessisse ad aliquam historiæ lectionem: sed in ea statim tantum liberalis vtilitatis agnouisse, vt alijs fieri communem valde optauerim. Sæpe iam sæpe in ista & ingratorum & perfidiosorum & improborum hominum colluione, quæ latè grassatur, & Remp. inuoluit, & omnes propè vias obsidet, & nouam, ex qua quæstum faciunt, artem calumniandi, maledicendi, turbarumque ciendarum, religionis etiam

tiam nomine tegere audet, cum nulum sanis consilijs relictum esse locum videmus, cogitamus in solas terras, ubi (quod ille olim dicebat) non audiamus facta Pelopidarum: vel aliquem desideramus secessum, in quo cum liberos gemitus effundere, tum verò aliquid consolationis percipere, & horum malorum obliuisci possimus. Sed historia mihi visa est, quod quaeritur, offerre. Cumque tali nuper comite vterer ex Germania veniens in Galliam, toto illa itinere me multas regiones circumspicientem, multa que de rebus humanis cogitantem in ista nostri orbis confusione mirabiliter consolata est. Neque minus mihi adfuit, cum deinde præter omnem expectationem fortè adhibitus essem ad quasdam de Rep. & religione grauissimas deliberationes. Sed ad has illam omnino pertinere omnes fatentur: & qui in ijs sæpius versantur, si modò adferunt ad eas, quod debent, sæpius experiuntur.

Lib. I. Rhet.

tur, verissimū esse, quod Aristoteles scripsit, *ισοείας χρησιμότης εἶναι πρὸς τὰς πολιτικὰς συμβουλὰς*. Verū si quis est veteri memoria, qui reipsa ostēderit, nō temerē ex dictū id esse ab Aristotele, is est Cicero. Dixit aliquādo : Exēpla ex veteri memoria & monumētis & literis, plena dignitatis, plena antiquitatis, plurimum solēt & auctoritatis habere ad probandum, & iucunditatis ad audiendum. Sed quam aptē ijs ipse vsus sit, siue de priuata siue de publica re ageretur, lubenter audio. Neque suorum modō Romanorum Maiorumūe exemplis, tanquam pręiudiciis passim vti solet, sed & aliorū populorum. Quid locos, qui innumerales sunt, nunc indicarem? Totus Cicero describendus & huic libro assuendus esset. Sed vt vnum ex multis, locum delibem : iuuat illud exemplum notare, quo vsus est sapientissimē in re magna & summo aliqui Reipublicę periculo : & quod hac ætate tā nobis in mētem veniret, vellem,

vellem, quàm Veteribus sæpe venit. Nam etsi hunc solum historiæ fructum perciperemus, vberimus tamen is esset. Biduo post occisum Cæsarem, cum percussores in Capitolio veluti inclusi essent, & summa esset rerum perturbatio, M. Antonius Consul Senatū vocat in Telluris. Adest & Cicero, rogatusq; vt de Republica sententiam dicat, vetus exemplum τῆς ἀμνησίας ex historia Græcorum repetit, & consulit vt fiat, quod ante annos plusquàm trecentos & quinquaginta Athenis factum erat, cum Thrasylbulus xxx. tyrannos expulisset: prædicatque hoc deinde suum rursus consilium in Senatu. In templo (inquit) Telluris, quantum in me fuit, ieci fundamenta pacis, Atheniensiumque renouaui vetus exemplum: Græcum etiam verbum vsurpauī, quo tum in sedandis discordijs erat vsa ciuitas illa: atque omnem memoriam discordiarum, obliuione sempiterna de-

Polybius desiderat, desidero historiam esse *πραγματικὴν*: sed ut nostri dicere solent, Iurisprudentiam non solum *θεωρητικὴν*, sed etiam *πρακτικὴν* esse, esseque debere: sic ego historiam. Neque non poterit talis esse, si bene perlegatur tota. Nam & ipsa sæpe indicat, quomodo quove fini posteritas, ubi res postulabat, vñ sit exemplis, memoria, auctoritate antiquitatis. Sicque historiæ, quodammodo ut leges, legendæ sunt, hoc est, ut priores ad posteriores, & rursus posteriores ad priores apta quadam collatione trahantur. Neque solum ubi posterior priorem laudat, id in lectione quoque prioris observare debemus, sed & *παρομιμνησκα* (ut Plutarchi verbo utar) conferenda sunt. Saltem quod superiori seculo quidam Florentinus in Liuianæ historiæ parte utiliter facere in rem suam suorumq; Italorum curatus est: multò id magis faciendum esset in historia universa, [præsertim ubi & res digna est,

& non inepta occurrit comparatio: denique ex hypothesi historica sæpe colligenda est politica veluti thesis. Vt iam de Cicerone & nostris Iurisconsultis non loquar, qui id sapientissimè faciunt: Ipse Aristoteles in suis Politicis, quàm rectè id agit, etsi in Græcorū historia, quæ angusta est, hæreat? Vbi tales adsunt monitores, ibi demum agitur, quod debet. Vt autem prioris memoriam sæpe refricat historia posterior: sic & prior non raro quibusdam tanquam vaticinijs adumbrat futuram consecutionem posterioris, & veluti prædicendo commouet expectationem. Ac in sacra quidem historia non solum multæ tanquam fatales regulæ ex Decretis diuinis repetitæ in vniuersum traduntur de ijs, quæ consecutura sunt: sed & certa, & aperta, & definita oracula interdum eduntur, quæ apertè præmonent, & tanqua digito præmonstrant futuros euentus: & aliquando ipsis etiam
annis

annis prius numeratis, articulum temporis indicant. Sic in Ieremiæ, Ezechielis, Danielis, & talium Prophetarum vaticinijs, audiemus liquidò multa prædici futura, quæ postea legimus eodem planè modo accidisse. Quid de Sibyllinis & alijs, quæ ipsi etiam Ethnici iactarunt, oraculis dicam? Etiam ubi postea fictas esse prædictiones scimus, tamen earum nos lectio delectat: vt cum apud Ciceronem, Somnium Scipionis, vel apud Virgilium, orationem Anchisæ legimus de futura Ro. Republica. Multo nos igitur magis mouebunt prædictiones de conuersione & periodo Imperiorum, & magnarum urbium excidio, cum & eas ipso euentu confirmatas, & multo tamen antè editas esse legimus. Varro narrare solebat (vt Cæsorinus refert) se audiuisse Vectium quendam Augurem, prædicentem, quia Imperium Romanum durauerat annis c. xx. duraturum m. cc. annis. Quod se au-

gurari dicebat ex XII. vulturibus Romuli: quasi illi significasset aut duodecies decem, aut duodecies centum. Sed & Zonaras recitat Valentem quendam Astronomum tempore Constantini, post celebratum natalem urbis Constantinopolitanę, prędixisse eam veluti victuram annis 696. Historia certę, cū Romę & Constantinopoli, quasi in duabus suis pręcipuis scenis, versatur, non potest non mirari, cū audit prędictum de ijs ita esse, quod ipsa postea factum narrat. Sed & vbi de ijs, quę nondum acciderunt, quęritur, neq; alioqui certi *αφορισμοι* indices pręlucent: tamen dico (qui huius lectionis maximus ex prudentia fructus est) aliquam saltem obscuram providentiam quodammodo diuinatricem ex historiarum observatione sumi: atque ex pręteritarum rerum memoria, pręsentiumque statu quādam de futuris coniecturam colligi posse: sicuti & Polybius sapientissimus

mus

mus scriptor monet : vbi & illud quodammodo præstat, quod Cicero indicat Theophrastum antea fecisse, vt non solum scriberet, qui esset optimus Reipublicæ status : sed & quæ essent in Republica inclinationes rerum, & momenta temporum, quibus esset moderandum, vtcunque res postularet. Laudent alij suam astrologiam *μαρτυρώ*: ego vt illud verus sæpe audio, Qui bene coniicit, bonus vates est: sic & istud verum esse puto, Qui bonus historicus est, bene coniicit. Sed qualiacunque de rebus humanis veluti *περὶ τῶν ἀνθρώπων* hinc colligi possint, ea ego *περὶ τῆς πόλεως* in Reipublicæ gubernatione, non minoris aliquando fecero, quàm medici sua *κατὰ τῆς νόσου* in morborum curatione, vel in navigatione sapientes nautæ sua futurarum tempestatum signa & præfagia. Nihil dicitur esse incertius exitu bellorum. Aristoteles tamen libro 1. Rhetoricor. monet in deliberatione de bello in primis aduocandam

audiendamque esse historiam, vt ex ea intelligamus, quid in re similiantea acciderit. Cur ita? ἀπὲρ δ' (inquît) τῶν ὁμοίων τὰ ὅμοια γίνεται πέφυκε. Ego & si totam diuinationem fatear rem esse lubricam: tamen quod Cicero dixit inesse animis humanis non solum memoriam rerum innumera-bilium, sed & coniecturam consequentium non multum à diuinatione differentem: id de iis, qui perpetuæ historiæ obseruatione, tanquam longo rerum omnium vfu vniū sui iudicij habent exercitatam, dici multò magis posse videtur. Ac quidem cum Themistoclem ea facultate præditum esse Thucydides scripsisset, Cicero locum diligenter notauit, & Thucydidis verba suis ad Atticum literis inclusit: τῶν μεγάλων ἐπὶ πλεῖστον ἐν τῇ χρηστομάρου ἀρετῇ ἀκρίβης. Non dissimile est, quod Plinius laudans Iunium Mauriciū, ait virum esse, qui futura possit ex præteritis prouidere. Quid ipse Cicero?

Sæpe

Sæpe suam in hoc genere prouidentiam hinc repetitam iactat. Certè fretus quodam augurio, non sui (ut ait) collegij, sed politico potius, & Platonico de Tyrannis præiudicio multis euentibus confirmato, audet omni adseueratione adfirmare, regnum Cæsaris vix posse esse semestrem : & licet de coniuratione nihil inaudiisset, tamen certò id se prædicere iactat. Nec nos (inquit) faller, nec aliter accidet. Sed & exitum belli civilis quàm procul prouidit? Præclara (inquit) conscientia sustentor, ea ipsa tempestate euersam esse Rempublicam, quam ego XIII. annis antè prospexeram. Et libro VIII. ad Atticum de eodem illo bello, loquens, *αεθροῦ* (inquit) noster Attice, non ariolans, ut illa, cui nemo credidit, sed coniectura prospiciens. *Ἰὰν quemari magno*. Non multò (inquàm) secus possum vaticinari. Deniq; ad Cecinnā scribit, sese diuinationem quandā, quæ minimè

falleret, consecutum esse, cum sapientissimorum virorum monumentis atque præceptis, plurimoque doctrina studio, tum magno etiam usu tractanda Reipublicæ, magnaque suorum temporum varietate. Itaque se, etsi Augur publicus esset, tamen non ex alitis inuolatu, nec è cætu sinistro, Oscinis, nec è tripundiis solistimis, aut somniis augurari: sed se habere alia signa, quæ obseruet, quæque minus habeant vel obscuritatis vel erroris: eaque maxime è temporum ciuidium natura atque ratione. Itaque iam minus miror, quòd post Cæsaris mortem, nascente nouo bello ciuili, Brutum cessantem monens, quid statim factum esset opus, exclamat, Opprimemini, mihi crede, nisi prouideritis. Hæc ex oraculo Apollinis Pythij edita tibi puta. Nihil potest esse verius. Sed miror & doleo tam sapientem senem non vidisse, quod de Octauio Brutus vicissim præmonebat.

De Iulio Cæsare, ex historia Alexandri,

dri, quàm cautus erat Vates? Nam ad Atticum, Nónne (inquit) vides ipsum illum Aristotelis discipulū, summo ingenio, sūma modestia, postea quàm Rex appellatus sit, superbum, crudelem, immoderatum fuisse? Sed cum Brutus de Octauio idem prædiceret, quodam, vt sit, Antonij odio Cicero caligabat. Cornelius Sulla præfagiendo dicere solebat de adolescente C. Iulio Cæsare, Caute à puero malè præcincto. In eo enim multi Marii larent. Cicero non inane fuisse præfagium vidit: & quàm sit insidiosa & fallax facies hominum, cum ex philosophia, tum ex historia & experientia didicerat. Sed de Octauio sibi persuadere, quod nolebat, vix poterat. Neque tamen periculum, quod ab Antonio imminabat, multò antè non prospexit: sed ne propterea tereretur, exemplis ex historia repetitis animum suum obfirmabat. Itaque & Antonium ipsum alloquens, acerbissimum (inquit) aui tui diem su-

preum malim, quàm L. Cinnae dominatum, à quo ille crudelissimè est interfectus.

Idem Cicero, cum ferueret bellum ciuile inter Cæsarem & Pompeium, deliberans cum suo Attico, quid sibi facto esset opus, in vtranque partem consilium ex illa historia petiit. Si restitero (inquit) idem fecero, quod in Cinnae dominatione Philippus, quod L. Flaccus, quod Q. Mucius, quoquo modo ea res huic quidem cecidit, qui tamen ita dicere solebat, se id fore videre, quod factum est: sed hoc malle, quam armatum ad patriæ mœnia accedere. Aliter Trasylbulus, & fortasse melius. Sed est certa quædam illa Mucij ratio atque sententia, &c. Quid tandem etiam dixit optare se aliquem exitum Mucia- num: eumque sibi impendere prospexit: vt iam se Themistocli possit antepone- re, quem ait multa non prouidentem incidisse in eos casus, quos vitasset, si nihil eum fefellisset: sicuti.

sicuti & suos propterea Romanos. notat: Non fuisset (inquit) illa nox tam acerba Africano, sapientissimo viro, non tam dirus ille dies Sullanus, callidissimo viro C. Mario, si nihil vtrunque eorum fefellisset, &c. Cur ergo Cicero, quem nihil fallebat, sibi non cauit magis? Exemplo Muciano confirmatus gloriose cadere maluit, quam malè cedere. Verum etsi fieri non possit, quin prudentissimum, quæque multa fallant, præsertim cum de futuris agitur? tamen non est propterea nulla prudentia. Idem Cicero in libris Officiorum, Nū (inquit) propterea nulla est Reipublicæ regendæ ratio atque prudentia, quia multa Cn. Pompeium fefellerunt? Ergo etsi illa, quam ex historiarum & exemplorum similium memoria repeti posse dico, diuinitio interdum fallax sit, tamen Cicero vir sapientissimus summam in ea prudentiam esse agnoscit. Mirifica verò est, quamcunque ille se in partem det,

ratio atque ratiocinatio huius viri in aliqua deliberatione historiam verfantis, & ex recordatione rerum præteritarum, varias futurarum coniecturas ducentis. Sed iam sentio me ipsum cum eo variè iactari, & confusè veluti volutari, cum ab eius viri, in quo potissimum eluxit prudentia, quanta colligi ex historiis & rerum usu potest, recordatione & conspectu abduci vix possum. Adderem illud optimi auctoris Rhetoricorum ad Herennium: Rerum (inquit) imperiti, qui vnius cuiusque rei de rebus antè gestis exempla petere non possunt, per imprudētiam facilè deducuntur in fraudem. At ij, qui sciunt, quid aliis acciderit, facilè ex aliorum euentu suis rationibus possunt providere. Verùm id in re præsentī ipsa historia liquidius ostendet. Nūc illud dico: nullam historię maiorem laudem esse posse, quàm cum agnoscitur nobis multò antè id præstare, quod experientia, quæ stultorū magistra

gistra esse dicitur, possit, sed serò, nos docet; cumque efficit, vt quicquid accidat, dicere sapientes homines possint, quod apud Poëtam ille Troianus Sibillæ respondet. Non vlla laborum, O virgo, noua mi facies inopinæue surgit. Omnia præcepi, atque animo mecum antè peregi.

De hac siue præsumptione siue præceptione, qua fit, vt quæ deinde acerba accident, sint leuiora, copiose disputat Cicero lib. III. Tusculanarum Sed aut ego vehementer fallor, aut nulla eam res magis suggeret, quàm illa siue præmonitio siue præmunitio, quæ ex historiis sumi potest, ne quid nos inopinantes atq; supinos opprimat. Itaque huc referre non dubitabo ex eodem libro illud Ciceronis; Hæc est illa præstans & diuina sapientia, perceptas penitus & pertractatas humanas res habere: nihil admirari, cum acciderit: nihil, antequàm eueniret, non euenire posse arbitrari.

Onunquam laudata satis, sed nō-
dum fortasse satis omnibus cognita-
vis & potestas historiæ: quia & mul-
tò plus habeat in recessu quàm fron-
te promittat. Sed eius maiestatem
indignè misereque minuerunt, qui:
de ea nondum perspecta satis, te-
merè verba fecerunt: qui eam con-
ciderunt atque discerpserunt: qui
fabulis aspersis contaminarunt: qui
ex sola superficie, quam solam o-
biter delibarent, æstimari rem to-
tam voluerunt: denique qui in ea
legenda neque artem, neque intel-
ligentiam, neque observationem
necessariam, adhibuerunt. Quid
multis? Plinius in quadam ad suum
Paterium epistola exclamat, sese
frequenter sensisse, quanta potestas,
quanta dignitas, quanta maiestas,
quantum denique Numen sit Histo-
riæ. Sed quantumcunque sit illud,
quod sensit: procul absuit, ut quic-
quid est, sentiret. Liceat hoc mihi
bona eius gratia dicere, in quo nul-
lam

Iam alioqui illius culpam accuso.
 Ut verò, quod hac oratione in pri-
 mis urgere institueram, concludam,
 iterum iterumque dico, consilij, pru-
 dentiae, sapientiae, iudicij recti insti-
 tutionem ex vna veluti academia Hi-
 storiae repeti posse & debere. Dixi
 paulò antè, qualem olim instituerit
 Themistoclis praeceptor Dixi quid in
 Themistocle potissimum admiratus
 sit Cicero. Nunc illud addo, non
 temerè eodè loco à Cicerone simul
 laudari, quod Thucydides simul de
 eodem viro scripsit. τῶν τε πεπραχῆμεθα
 δι' ἐλαχίστης βουλῆς κράτιστος γνῶμων. καὶ τὸ τε ἄ-
 μείνον ἢ χεῖρον. ἐν τῷ αὐφανεῖ ἐπ' ἀρετῶν μεγάλῃσιν.
 Hoc verò illud est, quod in magno Rei-
 publicae gubernatore imprimis est
 necessarium. Nunc si dicam hoc de-
 mum addisci in historiae schola pos-
 se, num mentiar?

Sed iam vereor, ne quae haecenus
 dixi, non tam harum literarum
 admirationem cicant, quae deside-
 rium nostrum inflammet, acuatque
 indu-

industriam, quàm iniiciat materiam
 alicuius desperationis, quæ nostrorum
 studiorum infringat alacritatē.
 Nam & si antea conatus sim indicā-
 re, rem hanc, quantacunque sit, non
 esse infinitam & licet difficilis atque
 ardua sit, non esse *ad uictum*, tamen i-
 terūq; iterūq; id cōfirmandum est. Et
 quia imprimis nos deterrere potest,
 quod de vniuersitate dictum est: si
 quis iam me roget, ecquor tandem
 vel secula vel Iobilaos, vel Olympia-
 das, vel Lustra, vel annos contineat
 illa historia, quæ ab orbe condito ad
 ætatem vsque nostram perducenda
 est: possem duobus verbis dicere,
 quinquaginta quinque secula inter-
 esse. Verum ut id diligentius expona-
 mus, est operæ precium. Principiò
 constat fatuam fuisse quorundā Phi-
 losophorum fabulam, qui, quoniam
 ignorarent, quando conditus hic
 mundus fuerit, conditum nunquam
 fuisse, sed esse æternum, finxerunt.
 Constat deinde & eos audiendos.

NON

non esse, qui fabulati sunt, quod
fortè somniarant, innumerabiles
esse mundos: & simul repudian-
dam esse ipsius quoque Origenis ri-
diculam opinionem, existimantis
aliud, ante hunc, fuisse mundum,
& post hunc fore alterum, & talem
in infinitum successionem fingen-
tis. Plinius cum audiret quosdam
tradere, innumerabiles esse mun-
dos, & huius generis portenta com-
minisci, exclamat, Furor est, profe-
ctò furor. Sed nos in eadem exclama-
tionem erumpere quoque debemus,
cum ille tradit, mundum esse eternū,
neque genitum, neque interiturum.
Nostra verò nunc prima sit quæstio,
quando is conditus sit & cœperit,
quotque ab eo cōdito ad hunc, quem
nunc agimus, annum, anni nume-
randi sint. Nam hoc imprimis con-
stituendum est, cum in historiam v-
niuersam ingredi statuimus, quam fi-
nitam esse profiteamur. In hac autem
quæstione definienda aliquid esse dis-
sen-

fionis, ecquis mirabitur, cum ne Romani quidem ipsi de annis vrbis conditæ planè consentire olim potuerint? Veteres, qui Mosén non legerant, cum principium ignorarent, non potuerunt non toto (quod dicitur) cœlo aberrare. Impudens verò fuit Ægyptiorum vanitas, qui, vt Plato in Timæo narrat, fingebantia-ctabantque non modò sese decē millibus annorum ante alios homines fuisse, sed & tot seculorum historiam consignatam habere. Diodorus, qui suspicatus est fabulam hanc, vt est, posse putidam videri, videtur excusare illos velle: quasi cum annum vnum dicunt, duos tantum aut tres menses dicerent. Sed ne hac quidem eos interpretatione defenderit: & interea de Ægyptiis ea commemorat e mentitæ antiquitatis portenta, quæ planè fabulosa esse, negare non possit. Augustinus scribit quosdam dixisse, amplius quàm centum annorum millia numerari, ex quo rationem

*Lib. 18. de
Ciuit. Dei.
cap. 4.*

tionem siderum comprehendit Ægyptus. Ait illos ridendos potius quam refellendos esse, cum (inquit) ab primo homine nondum sex millia annorum compleantur. Dicere potius debuerat, nondum quinque millia. Mirabilis verò fuit Arithmeticus ille Apollonius Ægyptius, quē noster Theophilus Antiochenus, inter Christianos scriptor antiquissimus, recitat numerasse plusquam quindecim myriades annorum ab orbe condito. Nihil dico de Platone, qui multa etiam millia myriadū cumulare velle videtur. Nā suo fortasse more ludit, & digitis micat in tenebris. Mitto Babylonios, quos habuisse monumentis suis cōprehensa quadraginta & septuaginta millia annorum, multi olim iactabant, ut ipse quoque Cicero narrat. Bene habet. Idem ait, eos, qui hoc dicant, fallere & mentiri: nec reliquorū seculorum iudiciū, quod de ipsis futuri sit, per timescere. Ut autē minus Ægyptijs
tam

*Lib. 1. de
Divin.*

loco simpliciter ait, multa annorum
esse millia. Verum si assensus est ijs,
quos apud eum Hortensius signifi-
cat, magnum hunc annum definiis-
se atque æstimasse duodecim milli-
bus nongentis quinquaginta quatuor
annis: sicut enim hunc ex Hortensio
Ciceronis locum, recitat Seruius:
Tacitus autem recitans eundem lo-
cum pro nongentis habet DCCC, ni-
si mendosa sit scriptura: sed parum
interest: Si (inquam) ea anni magni
definitio placuit Ciceroni, intelligi
vteunque posset, ecquæ fuisset eius
opinio de annis orbis conditi. Cæ-
terum vte est aliorum nimis liberalis
& effusa, sic Romanorū nimis par-
ca & restricta ratio tunc esset, qui
orbis non multò antiquius, quàm
urbis suæ, initium esse fingerent. Nā
vicesima pars illius anni magni, non
nisi annos circiter sexcentos & quin-
quaginta contineret. Iuuat, hos er-
rores Veterum, doctissimorum qui-
dem hominum, sed quia Mosaicos

Originum libros non legerant, in hoc genere hallucinantium, obiter notare. Quid verò ipsi Iudæi, qui & Mosis & Prophetarum monumenta sæpe legerunt? Ne ij quidem potuerunt satis cauere: quia eas, quæ Prophetarum tempora consequuntur, Græcas Latinasque historias nō coniungerent. Annos ab orbe condito usque ad Persicam monarchiam rectè numerarunt. Sed deinde magnus in eorum calculo error est, qui annos saltem ducentos præterit. Ita est profectò, Græci & Latini Iudaicis monumentis destituti, Iudæi contra Græcis Latinisque literis non adiuti, viciosas mendosasque chronologias ediderunt. Quid igitur Christiani, qui posteriōres quidem fuerunt, sed vtriusque generis libros conferre, & aliorum erroribus erudiri potuerunt? Certè à Christi ætate nihil est aut difficultatis aut dissensionis: sed est plurimum in priorum temporum ratione ineunda, subducenda-

cendaque. Legebant illi quidem & sacras & profanas historias: prioresque & posteriores coniungebant. Sed inciderunt in Moſen, partim ab interpretibus malè verſum, partim à librariis corruptum: & vbi Moſes mille annos ſcripſerat, annorū duo millia plerique legebant. qui deinde error aliis (vt fit) erroribus auctus atq; cumulatus eſt, & in ipſius quoque Iosephi libros Græcos irrepsit. Sic itaq; Iudæis anni ducenti defuerūt, Christianis mille superfuerunt. Sed nulline olim inter Christianos animaduenterunt, quā valdè in hoc genere fallerentur? Sanè Hieronymus, qui omnium & linguarum & historiarum peritiſſimus fuit, id aliquo modo animaduertit, cum & Hebraicorum voluminum fontes excuteret, & alios annales diligenter expenderet: tandemque ſenſit, annos ab orbe condito uſq; ad Chriſtū numerandos tātū eſſe ter mille nongentos quinquaginta duos, vbi

Eusebius numerabat plus quàm quinquies mille & ducentos. Sed ante Hieronymum Theophilus, si in eo, quod **ut** **cun** **que** deprehenderat, perscrutasset, non ineptè aliquando collegerat, numerari circiter mille nongentos septuaginta quatuor. Inter huius & Hieronymi calculum, non multum interest: & neuter procul abest à vero. Quid igitur tandem statuimus? Doctissimi hac ætate homines & Chronologi diligentissimi, non solum omnibus Annalibus, sed & mathematicis demonstrationibus, in consilium adhibitis, maximam profectò dederunt operam, ut proximè, quod quaeritur, attingerèt. Eò autem frequentius reciderunt, ut omnibus rationibus subductis, veluti medium quippiam inter Theophili & Hieronymi supputationē, sequerentur: hoc est, annos, ab orbe condito vsque ad Christum, numerarent ter mille nongentos sexaginta duos. Scio abs nonnullis paulo plu-

plures adiici. Sed parum interest: notumque est vetus & vulgatum illud, Et quod excurrit. Denique bene habet, eò tandem rem esse perductam, ut iam certò statuere possimus ab orbis initio, vsque adhuc Christi annum millesimum quingentesimum sexagesimum primum rectè numerari annos non multò plures quingentis supra quinquies mille. Sic hystoria vniuersa ne dimidiam quidem partem vnius anni magni: neque multò plus quàm tertiã eius partem continet. In hac ego supputatione nunc acquiesco: quæ saltē proximè, & ut Geometræ loquuntur, *ὡς ἐγγιστα*, ad id, quod verius est, accedit. Et licet *τὸ λεπτόν* ut Arithmetici vocant, notare ac definire non possimus: tamen *ὡς πλάται* ut Iuriconsulti aiunt, tenemus quod quaeritur: neque quorundam ociosam *λεπτολογία* moror, qui frustra se torquent, vbi non est necesse. Saltem memini, grauissimum illum scrip-

torem Dionysium Halicarnassæum, libro septimo, prudenter admonuisse, nō esse quidem ferendum, si quis duabus aut tribus ætatibus aberret in temporum supputatione: Sed tolerabilem esse errorem, præsertim in Chronologia prisca, si paucis in annis fallatur. Deniq; hîc non ero morosior, quàm cùm audio Mathematicos globum telluris metientes, luuat verò, vt vastissimi huius Circi, huius dico terrarū orbis, quem historia sæpè percurreret, mensuram aliquam tenere: sic & temporis, quod emetiri quoq; debemus, aliquos habere fines.

Dixi itaque quinquaginta quinque secula nobis proposita atq; perlustranda esse, vniuersæ historiæ memoriæ consecrantibus. Valeat eorum proteruia, qui mirari se aiunt tam pauca esse secula orbis conditi: & cur non multò antè ab æterno Deo conditus sit, non minùs ociosè quàm curiosè quærunt: quasi iam aliud quod agant

agant, nihil habeant. Rectè Augustinus ait, non minus petperam de immensis temporum quàm locorũ spaciis, quæstionem moueri. Ergo qui quærunt, cur infinita non sint secula, quærant etiam cur immensus & infinitus non sit terræ cœlorumq; ambitus. Nos potius admiremur tā esse amplam cœli & terræ magnitudinem, tamq; multa iam secula effluxisse: quibus interea Deus tot tantasque res spectandas cognoscendasque dedit, vt earum vix centesimam partem complecti possimus. Scilicet in iis, quæ acta gestaue sunt per annos quinquies mille & quingentos, in hoc terræ amphitheatro, cuius ambitus esse dicitur 1400. maximorum miliarium Germanicorum (si nos non fallunt mensores mathematici) satis superq; nō est, quod admiremur, nosq; occupet & exerceat. Imò verò (clamāt alij) nimiū est: magis vt verendū sit, ne difficultas desperationē pariat, & desperatio ab-

iori, quæ annorum plusquam tria millia continet, videmus in vno historiae sacrae volumine, vniushque & gentis memoria, & regionis territorio, historiam inclusam hæere. Diu enim nos totos in illius suæ Reipublicæ admirabili conditione, facie, & forma contuenda, iam inde ab orbe condito defixos, Deus detineri voluit: & interea, ne distraheremur, passus est aliarum orbis partium memoriam veluti obsolescere; easque tanquam aut planè desertas solitudines, aut aquis tenebrisue obrutas regionum vastitates latere. Interea itaque silentia historiae Græcæ atque Latinae, nisi si ludendo fortè quasdam poëticas fabulas aspergant. Nostrium certè cursum minimè retardant. Tot tamen secula tam citò emensi, illud etiam iactare poterimus, Maxima res effecta viri: timor omnis abesto. Sed audio quosdam desidiosè exclamare, Quis non reformidet annos deinde consequen-

Bb

tes, præsertim illos mille, qui aliarum toto orbe & gentium, & Rerumpublicarum historiam tam longam, tam variam, tam multiplicem, tamque sinuosam obiiicient, totque volumina euoluenda dabunt, vitanquam in medio Oceano, eoque immenso, vbi (sicuti ait idem poëta) cælum vndique & vndique Pontus, nihil aliud fortasse quàm desperatio exhauriendi tanti operis, occurrat? Imò verò tum demum iuuat, totum rerum humanarum amphitheatrum mirificè & explicatum & apertum contueri, & singulos in eo actus, cum ad Epitafin fabulæ ventum est, propius inspicere: atque hinc Græcos audire, illinc Romanos, qui suas profectò partes agunt admirabili & arte, & ingenio, & grauitate, & splendore. Tunc (inquam) demum iuuat, plenum, refertumque Circum videre, & ad illum modò, modò ad hunc chorum, ac modò ad togatam, modò ad palliatam scenam circumduci:

& vn-

& vndique occurrentium certatim-
que affluentium excellentissimorum
Actorum, multitudine circumfide-
ri: quæ id & dicit & facit, in quo vel
spectando intenti oculi, vel audien-
do aures arrectæ lubenter meritoque
perdurant. Sed sessio longa fatigat.
Audio. Verum potius vereor ne ci-
tius historia talis desinat, quàm velle-
mus: nèue illa prius nos dimittat,
quàm satiati simus: si quidem & ma-
ximæ & pulcherrimæ & nobilissimæ
res, quæ animos bene & liberaliter
institutos alliciunt, rapiunt, retinēt,
nos delectent. Iam verò cùm ad fi-
nem sensim accedentes, delabi nos
sentiemus ad patriæ & Reipublicæ
nostræ, nostrorumque Maiorum at-
que adeò auorum memoriam: an
quisquam erit tam fastidiosus, qui ab
ea abhorreat? Fateor, tunc barbara,
aspera, horrida multa occurrere. Sed
occurent etiam multa egregia &
præclara: & nimis ingrati essemus, si
cùm tot laboribus, aliena proculque

remota eruiamus, vel vicina vel domestica negligamus. Primum ergo per annos plus quam ter mille & ducentos, tabulis Iudaicis innixi atque adeo affixi, res in vna gente maximas & planè diuinas, Græcis etiam & Romanis ignotas, contuebimur, sine molesta iactatione placidum litus historiæ veluti legentes. Deinde in altum passis inflatisque velis prouecti, donec annos circiter mille conficimus, variè fortasse distracti, multisque libris circumfusi sæpè hærebimus. Postea verò non nisi mille & trecenti anni supersunt, quibus ad nostrum seculum properantibus (incurrens licet barbaries multos inter eà scopulos obiiciat, tenebrasque sæpè offundat) portum tamen paulò post conspicientes exclamare læta voce poterimus illud vetus, *γινώσκῃς*. Ita est sanè. historia, quæ quidem nobis relicta est, & qualiscunque illa est, quæ iam conflare potest, modò constricta festinat & præceptis angustis

fit veluti alveo rapitur, modò distenditur, lentaque est, & diffusa latè inundat. Interdum etiam hæret vna in regione & gente : & ad alteram primùm transit, cùm desit altera. Interdum quam ostentare cœperat, aliquot deinde seculis latere patitur, & postea eandem rursus in medium profert. Denique sæpè annos aliquot transilit, atque silentio quodam sepultos præterit. Sic enim agit, quasi huius orbis partes aliæ modò absorberentur, modò primùm emergent : hacque vicissitudine etsi multa supprimat, tamen memoriam nostram utcunque exonerat atque subleuat : ne, quæ alioqui capere omnia non posset, in medio cursu concidat. Sic quod acerbo casu factum est, ut multa monumenta vel interciderint, vel nos fugiant : damnum esse interpretabimur, quod, si finem spectemus, compendium videri possit. Sed & interdum historia (sicuti res ferunt) magis est *σωματείδης*, ut Polybij,

verbo utar: interdum magis est dis-
 persa & dissecta. Cum ventum est ad
 Reipublicę Romanę amplitudinem:
 ut orbis Romanus totum propè ter-
 rarum orbem occupat, sic & vna
 simplexque eius historia, propè *οἰκου-
 μενικὴ καὶ καθολικὴ* esse incipit. Antea ve-
 rò, vbi plures monarchiæ sunt & di-
 uisæ, rursusque postea, vbi illius Im-
 perij corpus dissectum in plura ite-
 rum regna est, historia est alio modo
 multiplex: sicuti prospexit prædixit-
 que Daniel, fore, ut Imperium Ro-
 manum diuisum, tanquam corpus
 dissectum, desinat in plures veluti
 pedum digitos: aut fiat aliquod tan-
 quam sinuosum caput, ex quo plura
 cornua emergant & erumpant. Ut
 ut autē multiplicem faciem historia
 induat, fateor equidem longam esse
 (liceat iterum mihi ita loqui) fabu-
 lam, quæ iam inde ab orbe condito
 tot seculis agitur in huius mundi
 theatro. Cicero scribens ad Luceiū,
 qui historiam rerum Romanarum
 scribe-

scribebat, ait, ipsam quasi fabulam rerum euentorumque suorum, habere varios actus, multasque actiones & consiliorum & temporum. Quid nunc dixisset de vniuersitate rerum gestarum? Itaque fateor iterum, multas huius fabulæ esse scenas, multos actus, choros multos, multas parechases, strophas & antistrophas multas. Denique fateor cum eodem tempore, tam varijs diuersisque in locis, tam multiplices siue ludi, siue tragædiæ agantur, difficillimum esse, animo omnia illa complecti, & veluti in singula oculos intendere. Sed si & ordo & modus adhibeatur, qui adhiberi debet: iterum confirmare auserim, nullam esse causam desperationis. Imò verò vnā nihilominus esse historiam omnium earum rerū, quæ non tot annos ad recitationem, cognitionem, recordationemque requirant, quot annorum millia in ipsa actione consumpserunt. Subsistet profectò in ipsis veluti carceribus,

Vel non longè progredietur: certè ad metám perueniet nunquam, qui in rebus minutis & inanibus hære atque ociosè immorari volet. Sed nostrum cursum talibus impedimentis, nullo moræ precio, retardari, non faciliè patiar. Occurrent fortasse multa, de quibus illud dicam,

Nec uidisse semel satis est: inuat usque morari.

Sed ut immorari, ubi opus est, liceat, non est alibi frustra diuque consistendum; cum nos etiam ille veluti urgebit alter eiusdem poëtæ versiculus,

Non hoc ista sibi tempus spectacula possit.

Scio equidem & fateor, veteres etiam sæpè historicos ocio, quo abú-
dant, abuti in ociosa inanium quarundam rerum descriptione: ut ludit Homerus in Aiæ clypeo. Sed eos, quibus talis mora fessioque placet, tam de historia tota perlustranda nihil cogitare puto, quàm testudo totum.

tum terrarum orbem peruagari non instituit. Saltem meminisse debuerant, Ciceronem historiam iocationi opponere: eamque demum rem, quæ seria, grauis, magna est, dicere historia dignam esse. Sed & reprehendere eos historicos, qui puerilia consuectantur: vt etiam Tacitus non nisi res illustres Annalibus mandari ait: & profiteatur, sese non instituisse exequi sententias, nisi insignes. Denique Marcellinus, Historiam (inquit) per minutias ignobiles producere non decet. Idem alibi grauitè monet, historiam indagare non debere humilium causarum minutias. Et verò Suetonius Tiberium, Imp. non laudat, sed irridet, cum ait, eum maxime curasse noticiam historiæ (vt vocant) fabularis vsque ad ineptias. Capitolinusque rectè pronunciat, stultum & ridiculum fuisse, historicum illum Iunium Cordum, qui etiam narrabat, quot seruos, vel penulas, vel chlamides quisque Prin-

*Lib. 13.**Lib. 3.**Lib. 21.*

cipum haberet: & alio loco eum reprehendens, scitè ait, eum hac ratione libros mythistorijs repleuisse. Mythistoriam appellat, quam Suetonius historiam fabularem. Ergo ad illam siue Tiberianam, siue Cordianam scholam fabellarum ineptiarumque, potius quàm historiarum, eos relegemus, qui ocio, quo abundant, abusi, immorari in talibus nugis volunt. Scio etiam multos, qui historijs operam dare seriò videri volunt, vna aliqua earum parte contentos, in ea, tanquam ad Syrenios (vt ille ait) scopulos, suauiter consenescere velle. Sed quid tam suaues homines velint, nihil moror. Equidem modò plurimum annorum atque etiam seculorum memoriam vno die perstringi posse video, modò vnus vel anni, vel aliquando diei res gestas, vix pluribus diebus exponi posse sentio. Nam & ita clarissimi scriptores agunt, vt principio quasi seculares, postea tanquam annales historias conficiant, cum

cùm quid singulis vel seculis vel annis actum, gestum sit, confusè colligunt. Tandem etiam diaria & ephemerides producant. Ipse Moses posteaquàm primum illud hexameron diligenter descripsit, quàm valde festinat? Deinde cùm ad suam ætatem venit, quàm lentè cunctatur? Annos (vt dixi) M M C C C C quinque libris complexus est: sed primo libro percurrit annos propè M M C C C. Quod autem postremò narrat gestum esse annis quadraginta in deserta solitudine, multò pluribus verbis & paginis exponitur, quàm quod toto prius orbe gestum fuisse dicitur, annis bis mille quadringentis & sexaginta. Sic & Iosephus agit. Nam libris viginti ab orbe condito, vsque ad X I I I I annum Domitiani historiam Iudaicam annorum plusquàm 4000 pertexuit. postremo verò bello Iudaico describendo, quod annorum non multorum fuit, quinque libros impendit. Quàm fusè Ammianus Marcellinus postre-

postremis suis septendecim libris, qui soli supersunt, historiam suorum temporum, hoc est, annorum triginta descripsit, cum prioribus libris tredecim ducentorum & quinquaginta annorum res gestas incluserit? Diodorus profitetur se libris quadraginta historiam vniuersam exponere. Ac quidem posterioribus libris triginta quatuor, iactat se historiam persequi a bello Troiano vsque ad bellum Gallicum Iulij Cæsaris, quæ est annorum MCXXXVIII. Sed quid? Non nisi libros vndecim occupat, vt ad Alexandri Macedonis mortem perueniat, hoc est, vt annos circiter DCCC. complectatur. Reliquis igitur libris viginti tribus, non multo plures quàm trecentos annos attribuit. Dio libris octoginta (quos in Decades diuisos fuisse scriptum est in Suidæ commentariis) historiam Romanam ab vrbe condita vsque ad suam ætatem complexus erat. Sed cum prioribus suis libris triginta quatuor, qui iam inter-

cide-

ciderunt, historiam annorum plusquam sexcentorum & octuaginta perstrinxit: alijs deinde libris viginti quinque, qui soli nunc integri extant, non multo plures quam ceterum annos exponit. Denique & Liuius agit eodem modo. Prioribus suis libris decem (quam vulgo vocant Decadē primā) historiae Romanae annos cccclx percurrit. Postea verò cum ad suorum temporū memoriā propius accedit: vix ac ne vix quidē singulos annos libris singulis explicat. Nō excutio, cur suas aliquando historias vocauit Annales. Sed si Annales rectē dicuntur, meritò Annales Maximos dixeris, alia profectò ratione quam Annales Pontificum. Quid? Ipsius (vt populariter loquar) Decadis primæ libro primo annos ab vrbe condita ducentos & quadraginta quatuor persequitur. Secundo verò libro vix annos quadraginta includit. Ac quidem cum librū sextū aggreditur, cōfiteretur, quas res prioribus libris quinque perstrinxit, esse res nimia

nimia vetustate obscuras: velut quæ magno ex interuallo loci vix cernuntur. Ergo hîc ego de historia dicerem, quod Aristoteles ait de visu & eius vi atque natura. Sed video non omnino iam id dici nûc posse. Nam illa historia, quæ veluti media est, liquidius à nobis cernitur propter illustriû scriptorum literata monumenta, quàm quæ est posterior: hoc est, quæ annis mille ab vrbe condita gesta sunt, magis perspicere possumus, quàm quæ alijs, qui consecuti sunt, annis mille. Dicerem potius ab historia nobis, vt à Sole, ostēdi terræ superficiem: quidq; in hac superficie extet inter homines. Prætereo iam res (vt sæpè dixi) inanimatas, brutas, mutas. Humanas modò contueor. Alia est terræ superficies in Vere, alia in æstate, alia in hyeme: aliamq; dies & lux exhibet, aliam nox & caligo. Imò verò aliam aurora, aliam meridies, aliam crepusculum. Non dissimilem varietatem atq; vicissitudinē historiæ esse sentio.

Quid

Quid igitur nunc dicimus? Soleo dicere, historiam primùm esse sacram & breuē; deinde sacram, ciuile, & diffusam: postremò barbaram & horridam videri. Hanc enim summam & generalem diuisionē tripartitam initio mihi præscribo. Deinde singulis illis partibus, quæ tres sunt, subdiuisionem aliam quoq; tripartitam subiicio: vt iam vniuersam historiam in partes nouē distinguam: iterumque singulas (nam ita res ferunt) in tres subseco, & viginti septem efficio: toridemque veluti summa capita, quæ in singulis eminent, & in quibus potissimum consistendum est, memorię causa noto, hoc est, singulis ascribo suum tanquam ducem imprimis nobilem & illustrem; vt & in scena non solum Prologus argumentum recitat, sed & personas, quarum præcipuæ sunt partes, prius ostentat atque nominat. Sed meæ partitionis rationem & fines res ipsa magis exponet. Interea profiteor, me alijs non præiudicare,

iudicare, si quis malit vel eam sequi,
quæ ex schola Eliæ Prophetæ recita-
ri solet, tripartitâ diuisionem 6000.
annorum mundi; vel ex Danielis vi-
sionibus historicis, & summorum
quatuor Imperiorum figuris atque
imaginibus, quadripartitam historiæ
delineationem obseruare, vel aliam,
quam volet, partitionē fingere. Non
enim ignoro variè id fieri & vtiliter
posse. Sanè Plutarchus narrat, & ad
Senatum quoque Romanum aliquā-
do ante ciuile bellum Marij & Sullæ
relatum fuisse significat, Vatum in
Hetrumia collegium ex veteri sua di-
sciplina docuisse octo mundi muta-
tiones ac veluti ætates à Deo decretas
esse: singulisque illis rerum conuer-
sionibus alios planè homines, alios
mores, nouumque vitæ genus fore:
cumque noua veluti periodus instat,
illustri aliquo signo atque prodigio
eam notari atque denuntiari. Ac sin-
gulis quidem illis ætatibus præscri-
ptum quoque diuinitus esse tempus
certum:

certum : sed omnium tamen finem concludi atque comprehendere anno magno. Quid illi sibi vellent , neque satis scio , neque ipsi fortassis dicere satis potuissent.

Superest vt ad ipsum veluti proëmium historiæ vniuersæ , quod continet historiam orbis hominisque primum conditi , accedamus , vt & theatri , in quod ingredimur , & in quo gesta sunt , quæ narrare instituimus , structuram : & hominis , qui in eo illud agit , quod audituri sumus , conditionem & naturam , tanquam personam , imprimis consideremus. Ne verò diutius hîc hæere cogamur , vnus statim Moses efficiet , qui origines , quas quærimus , breuiter liquidoque indicat. Valeat Simplicius ille , Aristotelis antiquus interpretes , qui cum non intelligeret , quod noster Moses narrat de creatione mundi , Solis , lucisque , olim furiosè exclamauit , fabulosam esse narrationem ; & ex fabulis Ægyptijs tractam atque repeti-

Cc

ram: ait, *μυδικὸν εἶναι παρὰ τὸν καὶ ἀπὸ μέ-
 θων Αἰγυπτίων ἐλκυσμένον*. Nihil facilius
 est, quàm huius, non dicam Censoris,
 sed potius nugatoris vanitatem refel-
 lere. Sed facessat. Valeat etiam Gale-
 nus, qui, quod religiosè Moses narrat
 de creatione hominis, fastidiosè re-
 spuit, improbè cauillatus Mosis (vt
 pro sua medica sapientia loquitur)
ἀγρεβλὼν εἶναι ἀπὸ δεικτῶν. Atqui Plato
 & alij cordati Philosophi, cùm disce-
 re vellent rerum conditarum princi-
 pia, non alium sibi doctorem vel ma-
 gistrum delegerunt quàm Mosē,
 cuius narrationem legebant in libris
 Mercurij Trismegisti Ægyptij. Nam
 neque se eos legisse Plato dissimulat,
 & descriptos fuisse ex Mosis libris
 res ipsa loquitur, si verba Trismegisti,
 quę etiamnum extant apud nostrum
 Cyrillum contra Iulianum, confera-
 mus cum oratione Mosaica. Deniq;
 quicunque in Græcia sapuerunt: vt
 hisce de rebus audirent seriū aliquid,
 propiusque tanquam ad lumen ac-
 cede-

cederent, & veritatis vestigia consecrarentur, nauigarunt in Ægyptum. Non audeo dicere, eos legisse libros Mosis (nam multis post tēpora Platonis primum fuerunt in linguam Græcam translati, Sed Mercurij saltem commentarios legere potuerūt: & Sacerdotes Ægyptios, qui Mosen ipsum legerant, audierunt, iisque auditis, non modò, quos appellabant alioqui barbaros, esse Græcis antiquiores doctioresque agnouerunt: sed & Græcorum esse magistros ingenuè confessi sunt: neque non laudarunt illam Sacerdotis Ægyptij increpationem, qui (sicuti Plato refert) Soloni respondit, Græcos nihil aliud esse, quàm pueros. Res enim antiquas eos ignorare. Quid? Ipse Diodorus, cùm historiam scribere instituisset, sese propterea in Ægyptum traiecis-
se, & Alexandrinæ bibliothecæ, atque Sacerdotum *ἀρχαίων* excussisse narrat. Sed tantò propterea minus illi agnosco fabulosas *ἀεχαιολογίας* colligenti. Po-

tuit enim, ut profectò debuit, Moſis libros, qui tunc in linguam Græcam conuerſi Alexandria adſeruabantur, legiſſe. Quod tamen ad rerum creationem primam attinet, propius ad eos accedit: eſtque operæ precium cum ijs, quæ Moſes principio tradit, conferre primas paginas Diodori: quas & propterea Eusebius ſuis libris *παλαιστοι* affuit. Quid dicā, ipſos nō modò Philoſophos Græcos ſed & poëtas Romanos, propè expreſſiſſe, quod Moſes de creatione mundi & hominis literis Hebraicis notauerat? Fuit quidem multorum ſtupidus error dicentium materiam non fuiſſe creatam, ſed æternam: quæ phāſia multos quoque olim hæreſis occupa- uit. Sed extat neruoſus ad eam refel- lendam liber Tertulliani aduerſus Hermogenem. Ego contentus eſſem vnico Apoſtoli argumento, qui ad Hebræos ſcribit, Mundū hunc, quem cernimus, conditum eſſe *οὐκ ἐκ φανομένων*. Nam id non temerè dixiſſe ita, vi- detur,

detur, potius quàm ἐν μὴ φαίνεσθαι.
 Ceterum quod ad ipsam mundi in-
 formationem attinet, saltem con-
 sentiens cum Mose, quæ per omnes
 gentes peruagata est, fama fuit. Imò
 verò fuit hæc olim propè popularis
 cantilena, cumque in conuiujs acci-
 ni solerent carmina historica, hinc
 potissimum repetitum proœmium
 est, eiusque tanta vis fuisse dicitur, vt
 ipsas etiam res brutas & inanimatas
 commoueret, Sic optimus poëta Vir-
 gilius (iuuat n. & hoc ascribere, vt
 tali vel carmine excitati, vel exemplo
 recreati, magis atque magis commo-
 ueamur) etiam ludendo id signifi-
 cat; & licet de sui Sileni cantu loquēs,
 Epicuræum agat, & ad concurrentes
 atomos Democriti alludat, tamen
 fundit non ignobile alioqui carmen
 de prima rerum creatione.

*Tum verò in numerum Faunosque feras-
 que Sideres*

*Ludere, tum rigidas motare cacumina
 quercus,*

Nec tantū Phæbo gaudet Parnassia rupes,

Cc 3

*Nec tantum Rhodope miratur & Ismarus
Orpheus.*

*Nāq; canebat, uti magnū per inane coacta
Semina, terrarumque animaque, maris-
que fuissent.*

*Et liquidi simul ignis, ut his exordia pri-
mi.*

*Omnia & ipse tener mūdi cōcreuerit orbis.
Tū durare solū, & discludere Nerea ponto.
Capit, & rerum paulatim sumere formas.
Iamq; nouū terra stupeant lucescere solem,
Altius atq; cadāt sūmotis nubib; hymbres:
Incipiāt silua cū primum surgere, cumquo
Rara, per obscuros errēt animalia montes.*

Vberior in hoc genere est Ouidi-
us, qui non modò mundi, sed & ho-
minis expressam creationem ita de-
scribit in sua Metamorphosi, ut quod
ad rerum primam conformationem
attinet, videatur poëta latinus plane-
que alioquin profanus, non solum di-
ligenter legisse, sed & eleganter ex-
primere Mosen voluisse. Versus eius
recitarem, nisi si & longiores essent,
& essent vulgò decātati, & aliò pro-
perarem tam valdè, ut & illustrissi-
mas hac de re Græcorum sententias
cum

cum Mose sentientes nunc libenter præteream. Nam & hæc multò rectius, veriusq; Moses noster: qui duplicem (vt ita dicam) creationem mundi describit: priorē materiæ, alteram (si nunc ita mihi loqui licet) formæ: cum quidem illam priorem (vt dixi) Ethnici propè omnes ignorarent, qui chaos, quod vocāt, semper fuisse fingūt. Moses ergo narrat: Deum imprimis creasse materiam, & quidē terram cum aqua confusam, cæcam & informem. Deinde cum formam tāquam expolitionem huius operis cōfestim adderet: ex illis duobus & prioribus elementis veluti elicuisse alia duo elementa: & hisce iactis fundamentis, terrestriū cælestiumq; rerum quæ sunt inanimatæ, perfectionē extruxisse diebus quatuor. Mosis narratio cum distinctè singula exponere vult, dies numerat. Sed habet ea dierū enumeratio aliquid obscuræ difficultatis, nisi si de hoc toto opere loquimur, cogitemus, sicuti isti scitē

aiunt ἔργον καὶ ἀποτέλεσμα. Ego hoc (vt vocatur) hexaemeron soleo parti in duas modo partes: & priori quatridduum, creationi rerum nempe inanimatarū: posteriori verò, hoc est, creationi animalium omniū bidduum ascribo. Quod attinet ad res inanimatas, discerno inferiores, nempe infra Lunā, quæ elementis constant, & corruptioni naturali sunt obnoxia à superiorib⁹, quæ plures & simplices sunt. Sed cum hæ crearentur, illas quoq; compositas esse audio. Ergo quatridduo factum esse simpliciter dico, vt discussis tenebris, & aquis subductis, terraque exsiccata, stirpibusq; veluti vestita, & aëre æthereq; educto, Luna cōglobata, Sole lucente, planetisq; reliquis vagantibus, & cælo firmato, stellisq; infixis, affecta sint, quæ sunt vtriusq; huius orbis terrestris & cælestis. Atque hic quidē Moses præcipuē nobis commēdare videtur. vsum & observationem solis & Lunæ, propter originem & cognitionem temporū.

Neque

Neque non sentio, quàm id sit necessesse in historia. Sunt illa profectò duo magna corpora cœlestia, imprimisq; & admirabilia & aspectabilia. Sed hic præcipuè obseruemus tertiū, qui est telluris globus. Terram cum dico, infusum etiam Oceanū comprehendo. Ipse Cicero (hoc n. nunc potissimum utar auctore, si quid ab Ethnicis petendum sit) ait, terrā esse globosum, & vndiq; ipsam in sese nutibus suis conglobatam: deinde addit: ipse autē mare sic terrā appetēs littoribus claudit, ut vna ex duabus conflata videatur. Globosam esse ostēdunt ipsarū Eclipsion causæ, esse in medio libratā & suspensam, ambiendo nostri negotiatores suis nauigationibus demonstrarunt, adeò ut qui olim fabulosi putabantur antipodes, nūc nostris sint familiares. Cicero in somnio Scipionis ait, terrā immobilē ima sede semper manere, cōplexā mediū mundi locū. Scio quosdā nunc subtilius disputare illā non omnino nūc esse, quod o-

Dd

lim fuerat centrū vniuersi, quasi dimota sit à primo suo loco & situ. Sed id alij viderint Huius globi ambitum & (vt vocant) circumferentiam, Veteres etiam suo modo dimēsi sunt, vt Plin. ostendit. Nostri hodie mensores Mathematici numerant quinquies mille & quadringenta milliaria magna Germanica. Audax in dimensione definitio: sed aliquam tamen habet demonstrationem. Videat modo menfor (vt Iuriscōsulti aiunt) ne falsum modū dicat. Certè hūc globum, quē tanquā fundum nostrum calcamus, & in quo historia, quā persequi instituimus, consistit, oportet nobis vtcunque notum esse. Sed benè habet, nunc Geographiæ & Cosmographiæ eam esse lucem, vt eum veluti spectandum in tabula offerat, & propè manu tenendum tradat. Nihil dicam de principum imaginibus, quæ orbem tanquā palam manu gestare se fingūt: quasi essēt, quo dominātur, ¹⁰⁵ ~~102~~ ¹⁰³ ~~104~~ ¹⁰⁵ Memini quod Procopius narrat,

narrat, tale quippiam olim afflictum
fuisse statuæ Iustiniani nostri. Sed sa-
cræ literæ id potius ascribunt maie-
stati Dei conditoris & summi prin-
cipis atque Monarchæ, quem non so-
lum terram vno digito versare, sed &
vniuersum mundum tâquam pugno
comprehensum librare aiunt: & co-
râ quo mundus totus vix sit tanquam
vna gutta roris. Interea quâtus sit or-
bis terrarû Geographia vtcunq;, vt di-
xi, ostēdit, & eū nobis scitè depictum
exprimit atq; contuendum dat. Mul-
tas huius globi partes fateor esse de-
sertas & incultas, in quibus historia
non consistet, Sed nonnullas quæ o-
lim judicabantur inhabitabiles, inha-
bitari nunc compertum est. Sic & au-
ctus est historiæ campus, & hæc ætas
in Geographia multis modis superat
antiquitatē. Quod ad reliquâ attinet
Cosmographiâ superiorē: in cæli am-
bitu & solis, Lunæq; globo, atq; etiam
intetuallo, dimetiendo, & cum terra
certa proportionē conferendo, non

minor nostrorū Mathematicorum,
quā veterū, audacia est. Sed non est
meū inter eos tātas componere lites.
Rectè sanè olim iudicatus est Epicu-
rus furere, cum diceret, Solem esse bi-
pedalē, vt narrat Cic. 1. de Finib. Sed
ipse Cicero tantū infinītè dicit, Solis
magnitudine multis partibus terram
superari: vt & Plinio satis est, probas-
se terrā Luna esse maiorem. Possset vi-
deri nostra ætas excellere, quod sphe-
rā vniuersi etiā αὐτόματοι effinxerint.
Sed factū id quoque olim esse à Possi-
donio suo familiari testis est Cicero
lib. 2. de Nat. Deor. Nouū magis est &
admirabile, quod hac ætate quidā ob-
seruasse se confirmant, Solem indies
ad terrā deuergere, adeò vt abs tēpo-
re Ptolomæi, annos circiter mille &
quadrīngētos descēdendo cōfecerit,
quēadmodū assurgēdo cōficere non
possent multi telluris globi simul ag-
gesti & accumulati: ita quidē, vt si de-
inceps ita vergat, intra .5. secula terrā
cōflagrare necesse sit, Si, qui hęc dicūt,
possunt,

possunt, quod iactāt, demonstrare: certè n. rē magnā & admirabilē dicūt: & quis tandē historiæ vniuersæ futurus sit naturalis finis prædicunt: Superest reliquarū rerum, quæ animatæ sunt, creatio. Dixi biduū postremum hinc impensum esse. Ac prius quidē brutas mutasq; animātes, quæ in terra, mari, aëre sunt, Deū creasse scribit Moses, tandē verò sexto die illud excellentissimū animal, quē hominē appellamus. Sed de hoc priusquā dicamus, in quo & parvus quidē nūdus inesse dicitur: fortasse quæritur historiæ huius ordo & ratio, qua in parte annis existimemus mundum esse creatū. Dico esse probabile, quod veteres Christiani crediderunt, & olim in quadam synodo Cæsariensi scitè definitū fuit, fuisse vernū æquinoctiū. Nā & Moses in eo primum mensem collocat: qui mensis nostro Martio respondet. Olim Romani Urbis suæ diem natalem Paritibus celebrabāt ex AD. XII. Kal. Maii. Nos mundi natalē multo magis

nunc obseruemus. De cuius mūdi ordine, ornatu maiestate præterea quid dicam? Nunquā dici ea de re satis poterit, quod debet. Sed quicquid potuit, dictū scriptūq; ab aliis est diligēter. Itaq; ineptus, nimīūq; ociosus essem, si hanc descriptionē nunc suscipiam. Illud tantū breuiter dicā. Cum ad Dei cognitionem aspiramus, minimē nos hoc mūdi speculū (vt Apost. vocat) negligere debere. Sed in eo tanquam medio itinere, minime cōsistendum esse, cū ad ipsum conditorē assurgere atq; penetrare debemus: qui nec temerē vocatus primū est, nec frustra vocari voluit. Deus qui creauit cælum & terrā. Iam v., etsi prætercā multa, quæ de hac mundi conditione & cōstitutione rectiss. scripta sunt, (nūquam n. alioquin ad eā, ad quam propero, historiā aggrededer) saltē Psalmos, quos olim Sp. Sanctus eo nomine dictauit, sepē in ore habeamus. Sed & magis nos inflāmare potest atq; debet, quod nunc dicendū est de hominis

nis creatione, qua Deus suum (vt vocant) hexaëmeron, velut absoluit atq; conclusit. Audiuius qualē quantāq; diebus quinque, veluti domū extruxerit: nunc qualē dominū & incolā immiserit audiamus. Ipsi & Ethnici senserunt, mundum hominis causa creatū esse. De hominis ergo creatione tandē videamus. Constat is corpore & animo. Corpus exhumto primū Deus effinxit ea forma, quā videmus: deinde animū illi inspirauit. Equidem hic non minus obstupeſco quā cū intueor mundū, sed aliquid tamen delibandū est. Corporis fabricā & Harmoniā multi scitē descripserunt & omnes meritō admirati sunt, tanquam præcipuū & excellens Dei opificium. Mitto eos, qui imaginati sunt quandā non dissimilē faciē in Luna antea impressam fuisse, sicuti disputat Plutarchus in Symposiacis. Cicero in libris Acadē. (ut ex quodā eorū fragmento didici) meminit quidē horum lineamētorum lunæ: sed eo exēplo vti-

tur, cū probare vult, multa nostris & oculis obiici & sensibus videri, quæ tamen nulla sunt. De hominis animo quid dicam? Moses ait Deum creasse hominem ad imaginem suā. Lucebat certè in Sole, atque adeò in vniuersi mundi mole & compage, non obscura Dei imago. Sed in homine & eius præsertim animo, expressa quædam fuit, melior veriorq; effigies Dei. Hoc & olim Philosophos sensisse, & ipsum Ciceronem vtcunq; dixisse audio. Sed sacra litera id liquidius describunt, cum de nobis, in quibus deleta quodammodo est hæc imago, in integrum restituendis, renouandis, atq; instaurandis loquuntur: & in Christo, qui alter veluti Adamus propterea dicitur qualis illa sit, ostendunt, vt ad eius formam revocati, fiamus homines noui, vel (vt loquuntur) induamus nouū hominem, qualis primū cōditus fuit. Iam verò si quæ in nostra corruptione supersunt extrema veluti

luti lineamenta (vt Augustinus vocat) imaginis diuinæ, tam Philosophis visa sunt admirabilia, vt hominē propterea dicerent quendam esse Deum: quid nos de imagine integra & perfectā dicemus? Sanē cū Dauid noster reputat, quibus hominē creatum facultatibus & beneficiis cumularit Deus, attonitus propē obstupescit. Ait sese in mundi creatione cōtemplari, quam sit admirabilis Deus. Sed se multō magis mirari effusam Dei bonitatem in hominis conditione. Quid enim? Hominē à Deo ita conditum & ornātū esse, vt sit quasi Deus. Rectē sanē. Sed in alio Psalmo, tantō magis detestatur ingrati hominis plusquā belluinam vecordiam: & propterea quem vt Deum alias attollit, postea tanquam brutū animal deiicit. Ethnicī hęc non intelligunt. Interdum hominis conditionē laudant & admirantur, perinde atq; si ille etiam nū esset & permansisset, qualis pri-

*Psalm. 8.**Psalm. 48.*

mum fuit: interdum eius imbecillitatem & miseriam, quasi in ea primū fuerit creatus, deplorant: audentq; dicere hominem non tam à Deo patre, quàm abs nouerca natura editū esse. Vt tunc; profectò improbè & intemperanter faciunt ac dicūt. Discernere enim oportuit primā conditionem à corruptione. Sic autem valde est vtile, nos historiam aggressuros cognoscere qualis sit hominū natura, quale ingenium, quales affectus. Nam hæc cognitio nos veluti præmonet, qualē historiam deinceps expectare potissimum debeamus. Sed tantò magis meminisse nos oportet, nobis rem fore cum hominibus, non eius conditionis, in qua creatus primū Adamus fuit, sed eius peccatum est consecuta. Nam posteritas ab homine iam corrupto traxit originē. Porro Moses addit alterius hominis, hoc est, fœminæ, nouā & admirabilem fuisse compositionem, quæ ad absolvendum genus

mus

mus humanum, tanquam pars altera accessit. Ac Paulus hinc elicit singulares quasdam observationes, quæ hanc historiã mirificè cõmmendant, & illius vsum illustrent: & quòd vir ante fœminam creatus sit, quodque ex viri ossibus fœmina sit efformata, maximarũ rerum significationem esse ostendit. Est autem cum vtriusque hominis creatione coniuncta ipsius coniugij sacrosancta institutio: vtque quàm arctum sit hoc vinculum magis intelligatur, iam tum ea illi lex dicta est, quæ virum vxori suæ potius quàm parentibus adhærere iubet, & vtrunque veluti in vnum corpus coalescere. Hinc autẽ quid Malachias Propheta, quid ipse Christus, quid denique Paulus Apostolus colligat, obseruandum etiam erit. Cum coniugii deinde ratione coniunctum est domicilium, quod primis illis coniugibus Deus veluti *ἐκκλησία*, amenissimum in hoc orbe terrarum, tanquam in vasta quadam

dam ciuitate pulcherrimum palatiū dedit, eodem, quo creati sunt, die. Et quidem (quod in historia imprimis obseruandum est) Moses indicat fuisse certum in Mesopotamia locum irriguum, quem illi incolere iussi sunt; Veteres Christiani Persica voce appellarunt Paradisū: qua voce Xenophon in Oecon. indicat vocatos propriè fuisse hortos Regū Persicorum. Cicero in Catone, interpres Xenophontis, dixit agrum conseptum, diligenter consitum. In Sibyllinis, quos allegat Lactantius, versibus, vbi de hoc Adami domicilio agitur, legimus *παράδεισον, ἐν ᾗ ἔλατο ἡ πόλις*. Neq; verò procul à Persidis finibus situs fuisse videtur ille Adami paradisus, quem Moses non simpliciter aut confusè notat in Oriente fuisse, sed indicat fuisse in Mesopotamia ad confluentes aut ripas eorū fluminum, quæ ab alijs scriptoribus appellari videntur Tigris & Euphrates. quos quidem fluuios apud Babylonem

Ionē confluere & coire, deinde rursus diuisis alueis in mare Persicum effundi, ex Strabonis & Plinij descriptione etiā intelligimus. Fuisse itaq; paradysum nō procul ab ea regione, in qua postea condita est Babylon, statuamus: & multa quę de eo interpretes allegorici finxerunt portēta, fugiamus. Amenitatem fuisse denique cogitemus maximam, qualem neque insulis fortunatis, neque suis Tempe Thessalicis affingere Veteres possunt. Omitto, quod Plutarchus in Sertor. & alij tradiderunt de illis insulis Notiora sunt Tempe: qui fuit veluti quidam Thessalię paradysus. *Ælianus* scitissimē describit amenissimum illum locū, quem & *Penæus* amnis, & aliquot alij fluuij confluentes alluunt: aitque non humana esse manu confitum, sed iam inde ab initio *γνίσεως* fuisse admirabile opus naturę, *αυτομάτως εἰς κάλλος* (vt ait) *τό τε φιλοκρησταιμένης*. Addit & religioni veluti consecratum fuisse locum,

locum, quasi lucum dixeris. Quia Paradiso in Mesopotamia, vt Adamo pulso, sic & aliis deinde hominibus interdictum fuit: saltem aliquā eius vmbra in illis Tempe videre posteri tas potest. Homini in illis amānissimis sedibus collocato & deliciis alioqui omnibus affluenti, Deū pomi cuiusdam esu interdixisse Moses ait. Fuitq; hæc prima & vnica abstinentiæ atq; obedientiæ lex, homini data: cuius quidem legis & ratio & sanctio expressa quoq; fuit.

Cum hæc, quæ iam dixi, die sexto acta perfectæque essent, Moses narrat Deum die septimo conqueuisse, eumq; diē veluti consecrasse quieti. Quod quidē exemplum ex hac historia repetitū multis post seculis etiam laudauit, cū suam legē ferret de Sab-
bato, hoc est, de corporali quiete diei septimi: qui singulis hebdomadibus esset feriatu, vt totus rebus sacris vacaret. Sed & Epistola ad Hebræos aliud ex hac historia mysteriū elicit

elicit. Age verò, en vir vnus, & fœ-
 mina vna in toto terrarum orbe. Vi-
 dendum nunc est, ecquid agatur. Nō
 enim semper feriari iubentur: mini-
 meq; fuerūt ociosi, cū mirabilis sem-
 per hominum fuerit πολυπραγμοσύνη.
 Nō possunt tamē multæ, variæq;, vbi
 tam rari homines sunt, actiones nūc
 occurrere. Erat certē totus orbis ita
 paratus, vt nihil præter incolas & in-
 quilinos deesset: sicuti quædā insulæ
 nuper in Oceano reperiæ sunt, amæ-
 nissimæ quidē, sed alioqui desertæ: in
 quibus arbores, plantę, aues, pecudes
 multæ: sed homo nullus, hominum-
 que vestigia nulla. Verū humanā
 solūm historiā nūc requirimus. Ne-
 que tantū dispūtamus, quid homo à
 Deo creatus agere debuerit: sed quid
 egerit, præsertim suo libero arbitrio
 relictus, quærimus: vt cū in scenā
 Roscius aliquis prodijt, attoniti spe-
 ctamus, ecquid acturus sit Cicero, *lib. 2. de*
 Sunt (inquit) è terra homines, nō vt *Nat Deor.*
 incolæ atq; habitatores, sed quasi spe-
 ctatores:

Etatores superarum rerū atq; cœle-
stiū: quarum spectaculū ad nullum
aliud genus animantiū pertinet. Ma-
ius quippiam est, quod Epictetus a-
pud Arrianum nō minū scitē dixit:

ὁ θεὸς τὴν ἀνθρώπου ψυχὴν εἰσέλασθαι αὐτῷ τε
καὶ τῷ ἔργῳ αὐτῷ, καὶ οὐ μόνον ψυχῇ, ἀλλὰ καὶ
ἐξηγητῇ αὐτῶν.

Ego verò longius etiam progredior, & quod principiò huius orationis dixi, nunc in conclusione repetā, hominē esse à Deo creatū, & in hoc mundo collocatū non modò vt spectator & interpret sit, sed etiam vt sit actor, Deinde vt non solum rerū à Deo creatarum, sed & multò magis actionum inter homines & cum hominibus transactarum spectator sit. Hinc historia,

in quam nunc ingrediendum est.

FINIS.



tur, cū probare vult, multa nostris & oculis obiici & sensibus videri, quæ tamen nulla sunt. De hominis animo quid dicam? Moses ait Deum creasse hominem ad imaginem suā. Lucebat certè in Sole, atque adeò in vniuersi mundi mole & compage, non obscura Dei imago. Sed in homine & eius præsertim animo, expressa quædam fuit, melior veriorq; effigies Dei. Hoc & olim Philosophos sensisse, & ipsum Ciceronem vtcunq; dixisse audio. Sed sacræ literæ id liquidius describunt, cum de nobis, in quibus deleta quodammodo est hæc imago, in integrum restituendis, renouandis, atq; instaurandis loquuntur: & in Christo, qui alter veluti Adamus propterea dicitur qualis illa sit, ostendunt, vt ad eius formam revocati, fiamus homines noui, vel (vt loquuntur) induamus nouū hominem, qualis primū cōditus fuit. Iam verò si quæ in nostra corruptione supersunt extrema veluti

luti lineamenta (vt Augustinus vocat) imaginis diuinæ, tam Philosophis visa sunt admirabilia, vt hominē propterea dicerent quendam esse Deum: quid nos de imagine integra & perfectā dicemus? Sanē cū Dauid noster reputat, quibus hominē creatum facultatibus & beneficiis cumularit Deus, attonitus propē obstupefcit. Ait sese in mundi creatione cōtemplari, quam sit admirabilis Deus. Sed se multō magis mirari effusam Dei bonitatem in hominis conditione. Quid enim? Hominē à Deo ita conditum & ornatū esse, vt sit quasi Deus. Rectē sanē. Sed in alio Psalmo, tantō magis detestatur ingrati hominis plusquā belluinā vecordiam: & propterea quem vt Deum alias attollit, postea tanquam brutū animal deiicit. Ethnici hæc non intelligunt. Interdum hominis conditionē laudant & admirantur, perinde atq; si ille etiam nū esset & permanfisset, qualis pri-

Dd 5

mum fuit: interdum eius imbecillitatem & miseriam, quasi in ea primū fuerit creatus; deplorant: audentq; dicere hominem non tam à Deo patre, quàm abs nouerca natura editū esse. Vt tunc; profectò improbè & intemperanter faciunt ac dicūt. Discernere enim oportuit primā conditionem à corruptione. Sic autem valde est vtile, nos historiam aggressuros cognoscere qualis sit hominū natura, quale ingenium, quales affectus. Nam hæc cognitio nos veluti præmonet, qualē historiam deinceps expectare potissimum debeamus. Sed tantò magis meminisse nos oportet, nobis rem fore cum hominibus, non eius conditionis, in qua creatus primū Adamus fuit, sed eius peccatum est consecutā. Nam posteritas ab homine iam corrupto traxit originē. Porro Moses addit alterius hominis, hoc est, fœminæ, nouā & admirabilem fuisse compositionem, quæ ad absolvendum genus

mus

mus humanum, tanquam pars altera accessit. Ac Paulus hinc elicit singulares quasdam observationes, quæ hanc historiã mirificè cõmmédant, & illius vsum illustrent: & quòd vir ante fœminam creatus sit, quodque ex viri ossibus fœmina sit efformata, maximarũ rerum significationem esse ostendit. Est autem cum vtriusque hominis creatione coniuncta ipsius coniugij sacrosancta institutio: vtque quàm arctum sit hoc vinculum magis intelligatur, iam tum ea illi lex dicta est, quæ virum vxori suæ potius quàm parentibus adhærere iubet, & vtrunque veluti in vnum corpus coalescere. Hinc autẽ quid Malachias Propheta, quid ipse Christus, quid denique Paulus Apostolus colligat, observandum etiam erit. Cum coniugii deinde ratione coniunctum est domicilium, quod primis illis coniugibus Deus veluti *ἐκκλησία*, amenissimum in hoc orbe terrarum, tanquam in vasta quadam

dam ciuitate pulcherrimum palatiū dedit, eodem, quo creati sunt, die. Et quidem (quod in historia imprimis obseruandum est) Moses indicat fuisse certum in Mesopotamia locum irriguum, quem illi incolere iussi sunt; Veteres Christiani Persica voce appellarunt Paradisū: qua voce Xenophon in Oecon. indicat vocatos propriè fuisse hortos Regū Persicorum. Cicero in Catone, interpretēs Xenophontis, dixit agrum conseptum, diligenter consitum. In Sibyllinis, quos allegat Lactantius, versibus, vbi de hoc Adami domicilio agitur, legimus *παράδεισον, ἐκείνην καὶ τὴν* *κῆπον*. Neq; verò procul à Persidis finibus situs fuisse videtur ille Adami paradisus, quem Moses non simpliciter aut confusè notat in Oriente fuisse, sed indicat fuisse in Mesopotamia ad confluētes aut ripas eorū fluminum, quæ ab alijs scriptoribus appellari videntur Tigris & Euphrates. quos quidem fluuios apud Babylonem

Ionē confluere & coire, deinde rursus diuisis alueis in mare Persicum effundi, ex Strabonis & Plinij descriptione etiā intelligimus. Fuisse itaq; paradysum nō procul ab ea regione, in qua postea condita est Babylon, statuamus: & multa quę de eo interpretes allegorici finxerunt portēta, fugiamus. Amenitatem fuisse denique cogitemus maximam, qualem neque insulis fortunatis, neque suis Tempe Thessalicis affingere Veteres possunt. Omitto, quod Plutarchus in Sertor. & alij tradiderunt de illis insulis. Notiora sunt Tempe: qui fuit veluti quidam Thessalię paradysus. *Ælianus* scitissimē describit amenissimum illum locū, quem & *Penæus* amnis, & aliquot alij fluij confluentes alluunt: aitque non humana esse manu confitum, sed iam inde ab initio *γνίσεως* fuisse admirabile opus naturę, *αὐτομάτως εἰς κάλλος* (vt ait) *τότε φιληκμησαμένης*. Addit & religioni veluti consecratum fuisse locum,

locum, quasi lucum dixeris. Quia Paradiso in Mesopotamia, vt Adamo pulso, sic & aliis deinde hominibus interdictum fuit: saltem aliquā eius vmbra in illis Tempe videre posteritas potest. Homini in illis amānissimis sedibus collocato & delitiis alioqui omnibus affluenti, Deū pomi cuiusdam esu interdixisse Moses ait. Fuitq; hæc prima & vnica abstinentiæ atq; obedientiæ lex, homini data: cuius quidem legis & ratio & sanctio expressa quoq; fuit.

Cū hæc, quæ iam dixi, die sexto acta perfectæque essent, Moses narrat Deum die septimo conqueuisse, eumq; diē veluti consecrasse quieti. Quod quidē exemplum ex hac historia repetitū multis pōst seculis etiam laudauit, cū suam legē ferret de Sabbatho, hoc est, de corporali quiete diei septimi: qui singulis hebdomadibus esset feriatu, vt totus rebus sacris vacaret. Sed & Epistola ad Hebræos aliud ex hac historia mysteriū elicit

elicit. Age verò, en vir vnus, & fœmina vna in toto terrarum orbe. Videndum nunc est, ecquid agatur. Nō enim semper feriari iubentur: minimeq; fuerūt ociosi, cū mirabilis semper hominum fuerit *πολυπρωγμαζωή*. Nō possunt tamē multæ, variæq; vbi tam rari homines sūt, actiones nūc occurrere. Erat certē totus orbis ita paratus, vt nihil præter incolas & inquilinos deesset: sicuti quædā insulæ nuper in Oceano reperiæ sunt, amantissimæ quidē, sed alioqui desertæ: in quibus arbores, plantę, aues, pecudes multæ: sed hominum nullus, hominumque vestigia nulla. Verū humanā solūm historiā nūc requirimus. Neque tantū dispūtamus, quid homo à Deo creatus agere debuerit: sed quid egerit, præsertim suo libero arbitrio relictus, quærimus: vt cū in scenā Roscius aliquis prodijt, attoniti spectamus, ecquid acturus sit Cicero, Sunt (inquit) è terra homines, nō vt incolæ atq; habitatores, sed quasi spectatores;

*lib. 2. de
Nat Deore*





